



1) Prasinus Rotardum

nr. 2222 2) - 6)

SELECTIORES  
EPISTOLAE

*Clarorum virorum,*  
In usum Scholarum in tres Libros  
digestae;

OPERA  
Simonis Verrepæi.

*Epistolarum Auctores indicat versa pagina.*  
His accessit  
Breuissima de Epistolis Latine conscri-  
bendis Isagoge, eodem  
auctore.



ANTVERPIÆ,

Apud Ioannem Bellerum, ad insigne Aquile  
reæ. Anno M.D.LXXIII.

Cum Priuilegio Regis.

H  
Epistolarum Auctores.

Petrus Beimbis Vetus. S.R.E. *Cardinalis*  
*Obiit Roma Anno 1547.*

Iacobus Sadoletus Mutinensis. S. R. E. *Car-*  
*dinalis Obiit Roma Anno 1547.*

Christophorus Longolius, Mechlinianus  
*Obiit Patauij Anno 1522.*

Paulus Manutius Vetus, Aldi filii  
*Venetijs adhuc in viuis agit.*



Simon Verrepans liberali indo-  
le et eximia spe Adolescentibus  
Et Pueris, Francisco, Joanni,  
Luca, Gasparo, Melchiori, Et  
Balthasaro Belleris, integerri-  
mi viri Joannis Belleri Biblio-  
polæ Antuerpiani FF. libera-  
lium artium studiosis.

S. P. D.

 Nter omnia adolescentiæ stu-  
dia, nullum est aliud, quod  
ipsam perinde decoret, exor-  
net atque illustret, atque stu-  
dium politiorum litterarum,  
vt quod ad omnium liberalium artium co-  
gnitionem, solidamque ac vetam eruditio-  
nem aperiat ac seruat viam; Ipsa verò eru-  
ditio, eum ipsum qui se possidet multifariā  
honestat, & adiuuat, adeò vt nihil pñne sit  
in rebus humanis, quod sit omnium morta-  
lium ætati maiori ornamento, quodque rei

A 2 tum

E P I S T .

tum publicæ tum priuatæ magis conducat, immo magis sit necessarium, quām ipsa litterarum artiumque omnium liberalium cognitio: Hac enim claritas acquiritur inter ciues, hac quisque rebus non vulgaribus præficitur, hac in aduersis se consolatur, in prosperis sibi moderatur, huius suavi contubernio, etiam cum maximè solus est, latutus perfruitur.

Hæc qui mente secum reputat, quis non summis laudibus vehat Parentis vestri consilium, qui filios tam multos, procul à patria, tanta solicitudine, à doctis ac pijs Institutoribus liberaliter procurat educandos; qui que nunc ipse in Galliam se recipit, nunc petit Germaniam, maximis tum sumptibus suis, tum periculosis itineribus, varijsque se fortunæ casibus obijciens, vt sibi cōparet quo liberis sumptum studijs necessarium fuppeditet. Quo nomine nō possum non, tametsi vetusta necessitudine coniunctissimum, vehementius ipsum adamare, ipsumque & colere & celebrare, quantum ipsius id animi modestia permiserit.

Ad vos igitur me conuerto, optimi & ingenui Adolescentes, quos ego ter quartaque

terque beatos existimo, quibus tali nasci Parente obtigerit, qui & possit, & velit, vos optimis quibusque disciplinis recte & ingenuè informandos curare; Et quod in educationis negotio potissimum est, qui vobis ipse præluceat, & viam commonstret expeditam, quæ rectâ vos ducat ad vitam beatam & immortalem; quem respicere & intueri, cui auscultare necesse est, nec vel pedem discedere à tramite quo vos ire iusserit, sed omnibus potius eniti, tum corporis, tum animi viribus, ut, dum ille vobis subministrat oleum, vos operam ne perdatis: quod facile cauebitis, si toto peccatore, quod aiunt, huc incubueritis (quod Parentibus vestris est summæ curæ) ut & vita meliores, & eruditione euadatis quotidie ornatores.

Si porro vos rectâ huc contendentes, magnus subinde & assiduus terreat subeundus labor, incredibilis certe fructus, laboris amplissima merces, vos erigere, vos huc inuitare & excitare debet. Habet si quidem scientiarum principia potissimum, radices amaras quidem, sed fructus multa dulcedine refertissimos. Et veluti Rose flores om-

E P I S T .

nium pulcerrimi in spinis nascuntur; sic ex durissimis studiorum laboribus, percipiuntur fructus multò suauissimi. Quos fructus Diogenes & breuibus & luculentissimis expresit verbis:

Eruditio, inquit, Iuuuenibus sobrietas est,  
Senibus solatium, Pauperibus diuitiae, Diuitibus ipsis ornamentum.

Perpendite, adolescentes optimi, quid hic dicat Philosophus Græcus, quantumque eruditionis encomium, paucissimis verbis incluserit. Nulla est ætas hominis vel conditio, cui non magno sit emolumento, Eruditio, Iuuuenibus, Senibus, Pauperibus, Diuitibus.

Vobis igitur qualeuscunque vel nunc sitis, vel fueritis aliquando in posterum, non potest non ipsa Eruditio esse maximæ voluptati, maximo usui & ornamento. Atque hæc ea consideratio & spes est, qua inducti Parentes vestri ad hæc studia rectè excollenda nullis omnino parcunt sumptibus, Vos igitur & hæc eadem, tum tanta Parentum in vos pietas commoneat & commoneat oportet, ut eorum de vobis expectationi, quam non exiguum sustinetis, epitamini

tamini satisfacere. Quod ut alacrius & facilius præstetis, mittimus dono munus-  
culum nominibus vestris inscriptum, Se-  
lectiores videlicet clarorum Virorum Epi-  
stolas, ex quām plurimis in usum schola-  
rum à nobis sedulò collectas, quas pueri-  
libus vestris studijs recte auspicandis,emo-  
lumenti non parum allaturas, vobisque &  
vnueris politiorum litterarum candida-  
tis hoc etiam iucundiores futuras confidi-  
mus; quod earum pars maxima Nobilitati,  
Principibusque Viris, & Ecclesiæ Proceri-  
bus, reliquæ vero pñne omnes viris & lit-  
teris & eruditione multa exultissimis in-  
scriptæ sînt, ut Lectori simul & fructum  
adferant & voluptatem. Mirabilis si qui-  
dèm utilitatis fructum attulerit sermonis  
Latini puritas, elegans & tamen illaborata  
orationis forma, Voluptatem vero non  
minorem argumenti in ipsis mira quædam  
& iucunda varietas, quæ Lectorem subin-  
de tanta demulcet voluptate, ut animus di-  
ctionis elegantia & rerum varietate pelle-  
atus, multa earum lectione vix tandem ex-  
pleri queat.

Dicerem nunc etiam, quod res & locus

A 4 postul-

postulant, de earum scriptoribus, nisi ve-  
 rer, ne gracilior hæc nostra camœna tam  
 eximius corū laudibus decantandis nulla ex  
 parte sufficeret. Quid enim eos ipse laudē  
 aut prædicem, quos ætatis nostræ viri inge-  
 nio & copia dicendi præstantissimi summis  
 laudibus prosecuti sunt? quos ipsa Italia,  
 quos Gallia & Germania, atque vñitersus  
 hic orbis noster Christianus, & scripto, et  
 famæ præconio celebrarint? cumque ad-  
 hæc vino vendibili suspensa nihil opus sit  
 hedera, ipse à laudibus eorum supercede-  
 bo, hoc tantum dixisse contentus, si harum  
 auctores omni certè doctrinae & ingenij  
 laude celeberrimi, auro illo Ciceronis se-  
 culo vixissent; inter eos non insino gradus  
 constitissent, quorum Epistolas familia-  
 bus, & ad Atticum Ciceronis insertas pas-  
 sim legimus. Quamobrem ut Ciceronis  
 epistolis nihil ne singi quidem potest quid-  
 quam purius, aptius, aut eleganter: Ita his  
 quidem primùm sedulò lectis, Ciceronis,  
 harū epi-  
 stol. vñ.  
 quæ paulo acrius iudicium requirunt, non  
 multo post subsequuntur necesse est, tum  
 vt in his, vt ad usum communem accom-  
 modationibus adolescens non nihil exerci-  
 tatus

N V N C V P.

tatus expeditius Ciceronis aſsequatur, tum  
vt tota imitationis ratio queat facilius ab  
ipſo percipi, quod ad parandam Erudi-  
tionem momenti non minimum habere  
creditur.

Hæc fere ſunt, Adolescentes ingenui,  
quæ me commouerunt, vt de his in vſum  
puerilis ætatis colligendis, collectisque in  
lucem emittendis primum cogitare coepe-  
rim, conſiliumq; ad effectum perduxerim;  
quem equidem laborem, ſi ſtudijs vestrīs  
non inutilem fuiffe aliquando intellexero,  
erit quod non vulgariter gaudeam, mihi-  
que magnificè de fuſcepti laboris fructu  
gratuler.

Deum Opt. Max. precor, vt bene cœpta  
ſtudia veftra prouehat, ad lxtamq; frugem  
perducat, atque vt vos ipſos in multos an-  
nos tueatur ac ſeruet incolumes. Mech-  
liniæ, Anno à partu ſalutifero, M. D.  
L X X I I I . Kal. April.

A 5 . Ad.

Ad librum.

I nunc care Liber, Belleri accede penates,

I bene propitio numine care Liber.

I nunc, an refugis? primum saluere iubebis.

Tum te suscipiat supplice voce petes,  
Si roget, Vnde venis? Dic Thabore Mechliniano.

A Verrepao nempe Simone tuo.

Postea nos ipsi dic omnia lata precari.

Viuat & vt felix, hoc satis, adde, Vale.

Mechl. 1574.

IN

# INDEX

Commonstrans quis cui scribat,  
& quoties.

## P E T R V S B E M B V S.

Alphonso Duci Ferrariæ	pag. 16.
Andreae Alciato Iureconsultæ	33.
Andreae Triuisano	49.
Antonio Perrenoto Granuellano	27.
Antonio Abbati S. Bertini	51.
Bartholomeo Riccio	8.
Basilio Zancho	59.
Bernardo Bembo Patri	20.
Carolo Hispaniæ Regi	138. 58. 61.
Carolo Vtenhouio	11.
Catharinæ Landæ	39.
Damiano Goes Lusitano	17.
Egidio Cardinali	6.
Erasmus Roterodamo	44.
Francisco Gallorum Regi	102.
Francisco Marchioni Mantuæ	3.
Gregorio Cortesio	80.
Guilielmo Budæo	316.
Hadriano Episc. Dertusensi	35.
Herculi Strotio	3.
Hieronymo Vidæ Episc	96.
Iacobo Sadoleto Episc	43.
Iac. & Ioan. Lomellinis	74.
Iano Parrhasio	6.
Ioach. Marchioni Brandenburg.	12.
Ioanni Paulo Balioni	9.
Laurentio	

Laurentio Maluitio	4.
Lazaro Baiſio	9.
Lazaro Bonamico	14.
Leandro Alleſio	47.
Ludouico Gallorum Regi	98.
Maximil. Mediolan. Duci	2.
Marco Ceruino Cardinali	37.
Nicolao Perrenoto Granuellano	77.
Nicolao Prendilaquæ	7.
Petro Barotio Episc.	32.
Reginaldo Polo Britanno	24. 111.
Sigismundo Gonzagæ Cardinali	22.
Torquato Bembo	32. 41.
Valerio Superchio	25.

### IACOBVS SADOLETVS.

Alexandro Farnesio Card.	95.
Ambrosio Catharino Episc.	28.
Antoniu Perrenoto Epis.	1.
Antonio Florebello	17.
Dionyſio Card.	36.
Francisco Episc. Agriensi	80. 13. 18.
Gabrieli Paleotto	70.
Georgio Duci Saxoniæ	85.
Germano Brixio	50.
Guilielmo Duci Bauariæ	23.
Herculi duci Ferrariae	56.
Hieronymo Vidæ Episc.	48.
Iacobo Simonettæ Card.	19.
Ioanni Cochlaeo	7.
Ioan. Matth. Giberto Episc.	66. 106.
Ioan. Toletano Episc.	38.
Isidoro Clario Abbatii	95.
Nicolao Episc. Cap. Card.	79.
Nicolaus Peitellio	82.
Nicolao Rodulpho Card.	26.
Paulo	

Paulo Louio Episc.	113.
Paulo Sadoletto	8.11.31.40.
Petro Bembo	5.15.
Reginaldo Polo	64.
Romulo Amaseo	45.38.

## CHRISTOPH. LONGOLIVS.

Antonio Flaminio	104.
Baptistæ Egnatio	128.
Gregorio Corfeio.	123.
Iacobo Sadoletto	68.
Iacobo Lucæ Decano Aurelian.	142.
Mario Castellano	52.
Nicolao Draconii	134.
Petro Bembo	72.75.108.
Reginaldo Polo	31.
Simoni Villanouano	114.

## PAVLVS MANVTIVS.

Andrea Duditio	7. 44.
Antonio Mureto	2. 24. 32.
Antonio Nattæ	3.
Antonio Rolando	5.
Camillo Paleotto.	126.
Carolo Sigonio	19.
Decio Brancaleoni	63. 73.
Dionysio Monstroliensis	26.
Francisco Cicereio	60.
Francisco Richardoto	132.
Francisco Robortelio	86.
Gülielmo Sirletto	65.
Iacobo Grifolo	29.
Ioan. Baptista Pignæ	85.
Ioan. Sambuco	93.
Laurentio Gambaræ.	34.
Lxuino Torrentio Leodienis	2.

Marie

11



Mario Corrado	14. 42.
Mario Nicolio	46. 90.
Michaeli Turriano	30.
Nicasio Castetano	83. 138.
Octauiano Ferrario	37. 121.
Paulo Sacratu	100.
Petro Bembo	73.
Romulo Ceruino	69.
Seb. Leoni Cordub.	4.

## PRIVILEGIORVM

### SENTENTIA.

**C**Autum est auctoritate Philippi Hispaniarum Regis, Brabantie Ducis &c. ne quis Typographus aut Bibliopola, alius à Ioāne Bellero, imprimat. Selectiores Epistolæ Clavorum virorum, in usum Scholarum in tres libros digestas opera Simonis Verrepæi &c. Vel alibi impressas in Brabantie Ducatu intra quinquennium veniales inuehat, sub penit in Priuilegio contētis. Actū Bruxellis die 11. Aug. 1573. & subscriptū de VVitte.

Simili Priuilegio cautū est Ioanni Bellero Bibliopola Antuerpiensi, nec quis Typographus aut Bibliopola, vel alius cuiuscunque is fuerit conditionis, idem Opus in Hæreditarijs ditionibus Philippi Regis nostri, intra quinquennium imprimat, alibive impressionem distrahat; Prævaricatori dupla in multam constituta, Fiseō, Denunciatori, & eidem Bellero applicanda. Actum Bruxellis 29. Iulij 1573. Subscriptū.

J. de la Torre.

In

4. 42.  
6. 90.  
30.  
3. 138.  
7. 121.  
100.  
73.  
69.  
4.

In selectas clarorum viorum epi-  
stolas, M. Augustini Viscauij  
Mechliniensis Epigramma.

Splendida doctorum non emoritura refulget  
Gloria, perpetuo laudis honore micans.  
Et breuior cursus quanquam sit metaq; vita,  
Lubricus ambiguis passibus erret homo:  
Fama tamen supereft post busta voracia , nomen  
Astra petens longos viuere datq; dies.  
Nobile quos inter poscunt sibi iure trophæum,  
Qui studijs linguis perpoliere suis.  
His sine nam rerum dono pulcerrima diuūm  
Cognitio queat haud obtinuisse decus.  
Miratur Bembum patriæ ergo fera deorem  
Posteritas,raris annumeratq; viris.  
Cuius ab ore fluit Latij, eeu fonte, venusta  
Mellifluo phrasis & plena lepore cadens.  
Ac Sadoleti memori præconia voce  
Cantat, & eloquij flumina magna stupet.  
Purpurei titulis effulgit uterque Senatus,  
Dignaq; virtutis præmia clarus habet.  
Longolij nec ijs cedet bene sermo disertus,  
Omnimoda cultus fertilitate scatens.  
Quem si fata virum seruassent impia, Tulli  
Principis eloquij victa loquela foret.

Gaudet

In



Gaudet & illorum proles inscribier albo  
Aldina, egregium mente referatq; patrem  
Atque coronatum simul addetur esse laborem.  
Hoc Verrepæi quem superaddit opus.  
Qui studijs semper Iuuenum prodesse laborat,  
Et quacunque valet parte iuuare, iuuat.  
*Antuerpiæ.*

Ad studiosum Lectorem Adrianus  
Scherenbergiis Antuerpien.

Qui cupis e varijs blandos decerpere flores,  
Spirantes hortis caprareq; naribus auras,  
Huc adesibunc vigili cito perlege mente Libellū,  
Perdocti Symonis opus, tibi primus ora  
Barbara formabit: rudit ac mage lingua latinos.  
Ipsa sonos referet, verborum sorde repulsa,  
In certumq; reget calamum; nec epistola mendis  
Vlla scatere potest, horum vestigia curæ  
Carpere si fuerit: breuitas & tædia pelleret.  
Grata dabit largum multo & cū fænore fructū  
Lectio, nec muleos sit consuluisse necessum.  
Auctores, præsens tibi suggestit optima Codex.

**F I N I S.**

**L I B E R**

Cephæ

# LIBER PRIMVS

Leo x. Carolo Hispaniæ  
Regi.

**D**E tua tam egregia in nos voluntate, ago tibi, quas debo gratias: hoc est maximas atque amplissimas: spondeoq; me eius rei memoriam meo ex animo nunquam deleturum: daturum autem operam, ut parim in me voluntatem persimilemq; semper experiare ijs in rebus, quæ ad dignitatem tuam, vel sustinendam vel amplificandā pertinebunt: Dat. XIII. Kal. Mart. M. D. x viii. Anno quarto. Roma.

P. Bebus  
exist. Po  
tificiarū.  
lib. 14.

Ant. Perrenoto Episc. Atrebatenſi.

Cum scriberem ad patrem tuum clarissimum virum, mandaui tabellario, ut meis verbis tecum accuratius loqueretur. Ego, quod ad me attinet, amore eum conseruo, quem iam ab eo congressu, quo ad Nicæam primùm vna fuimus erga te suscepī. Tu si pari erga me voluntate fueris, non solum meæ expectationi satisfacies, sed humanitati etiam constabis tuæ. Vale. Carpenteracti. V. Idus Nouemb. M. D. x l v.

Tac. Sa-  
doletus  
episc. li-  
bro 15.

B

Leuino

Leuino Torrentio, Leodium.

P. Manu  
tius li. 5.  
epistol.

Leodiensem Episcopum, de quo multi multa  
narrant omnia præclara, summoq; digna principe,  
siquid habebo artis aut facultatis, ornabo  
laudibus: sin, quod suscipiam, præstare non licebit,  
amabit ille tamen, ut opinor, voluntatem.  
Tu me interim, de meliore, ut ille inquit, nota,  
commendabis, eiusq; in me benevolentiam, si qua  
est, ea qua apud illū vales gratia, fouebis. Vale.  
nosq; sāpe litteris, si otium est, saluta. Venetijs.

Leo X. Maximil. Mediolanensis duci.

Bemb.  
Pont.  
epist.  
lib. 9.

Proficiscitur Mediolanum is, cui has ad te  
litteras dedi, abs te petiturus, ut sibi emere istuc  
liceat thoracas ferreos quater mille, quibus nostri  
pedites uti possint. Quia in re te hortor, des ei atque  
commodes, non id modo, ut emere thoracas illos:  
sed etiam ut sine portorij solutione educere  
de tua ditione possit. Datum quarto Kalendas  
August. Anno secundo. Roma.

M. Ant. Mureto. Patauim.

Manu-  
tius li. 3.

O mi Murete, quot me premunt onera, quibus  
angor curis: accedit imbecillitas valetudinis,  
quam, do equidem operam, ut omnino tuear  
ac sustentem: sed vacillare interdum necesse est:  
ita multa incurruunt in nos, quæ nec vitare licet;  
nec sumus ad sustinendum pares: tu me: tuus  
amor,

amor, tua virtus multum leuat. Vale. ante solis ortum albescente die. Nonis Sept. quo me die discedere cogit antem, noua res detinuit.

Leo X. Franc. Marchioni Mantua.

Quoniam ad sacra conficienda, precesque diuinias celebrandas, cantore mihi opus est, qui graviore voce concinat; velim si tibi incommodum non est, ut ad me Michaelum Lucensem cantorem tuum mittas: ut eo nostris in sacris atque templo, quod est omnium celeberrimum, atq; sanctissimum, communemq; totius orbis terrarum pietatem & laetitiam continet, vti possim. Datum tertio Kalend. August. Anno secundo. Roma.

M. Ant. Nattæ. Mantua.

De rebus meis, de valetudine, de studijs, exigit omnino amicitia nostra, ut aliquid significem: sed neque nunc satis otij suppetit, neque, ut reverè dicam libenter scribo, que tu non libenter legas: meliora tamen omnia paucis diebus fore videbuntur: itaque r̄beriores à me litteras exspectato. Hæc dictaui properè multis districtus negotijs, animo curis impedito. Liber tuus propter diem prælo committerur, & diligenter emendabitur. Vale.

Manutius li. 3.

Herculi Strotio Ferrariam. S.  
Cœnanti mihi heri cum fratre tuo, redditæ

B 2 sunt

## 4 SELFC T. EPIST.

Bembus  
lib. 3. e-  
pist.  
Familia-  
rium.

sunt abs te litteræ, perbreues illæ quidem; ut  
cum hominis occupatiſimi, tum cui nihil effet fe-  
rè, quod ſcriberes, præter salutem. Scripſisti ta-  
men, atque ita ſcripſisti, ut amore erga me tuο,  
tuaq; benevolentia, pagella etiam ipſa redundar-  
et. Itaque valde te amo; quod des operam, ut  
effe me tibi quam cariſſimum, non dictis tan-  
tum, ſed etiam codicilliſ intelligam. Vale. XIII.  
Kal. Nou. M. D. II. De Strotiano tuo.

Seb. Leoni Cordubensi. Romam.

Manuti-  
us lib. 4.

Nicolaus Nathaelius egregiè moratus ado-  
lescens magnos in latinis litteris progressus à diſ-  
ceſſu tuo fecit; Is cum mibi per ſe caruſ eſt, tum  
eo magis, quod de te ſapè loquitur amantiſime,  
tuamq; erga ſe, patremq; ſuum, inſigni probitate  
atque doctrina virum, perpetuam benignitatem  
ſic in ore habet, ut eius memoriam nunquam fi-  
nat intermiſſi. Romæ te nunc eſſe, tantum abeſt  
ut doleam, ut etiam ſummè gratuler. Vale.

Leo x. Laurentio Maluitio.

Bemb. li. 4 Pōt.  
Excusationem tuam, qua mecum per litteras  
de tuo ad nos aduentu, eatenus admitto,  
ut te bono in me animo eſſe planè existimem; Vo-  
lo autem, & tibi mando, ut reieclis omnibus im-  
pedimentis Remam venias. Ceterum ad eas lit-  
teras, quas hac de re tota, magistratui Bononiæ  
dedi,

dedi, te referes; quæq; tibi is meo nomine man-  
dauerit, sine vlla tergiuersatione aut mora.  
Dat. XVIII. Kal. Sept. M. D. XIII.

Antonio Rolando. Lutetiam.

Turnebus, ut me plurimum diligat, quod cer-  
tè mutuo faciet, exopto. Plurimum mihi tribuat,  
quod litteræ tue significant, non postulo. Quid  
enim ego sum? aut si esse aliquid videor, præ illo  
tamen quid sum? Ille est, cui iure omnia tri-  
buantur: qui iam peruererit eo, quo nobis aspira-  
re non licet. Saluta eum meis verbis, cum veter-  
rimo amico meo, spectate virtutis & industriæ  
viro, Carolo Stephano. Te Lutetiam vocarunt  
tua studia: quare contendere, ut quam celerrime  
consequaris, quo cōsilio Lutetiam petiuisti. Vale.

Manu-  
tius lib. 5.

Petro Bembo.

Egidium Cardinalem minus commodè vale-  
re, mibi valde molestum est. Amo enim hominem  
maiorem in modum. Nam cum omni eximia vir-  
tute, & humanitate prædictus est, tum & mihi &  
tibi semper fuit amicissimus: in tanta autem pe-  
nurianostri temporis virorum talium, & aman-  
dus & colendus nobis præcipue est; Ei ut pluri-  
mam dicas meis verbis salutem, itemq; nuncies,  
ad eum me scripturum fuisse, nisi valetudini eius  
parcendum esse duxisset, vehementer te rogo;

Sadole-  
tus lib. 1.

B 3 Vale

## 6 SELECT. EPIST.

Vale mi carissime & suauissime Bembe, nosque  
quod facis dilige. Carpatorati. M.D.XXVIII.

Leo X. Iano Parrhasio.

Bembus  
lib. 10.  
Pont.

Cum id magnopere optem, ut Romanus litterarum ludus a præstantissimis doctoribus exerceatur, ut ij qui se bonis artibus dediderunt ex ea re fructus uberrimos percipiant: de tua in studijs mitioribus doctrina certior factus ad ea publice docenda Romæ te sublegi, stipemq; tibi dari iussi annis singulis ducentorum aureorum nummum. Quare volo ut ad urbem quamprimum venias: libenti enim te animo atque paterno videbo. Dat. tertio Cal. Octob. Anno II. Romæ.

Egidio Cardinali S.

Bembus  
lib. 6.  
Famil.

Vistorem Superantium Cubicularium Clemens, qui tibi has litteras reddidit, valde amo. Est enim & eruditus, optimisq; artibus deditus, & bonus plane iuuenis, ac summa probitate summaq; modestia. Eum velim tua facilitate sic complectare; ut mihi gratias agat, quod se in tuam familiaritatem insinuarim. Id enim cupiditer maxime. Gratum adolescentem, & officiosum, & tua benevolentia dignum cognoscet. Vale. Quarto-decimo Cal. Quintiles. M. D. XXX. E No-niano.

Ioanni Cochleo S.

Quæ

Quæ scribis ad me de Ecclesijs istic desertis Iac. Sa-  
à cultu Dei, deq; concionibus aduersariorum no- doleus  
strorum, periculisque omnibus quæ pijs & probis lib. n.  
hominibus impendent: ita mihi acerba & luduo- epistol.  
sa visa sunt, vt non audeam ea, tanquam vul-  
nera animi mei, verbis reficare. Deum supplex  
oro, vt aliquando ipse benignioribus oculis nos  
respiciat, non enim iam ullis nostris in consilijs,  
sed in Domino sunt omnia, ad quem spes nostras pe-  
nitius habere conuersas debemus. Vale. Carpento-  
rati: Pridie Idus Nouemb. M. D. XXXIX.

Nicolao Prendilaquæ S.

Tarditatem in scribendo vel ad te, vel de te  
meam mihi molestam esse gaudeo: Video enim me Bembus  
amari abs te, cum vel meas litteras expetis, vel lib. 4.  
esse in meis scriptis memoriam aliquam de te no- Famil.  
stram cupis. Itaque tua ista expositulatione, quasi  
præterita à me nostræ necessitudinis, nihil mihi  
esse potuit iocundius. Ego verò post discessum  
istinc meum reditionemq; domum in multis occu-  
pationibus ferè semper sum versatus: vt scriben-  
di ad te, nullis præsertim de rebus, mihi otium  
non fuerit. Vale. Cal. Decemb. M. D. V. Venerijs.

Andreæ Duditio, Patauium.

Quod me reuocas ad consuetudinem tuam sti- Manuti-  
mulum scilicet currenti: sed mihi crede, non pla- us lib. 4.

B 4 ne

ne totus abs te discessi: neque te mihi prorsus eripiunt, aut eripient unquam locorum interualla. absens tecum sum, tacitus loquor, & loquentem audio. sic lenitur imagine periucunda desiderium nostrum. quod cum ita sit, opera tamen studiose dabitur, mature ut excurram, quo ire necesse est, si meam fidem tueri volo, & quod tamen, quia disiungor a te, minimè libenter. Vale. Venetij.

Bartholomeo Riccio S.

Bembus  
lib 6. fa- Gratus mihi tuarum litterarum sermo elegans & doctrinæ plenus fuit: quibus litteris gra-  
tularis me à Paulo Tertio Pont. Max. in Car-  
dinalium collegium, quos p̄tifices appellas, fuisse  
coaptatum. Tametsi tu quidem parcior multo  
continentiorq; debueras in me laudando esse. Sed  
tuæ te eloquentiae flumen altum profectio atque  
latu, vt à ripa soluisti, liberius rapidiusq; vexit;  
quam oportebat. Qua de re maiores tibi gratias  
& nunc ago; & referam cum potero. Vale. No-  
no Calend. Iunias. M. D. XXXIX. Patavio.

Paulo Sadoleto S.

I. Sado-  
letus. li.  
17. epist. Frater tuus mihi admodum satisfacit, seque-  
rebit & facilem & cypidum obtemperandi  
mihi: & certe (vt etas illa es) nihil, aut admo-  
dum raro delinquit. Spero de eo optimè. Sacratus  
in suis studijs est assiduus: catcri familiares bene  
habent.

habent. Nos hic in suauissimo otio viuimus: copia rerum abundemus (præterquam pecunia) penne omnium. Multum mihi tua ad Bembum plauerunt litteræ: ut, si homo es, magno animo dederet te debeat ad hoc latine scribendarum epistoliarum genus. Ad postremas tuas litteras nihil est quod rescribam amplius. Satis enim ad omnia arbitror responsum. Vale etiam atque etiam. V. Calend. Ianuarij. M. D. XXXV. Carp.

Lazaro Baifio Oratori Regis  
Gallorum S.

Mitto ad te dialogos aliquot meos nuper quidem editos, verum à me partim iuuene, partim lib. 6. Fan. etiam adolescenti confessos: ut quantū te amem, ex hoc possis cognoscere, quod eos ad te venire volunt propter nudos: qui de re vestiaria tam luculentiter conscripsisti. Mitto etiam eosdem alios, quos peto à te, ut per tuos tabellarios perfirri mandes Lugdunum: desque negotium alicui tuorum vel amicorum, vel hospitum; qui Lugduni sunt: ut eos mittant Carpentoracte Iacobo Sadoleto redendos. Erit id mihi abs te supra, quam dici posuit, gratum. III. Vale. Id. Iunias. M. D. XXX. Patauio.

Leo X. Ioanni Paulo Balioni.

Hortor te, atque abs te planè peto, vel si opus est, lib. 8. Pont.

B 5 est,

est, mando etiam: ut Sibiciani dominos fratres  
ylla molestia neque afficias ipse neque affici per-  
mittas à tuis. Cures autem potius desq; operam,  
ut eorum agri atque oppidula tuis à militibus  
tuta sint: quemadmodum quidem conuenit ea om-  
nia per te esse, quæ nostra sub tutela conquies-  
cunt. Id enim magnopere volo, ut eis fratribus  
negotium ullo ab homine temere atq; iniuria ne  
adhibeatur. Quid si tibi ius eorum in bonis com-  
petit, dabo ipse operam, ut tibi quem vnicè dili-  
go, modo id iuris via postules, non vi atque  
armis appetas, quamprimum, quāmque ampliter  
satisfias. Dat. VII. Cal. April. Anno secun-  
do. Roma.

Francisco Ep̄scopo Agrienſi S.

Sadole-  
buslib.ii.  
Litteræ tuæ, quanquam tristioribus curis re-  
fertæ, me quoque iterum in eandem penè solicitu-  
dinem et societatem mœroris attraxerunt: tamen  
in eo nihil fuerunt periucūdæ, quod magnum mihi  
dederunt testimonium tui erga me amoris: qui  
me potissimum delegisti, cum quo omnia quæ te  
angebant, cōmunicares. de qua re velim sic con-  
stituas, te neque fideliores diligere potuisse quen-  
quam, neque amantiorem tui. Vale. Brodericum  
nostrum diem suum obiisse molestum mihi fuit:  
amicum certe hominem, & eundem virum bonum  
pruden-

prudentemq; amissimus. Iterum vale. Carpentoradii X. & August. M. D. XL.

Carolo Vtenhouio S.

*Iis in litteris mittendis, quibus ad Erasmus  
rescripsi, nulla celeritate te vti volo. Quicunque  
primus te adierit, qui Basileam cogitet; is erit  
aptissimus; cui eas litteras des. Nihil enim con-  
tinent, præter id vnum, eius de te commendatio-  
nem magnum apud me pondus habuisse; idq; me  
tibi rebus omnibus ostensurum. Amari me abs te  
valde gaudeo. Ceterum quod petis, vt te deſtitu-  
tum omni auxilio tuear; ego vero id non liben-  
ter modo, sed etiam cum voluptate sum facturus;  
ſi, quid illud ſit, in quo mea vel ope vel beneuo-  
lentia indigeas, quodque me velis facere, abs te  
cognoro. Vale. XVII. Calend. Maias. M.D.  
XXIX. Patauio.*

Paulo Sadoleto S.

*Nos hic sat belle habemus: asperiorem ali-  
quanto ſentimus hyemem, quam in his regioni- Sadole-  
bus ſolita ſit: annonam & reliquis fructibus abun- to lib. 17.  
damus. Frater tuus quotidie magis & moribus  
honestis quod videmus: & litteris, quod ſpera-  
mus, proficit. Sacratus in officio eſt, commodamq;  
mihi præbet operam. & mici & familiares va-  
lent. Reliqua ſi qua ſunt, à domesticis ad te ſcribi  
copioſe*

copiose puto. Nigrum meum saluere plurimum  
iubeas velim: quem ego amo medius fidius, & in  
medullis habeo: eius litteris non rescripsi, satis  
spatij non habens: & tamen nullam ei epistolam  
arbitror te internuntio futuram gratiorem. Car-  
pentoracti. M. D. XXXV.

Torquato Bembo filio S.

Bembus  
lib. 6. F. 2.

Horologio è mea bibliotheca tibi allato: à quo  
expergefieri, qua hora voles, possis; te libenter  
vti, non moleste fero. Modò te id non intemperatè  
à somno auocet. Valerudinis enim tuæ curam te  
babere in primis volo. De tuorum studiorum ra-  
tione, nihil tibi mando nunc quidem; nisi unum.  
Fac; ut in tuis, quas ad me das litteris, Cicero-  
nem accuratius exprimas; moremque illius scriben-  
di, verba, numeros, grauitatem, lenitatem, di-  
ligentius imitere. Hoc si feceris; omnia te effec-  
tum putabo. Praeceptor tuo multam salutem;  
Tufeto etiam. Vale Sextodecimo Calend. Februar.  
M. D. XLIII. Roma.

Leo X. Ioachimo Marchioni  
Brandenburgensi.

Bembus  
li. 3. P. 2.

Litteræ tuæ, quibus mihi de Pontificatu  
Maximo gratularis pergratæ mihi perq[ue] iucun-  
dæ fuerunt. Nam & tuum in remp. obsequium  
a que cultum, & in meipsum veterem obseruan-  
tiæ

riam & studium præ se tulerunt. Itaque si quid erit, in quo amplificare tua commoda tuamq; dignitatem possim, meam tibi operam in eo libentissime polliceor. Quod autem mihi Ioannem Planchelem iurisperitum procuratorem tuum doulum sanè hominem, & prudentē virum, & agendis rebus in primis idoneum diligenter commendas, facis & ex more boni Principis, & ex ipsius, ut mihi videtur, meritis. Quamobrem & complector iam illum libenter per me ipse, & posthac tua commendatione mihi erit etiam carior.

Dat. V. Non. Iul. Anno pri. Ro.

Francisco Vngaro Episcopo  
Agriensi S.

Tuæ epistolæ longissimæ mihi forent suauissimæ. Nam quas accepi, perbreues mihi visa sunt, tanta à me cum voluptate sunt lectæ. Qui si Romæ essem, lacefferem te crebro meis scriptis. Nunc longè gentium absum, neque sanè mihi constat quod ad tempus sim in Urbem reuersurus: nam neque quicquam adhuc video quod me illuc attrahat, & multa sunt hic quæ me detineant. Proinde scito, labare meum illud primum consilium Romanam redeundi. Quicquid tamen egero, faciam te certiorem. Tu me vti diligas, Regi quis tuo meam & fidem offeras, & obseruantiam,

Brode-

Sadole-  
tus li. ii.

Brodericumq; plurimum meis verbis salutes, valde te rogo. Carpentoradii. VII. Idus Iulij. M.D. XXXIX.

Mario Corrado, Brundusium.

Manuti-  
us. lib. 2. Edidi iam commentarium in orationem pro  
Sextio, & proximis diebus in epistolas ad Bru-  
tum, & ad Quintum fratrem: quem tibi nunc  
ytrung<sup>q</sup> mitto, munusculum videlicet, vt ait ille  
noster, leuidense: sed rem voluntate metieris,  
maiora vellem, & fortasse possem: verum infir-  
mitas corporis facit, vt labore debiliter: lippitu-  
do autem, ne legere diutius liceat, aut scribere.  
magnam etiam mihi temporis partem eripiunt  
salutationes amicorum, magnam domestica nego-  
tia: sexcenta præterea, quæ me à studijs auel-  
lunt, sed feramus: humana sunt, nec præcipue  
nostra, sed communia cum multis. Tu me velim,  
ames, & si par pari referre vis, amore non vul-  
gari. Vale. Venetijs.

Lazaro Bonamico S.

Bembus  
lib. 6. Accepi heri tuas litteras Idibus Decembris  
datas, cùm prudentes illas quidem & graues, tum  
ornato in primis, ac perpolito stilo scriptas; tui  
vero erga me amoris & benevolentiae non plenas  
modo, sed me hercule etiam profuentes. Quibus  
cùm quid à me postules cognouerim; curabo saniè,  
quoad

quoad fieri poterit; ne aut operam, aut studium,  
aut diligentiam, aut certè amorem erga te meum,  
aut etiam prudentiam, de qua scribis, si modo est  
ulla in me prudentia, in eo moliendo, tractando,  
conficiendo desideres. Longiorem epistolam ne fa-  
ciam, multæ me occupationes impediunt. Ignoscas  
igitur breuitati litterarum: & valebis. Nono  
Calend. Ianuar. M. D. XXVI. R. o.

Petro Bembo Cardinali S.

Florebilem meum tam humanè à te, tamquis  
liberaliter tractari, gratissimum est. Ego illum  
iuvanem non mediocriter diligo: summaquis in spe  
sum, fore eum huic seculo & suis temporibus or-  
namento. In quo tua quoque laus non minima  
futura est, quod ex domo atque ex disciplina, tale  
ingenium prodeat. Is maximas tibi sapere numero  
apud me per litteras agit gratias. Quare eum ti-  
bi ne commendo quidem, video enim minimè esse  
id necesse. Hoc te scire volo: quidquid in eum co-  
mitatis & bencuoletia tua contuleris, id me exi-  
stimatorum, in me abs te collatum esse. Vale mi-  
charissime Bembe. Carp.

Sadole-  
tos li. 12,

Io. Baptiste Pignæ, Ferrariam.

Alphonso duce creato, gratulatus Ferrar-  
iae sum: quæ tum ex noui Principis eximia vir-  
tute fructus capiet egregios: tum ipsa quoque  
ad

Mant-  
tius li. 5.

ad omnem virtutem, eius, à quo regitur, exemplum secuta, diligentius incumbet, mores enim ciuitatis ex Principis moribus effinguntur, & ut ait Plato: Quæ apud eos, qui dominantur, studia vigent, eadem reliqui ciues amplectuntur, & colunt. Ergo florebunt in vestra ciuitate liberales disciplinae, ac debita iam pridem ingenuis artibus præmia persoluentur. quod equidem tua potissimum caufsa doctissime Pigna magnopere gaudeo. Vale. Venetijs.

Leo X. Alfonso Duci Ferrariensium.

Bernbus li. 4 Pō. Iacobum Sadoletum ciuem tuum, cuius egredia & fideli opera scribendis epistolis quotidie utor ob eius excellens atque præclarum ingenium, optimarumq; artium singularem doctrinam, & præstantem omni virtutum genere animum magnopere amo, facioq; sane plurimi. Eius sororis vir Tadeus Gilinus cupit impetrare abs te magistratum aliquem tuis in locis, quem triennium, aut biennium exerceat: ut & honestius eos dies traducere, & familiam suam alere facilius atque commodius possit. Itaque te non solum hortor, sed etiā rogo, velis præclari hominis, mibiq; carissimi propinquuo prudenter, ut intelligo, viro, & virtute prædicto satisfacere, qui tamen rem omnem desideriumq; suum tibi coram ipsem dili-

gentius

gentius explicabit. Dat. V. Id. Sept. Anno se-  
cundo. Roma.

Antonio Florebello suo S.

*Mi Antoni, quando eos cursus cepisti, qui ad summam laudem deducere te possunt: perge por-  
rò atque emitere, ut spes nostra de te indies fiat  
erector, magnumq; ex te accedat nostræ commu-  
ni patriæ ornatum. Non eges tu quidē hor-  
tatione: sed tamen amor meus non patitur à me  
prætermitti, ne hoc officium quidem: ut te horter,  
et admoneam, ut instare atque urgere tantam  
gloriam ne cesses. Ego ita faueo tibi, ut filio: ita  
in tuis laudibus acquiesco, ut illis me quoq; exi-  
stimem ornari. Quare si hoc animo fueris, ut  
meam et tuam vicem tibi conandum atque ela-  
borandum esse putas: non dubito quin ad sum-  
mum honorem huius facultatis sis peruenturus.  
Vale. Ex hortis nostris, IIII. Non. Jun. M.*

Sadole-  
tus li. 16.

D. XXXVI.

Damiano Lusitano S.

*Delestatus magnopere sum litteris tuis: quæ  
me tui cupidissimum de omni statu tuo erudie-  
runt. Itaque gratulor te vxorem duxisse atque  
ita consulere posteritati voluisse. Quam tibi rem  
Deum Opt. Max. fortunare volo. De me quod  
scire optas, nihil possum dicere, præter hoc pñum,*

C

Bembus  
lib 6.  
Famil.

me

me in Cardinalium collegiū à Paulo tertio Pont.  
 Max. non modo non petentem, sed ne cogitan-  
 tem quidem ea dere quicquam, fuisse cooptatum.  
 Nunc me cōparo, vt ad illum proficiscar, id enim  
 me quām primum facere vult. Te amantissimum  
 mei esse, vt scribis, valde gandeo. Idem de me tu  
 vt cogites, exploratumq; habeas, à te peto. Resen-  
 dij litteræ si venerint, erunt mihi gratae. Vale.  
 Nonis Aprilibus. M. D. XXXIX. Ve-  
 netijs.

Francisco Episcopo Agriensi S.

Sadole-  
tus li. II.

De rebus Turcicis nihil habeo quod placeat  
 mihi ad te nunc scribere. Tu quo propior illis  
 es, hoc melius nosse omnia potes. Nos illud time-  
 mus, (in quo vtinam fallamur) ne iam de nobis  
 ac Christiano nomine actū penè sit: ita laboramus  
 intestinis externisque malis, nec quicquam firmi  
 auxiliū paratum nobis esse vlla ex parte cerni-  
 mus: nisi quod in Deo uno sunt omnia. Sed hæc  
 haec tenus. Vina Gallicana te interdum optare,  
 suave admodum mihi est intelligere ex tuis lit-  
 teris. Quod longè esset suauius, si te illorum pos-  
 sem facere participem. Non enim mihi bibere il-  
 la tam foret iucundū, quām tecum bibere. Quod  
 forsitan Romæ aliquando licebit vtriq; nostrūm.  
 Regi tuo optimo & clariſſimo Principi pluri-  
 mam

mam meis verbis salutem dic. Vale. Carpentoraci, IIII. Idus Octobris.

Carolo Siganio, Patauium.

Patauij te nunc esse in celeberrimo Italiae Manu-  
theatro ubi spectantur & notantur acerrime tius li. 5.  
quidquid agas, quidquid dicas, & sapè mihi nec  
vñquam sine aliquo metu in mentem venit. si  
sunt qui amant: omnia cupiunt, omnia timent.  
Vides quo te in loco tua virtus, quanta omnium  
expectatione, constituerit, nihil mediocre præ-  
standum est: nec ut cum alijs, quibus te iam do-  
ctrina, industriaq; antecelluisse omnes iudicant:  
sed ut tecum ipse certes, teq; ipsum si licet vin-  
cas, omniq; laudis genere cumules, elaborandum.  
que cum ad quem scribam, considero, & cum mihi  
singularem tuam recliſsimis in studijs cupidita-  
tem, ac diligentiam propono, mirificè laetor, nec  
me tamen pænitet hoc nostræ necessitudini tri-  
buſſe, ut ea legas à me scripta, quæ minimè ne-  
cessaria duxerim. Vale, & si vacat scribe non ac-  
curatè, sed ut ego nunc, quidquid in buccam, ne  
pereat fructus nostrorum sermonum. Venetijs.

Iacobo Symonetae Cardinali S.

Iucundissimæ mihi litteræ tuae. Iucundissimæ  
solum? imò etiam salutares. Quod enim te sal-  
uum mihi & fospitem nunciarunt, per eas mihi

S. Iole-  
tus li. 14

C 2 quoque

quoque incolumitas est restituta: de qua re, & tibi gratulor, & mihi gaudeo: Deumq[ue] supp[er]lex oro, vt te in optimo statu diutissime valere iubeat. In ijs quod tuam mihi opem & benevolentiam paratam semper ostendis, iamdiu est cum ego ita iudico, neminem me habere neque amicum, nec patronum, ad quem fidentius omni meo in negotio quam ad te ipsum configere possim. Quanquam facis tu quidem secus, quam ceteri omnes. Alij enim prius pollicentur, quam quicquam praestant: tua beneficia liberalisque natura benereri ante incipit, deinde etiam verbis benignitatis officia prosequitur. Sed haec & mihi alias dicta sunt, & suis dicentur locis. Vale. & me, quod facis, dilige. Carpenteracti, V. Calend. Octobris. M. D. XXXIX.

Venetias

Bernardo Bembo patri S.

Bembus lib. 1. fa. Messanam venimus ad quartū nonas Maias, nauigatione v̄si perincommoda: quod viæ, cum discedens à te, pedibus me facturum putarem, mutavi consilium cum essem Neapolitano, propter hospitorum infrequentiam; tum hospitia ab omnibus rebus imparatiſſima. Itaque nauiculam nocti, decimo die Siciliam tetigimus nauiculantes. Sed abſterſit nobis omnem molestiam, Constanti-

ni

ni Lascaris humanissima cōgressio. Qui nos exce-  
pit libentissime, & liberaliter est pollicitus. Idq;  
re præstat. Erudimur enim mira ipsius diligen-  
tia, tum amore prope paterno. Omnino nihil illo  
sene humanius, nihil sanctius. Reliqua etiam om-  
nia satis ex sententia. Vrbs præclaro loco posita  
ad mare, portu ampio atque tutissimo. Aeris mi-  
ra tēperies. Annona rerum ad victum omnium,  
cūm xilis, tum luculenta. Quæ tibi nota esse vo-  
lui, vt confideres, nos hic, etiam cum voluptate  
futuros. Helenæ matri meæ multam salutem, &  
Carolo fratri, & Antoniæ sorori. Vale mi pater  
optime atque optatissime. Tertio Kalen. Iunias.  
M. CCCC. XCII. Messana.

Paulo Sadoleto S.

De tuo aduentu ad nos, quod te paratum ad  
veniendum ostendis, mihi valde gratum. Farne-  
sius mihi certè confirmauit, se tibi successorem hoc  
Septembri mense omnino missurum esse: quapropter  
Octobri in viam dare te poteris. Evidem auidè  
te expecto, cūm propter alia multa, tum vt de  
committenda tibi Ecclesia summum consilium ca-  
piamus. Ego enim Paule iam nec honores, nec il-  
lum statum vitæ in quo splendor sit aut digni-  
tas, sed tantum quietem, & silentium, & otium  
bis meis extremis annis peto. Quod non possum

Sadole-  
tuslib.17.

C 3 quidem

quidem ad ipsi*sc*i in præsentia, ob ea impedimenta  
qua*re* tu no*st*i. Veruntamen non abs sum longe ab  
ha*c* spe, consultu aliquando fore rationibus meis,  
qua*re* ad hoc genus vitæ cunctæ respiciunt: qua de  
re tota, cum veneris, deliberabimus. Tu fac ut  
valeas. Romæ VI. Id. Ian. M. D. XLVI.

Leo X. Sigismundo Gonzagæ  
Cardinali Mantuano.

Bembus  
lib. 4.  
Pont.

Redditæ mihi sunt abs te litteræ, gratæ illæ  
quidem & optatæ, ut pote amore illo tuo verè  
fraterno plenissimæ: sed tamen qua*re* mihi voluptatem illam, quam ex tuis litteris capere soleo,  
magna ex parte imminutam attulerunt. Significabant enim te in quartanam incidisse. Itaque pu  
pugit me, ut sane debuit, incommodum valetudinis tua*re*, qua*re* mihi cur*ae* est æquè, atque ipsa mea.  
Hortor autem te, vel potius abs te quæsio & peto,  
ut omnem curam & diligentiam adhibeas, ut  
quam celerrimè conualefas: ut integra vale  
tudine & corpore bene confirmato ad urbem at  
que ad nos, qui te videre atque amplecti cupi  
mus reuerti posis: quod tamen efficies commodo  
tuo. Interea volo tibi persuadeas, res tuas, ea*q*  
omnia, qua*re* ad dignitatem tuam pertinent, cur*ae*  
mibi & cordi fore. Ceterum Franciscum Mar  
chionem Mantuae fratrem tuum, qui à me vnicè  
diligitur,

diligitur, si saluere iussiris, erit mihi gratum.  
Datum XVII. Calen. Octob. M.D. XIII.  
Anno primo. Roma.

Gulielmo Duci Bauariæ  
S. P. D.

Nunciatum est nobis fratrem tibi deceſſe  
ornatissimum, atque nobilissimum: quod mihi au-  
ditu Jane quam molestum fuit. Amaui enim il-  
lum semper tecum vna, dignissimumq; illo loco &  
honore iudicau. Quod si de tua virtute & sa-  
pientia non eam habere opinionem, quam certe  
habeo, aggrederer fortasse aliquid ad te consolan-  
dum: exponendisq; rationibus quare tu hunc ca-  
sum animo æquo ferre deberes, leuare dolorem  
tuum admiterer. Sed cum tu aliorum consilijs no-  
indigeas, magisq; ipse ad consilium alijs dandum  
sis paratus, supercedebo hoc genere orationis. Tan-  
tum te hortabor, vt animum illum, illamq; pru-  
dentiam, quam in cæteris rebus eximiam præ-  
fas, eandem in hac quoque re adhibere meditere:  
vt omnes homines intelligent, nihil tibi deesse,  
quò minus & in secundis rebus, & in aduersis par-  
& perfecta vndique & virtus sit, & constantia  
tua. Iterum & sapientius vale. Rome, XVII. Cal.  
Augusti, M.D. XLV.

C 4 Reginaldo

Reginaldo Polo Cardinali S.

Bembus

lib. 5.

Famil.

Dolebam anteà te à nobis discessisse: cùm tam  
en esset spes aliquando reuersurum. Nunc au-  
tē cùm te Paulus Pont. Max. in amplissimum  
Cardinalium ordinem legerit: neque posthac his  
in locis te videndi facultatem mihi datum iri ul-  
lam putem: lator tamen tuam virtutem ea dig-  
nitate auctam & honestatam fuisse; quam te  
posse consequi, incredibili Pauli prudentia iudi-  
cioꝝ freti, sperabamus. Qua de re tibi verè atque  
magnopere gratulor: vtqꝫ perpetua solidæꝝ vo-  
luptati tibi sit iste magistratus, quæso & opto.  
Ac meum quidem tui absentis desiderium nostræ  
necessitudinis memoria facile solabor. Tu vero  
longe ornatiior atque illustrior factus, non Ita-  
liam modo; sed Britanniam etiam tuam, atque  
ipsum cœli verticem tuarum laudum splendore  
fac impleas. Vale. Tertio Calen. Ianuarias. M.  
D. XXXVI. Patauio.

M. Antonio Mureto,

Patauium.

Manu-  
tius li. 3.

Filiolum meum Hieronymum nondum quin-  
quennem, Aldo parem ingenio, valetudine fir-  
miorem, mandare Epidaurum ad hominem eru-  
ditum, meiqꝫ per amantem, Paulum Bosium, cogi-  
tabam. ibi moribus, & primis litteris imbuctur.

nam

nam ego me ad hæc humilia dimittere nullo modo possum. Quid prætercas? nihil scilicet: imo aliquid. Scribe, amabo te, mi Murete, ut insti-  
tuisti, quam sapientissime. me hercule, è summis atq;  
aßiduis, non modo negotijs, verum etiam curis,  
tantum in tuarum epistolarum & suavitate con-  
quiesco. atque etiam, dum ipse ad te scribo, quia  
te mihi præsentem statuo, mutuumque inter nos  
sermonem fingo, incredibili voluptate perfun-  
dor. Vale. Venetijs. Hercules meus, quia festus  
hodiernus dies est, abest. ideo hac mea manu, de-  
cies interpellatus, exaraui.

Venetias

Valerio Superchio S.

De tuo in patris mei curanda valetudine stu- Bembus  
dio, quid tibi agam gratias? quas neque tu exi- lib. 3. fa-  
gis; neque ego satis idoneas habeo pro tuis maxi- mil.  
mis officijs; quæ voluntatem in eo meam exæ-  
quare ullo modo possint. Sed tamen ago, eo q; ma-  
iores atque iustiores; quod te intellexi ex illius  
valetudine æquè suspensum fuisse; ac quenquam  
meorum. De Patauinis medicis nihil est sane de-  
sideratum: omnia enim prope diuinæ curationis  
officia diligentissimè præstiterunt. Itaque cum  
patri adfuisse octo continuos dies, eo iam con-  
ualesciente Patauio discessi, equidem non sine la-

C 5

crym.

crymis. Dij mibi illum seruent, patrem optimum & suauissimum, & mihi mea vita cariorem. Puto nunc ei recte esse. Nostri Principes te salutant. Vale. VI. Calen. Decemb. M. D. VI. Vrbino.

Nicolao Rodulpho S. R. E.  
Cardinali S.

Sadole - Non sum oblitus, nec verò vñquam obliuiscar, quibus me officijs & benevolentiae significacionibus prosecutus fueris, cùm proximè Romanam veni: quo quidem tempore non prius penè pedem in vrbe, quàm in tuis beneficijs posui. Cura enim potissimum ac diligentia tua domum egregiè instructam atque ornatam ipso meo ingressu statim sum nactus. Quæ tua bonitas ac liberalitas altius mihi tum hæsit, quàm vt facile sit verbis explicare. Non enim is sum, qui meum commodum magis, quàm ipsius commodi autorem amem. Fontem enim benefiorum magis specto; quàm ipsa beneficia: qui quidem fons amor est. Eundem igitur in me animum tuum si conseruaueris, Rodulphe humanissime, gratissimo omnium & optatissimo beneficio me affeceris. Sed ne multis, totum me tibi & tuæ fidei benevolentiaque dedo atque commendô. Vale.

Vale. Idibus Ianuar. M. D. XXXIX.  
Carpentoracti.

Dionysio Monstroliensi,

Patauium.

Neque negare audeo tibi homini eruditissimo, cuius ego plurimi semper amicitiam feci, neque, si pollicear, praestare possim id, quod à me petis. premor enim domesticis oneribus, & typographiae cura, sic mehercule, vix ut sustineam. vacuae tantum ab opere mihi relinquuntur horae vespertinae: sed eo tempore, tum defatigatus laboribus, ac fractus, quietem quæro necessariam, tum vero succedit oculorum dolor, isque ita gravis, ut non modo legere, aut commentari, sed nec domesticos audire sine magna molestia possim. ita nobis traducitur dies, atque adeo noctis maior pars. non enim prius hac leuamur capitis grauidine, quam sol, medio iam Antipodum orbis decurso, incipit ad nos recurrere: & in ortu suo demum valetudinem mihi, alacritatemque restituit. Vale.

Antonio Perrenoto, Episcopo

Atrebatenſi S.

Ioannes Ioachinus Vaulxi dominus per antiquus est amicus meus, & quidem maximè intimus. Eius ergo virtutem & ingenium

Bembus  
lib. 6.  
Famil.

nium excellens atque in omni vitæ genere singularēm industriam feci semper, facioque sane plurimi. Qui cum clarissimi illustriſsimique viri patris tui patrocinij magnopere indigeat: pēto abs te diligentissime: ut Ioachini causam, quam cum Imperatore habet, ei commendes: atq; ita commendes: ut quod illi multos iam annos à fisco Mediolanensi debetur; consequi aliquando tandem possit: ne Imperatoris aequitas; quam quidem vnam eius virtutem omnium maximam omnes homines experiuntur, atque in coelum ferrunt; sibi vni semper sit desideranda. Id si feceris; ad tua priora erga me merita magnus cumulus accedet. Vale. Patri tuo multam salutem. Sexto Kalen. Octobres. M.D.XXXIX. Parauio.

Ambrosio Cathar. Polito S.

Sadole-  
tus li. 14.

Non potui perferre diutius desiderium tui, quin sciscitarer ex te per litteras, quid ageres rerum, quod tamen aequius fuerat me cognoscere ex tuis litteris, tuaque in illis erga me beneuolentiæ habere testimonium: nec tamen puto me totum tibi ex animo effluxisse. Etsi enim habes patronum eiusmodi, prae cuius ingenio, virtute, elegantia, nos tibi sordere videamus: tamen ut ille præstantia & grauitate dignitatis suæ superbum

perbum te aduersum nos reddere potuit: sic hu-  
manitate idem & comitate, qua singulari est pra-  
ditus, docere te debuit, non esse absentium a-  
micorum memoriam deponendam. Sed iam se-  
riò, mi Catharine: cupio vehementer audire quid  
agas. In studijs te esse arbitror: quod iam aliud  
tibi est negotium? Veruntamen si mihi aliquan-  
do indicasses, quae tibi opera nunc sint in mani-  
bus, valde mihi rem gratam mediusfidius feci-  
sses. Vale.

Iacobo Grifolo  
Romam

Litteras, quam valde me amas, tam saepe  
mittes. nam & otij puto te habere, quantum ve-  
lis, & argumentum Romæ viuenti deesse non  
potest, mihi vtrunque minus est. magnis enim  
districtus occupationibus, temporis ad scriben-  
dum non habeo satis: argumentum autem vnde  
sumam, cum omnium, qui hic sumus, ea ratio sit,  
vt rerum nouarum, si quid alicunde ad nos afflu-  
xit, de eo nec scribere, nec loqui sine grani pericu-  
lo possimus? Relinquitur, vt priuatis de rebus  
possim scribere. sed hoc quoque genus vereor ne  
me deficiat. raro enim solet accidere, quod scrip-  
tione dignum sit. Quapropter, quoties ita eue-  
niet, vt à negotijs liceat discedere, properab-  
statim

Manuti-  
us lib. 5.

statim ad epistolas, quod eo libentius faciam,  
si tu mihi sententiam scribendi aliquam dabis:  
sin minus, inanes tamen potius, quam nullas,  
mittam. Vale. Venetijs.

Michaeli Turriano, Cenetenſi  
Episcopo, Cenetam.

Manuti-  
us. lib. 4. Angebar animi, nec fieri quicquam posse me-  
yno miserius opinabar: ita multa hoc anno p̄-  
ter expectationem, prorsus aduersa meis ra-  
tionibus, obtigerant: fratris primum aman-  
tiſimi, deinde filioli suauissimi interitus, vxo-  
ris morbus, inualetudo mea, rei familiaris in-  
commoda, quam facile, nullo pene strepitū, re-  
rum mearum conuersus orbis est. de fratre, &  
filio iam fero moderatius, vel quod, vt ſolēt,  
medetur dies, vel quia, quod aeterna lege Deus  
conſtituit, id abrogare velle non ſolum iniuſti-  
tia, verum etiam imprudentia videtur eſſe.  
vxor conualuit: ego ſatis firmus, domēſtīca ve-  
rō damna, quæ ſarciri vix vñquām arbitra-  
bar posſe, facile compensat amor in me tuis, cu-  
ius mihi recordatio molestias omnes diluit. Va-  
le. Venetijs.

Regi-

Reginaldo Polo S.

*Etsi summis totius corporis doloribus oppres-*  
*fus, dubia spe vita spiritum miserè duco, fecit ta* Chri-  
*mēn summum meum & perpetuum de te iudi-* stoph.  
*cium, ut hos cruciatus nescio quo modo frange-* Longo-  
*rē, dum supremo hoc litterarū munere ad te per-* lius li. 4.  
*fungor. Nam postridie, quam ad te scripsi, sæ-*  
*xiſima me febris arripuit, quæ ita me hoc tri-*  
*duum torsit, ut nihil vnguam acerbius in vita*  
*sim perpeſſus: scilicet quaſi diuinarem ita fu-*  
*turum, volui quemadmodum tibi profiſcenti*  
*oſtenderam, ut bibliotheca mea omnis tibi obue-*  
*niret, ſi quid mihi in ea, quam adornabam, pe-*  
*regrinatione accidiſſet. Verum ut vides, pro-*  
*prius erat, quam arbitraremur ſummus ille no-*  
*ſier dies. Peto igitur ab te per amicitiam no-*  
*ſtram, quam ad ſummum perueniſſe exiſtimo, ut*  
*mortuo mihi memoriam benevolentiamq;, quam*  
*neceſſitudo noſtra poſtulat, humaniter ac piè*  
*præſtes. Da operam ut valeas: & Paceao meis*  
*verbis ſalutem impertiaſ plurimam. Vale. Pa-*  
*tauij. VIII. Calen. Septemb. cum die ab hoc*  
*decimo ex hac vita decederet. Anno Do-*  
*mini, M. D. XXII. aetatis ſuę, Anno*  
*XXXIIII.*

Pata-

Patauium.

Petro Barotio Episcopo

Patauino S.

Bembus lib.2.F.2. Peto à te; ne me putas obliuione tui, rarius  
 ad te scribere, quam sim solitus. Qui enim fieri  
 potest; ut, (qui etiam illorum bene memini, qui-  
 bus paulum debo) tui, cui omnia debo, mihi me-  
 moriam subripiat, aut tempus ullum, aut ullus  
 casus? Sed (ita me dij ament) tam multa me ne-  
 gotia vndeque, tam crebrae vnde rerum, hoc in  
 Prodominatu, propter eum, qui nondum efer-  
 buit, tumultum bellorum circunsepiunt; vt, pla-  
 ne mibi, neque punctum quidem ullum temporis  
 vacuum à reip. muneribus concedatur. Caeterum,  
 quoniam mea multum interest, habere me rerum  
 Patauinarum historias; te etiam atque etiam ro-  
 go; vt, si tu eas habes, des Vanotio meo mibi mit-  
 tendas: si non habes, & scis ubi sint; mandes a-  
 licui tuorum, vt mihi eas quaerat tantisper, quo  
 ad perlegam. Hoc mihi gratius facere nihil po-  
 tes. Vale. Quarto Non. Febr. M I D. Ferraria.

Andrea Duditio

Patauium

Manuti- us lib.4. Optime Duditi, quid tibi, obsecro, in  
 mentem venit? nostra ne imagine tuum putas  
 cubiculum ornari posse. pudet me studij tui: &  
 erubui,

erubui, mihi crede, cum hanc partem legerem literarum tuarum. nec tamen, quia tuam facile cu piditatem intelligo, deesse tibi possum, & cœptares est, & agitur, ut video, satis diligenter: quæ cum erit absoluta, mittetur illico ad te. ac vellem, posset artifex eodem penicillo animum in te meum vñâ cum vultu exprimere: non dubitarem, quin hanc tu multo magis imaginem diligeres. non necesse est, inquies, libenter credo: & quod ita sit, acceptum refero tuæ humanitati, quæ mihi à te imperrat id, quod meritis, aut officijs consequi nondum potui. His diebus facultatem ad te scribendi permolestæ occupationes eripuerunt. ignosce: & puta, nunquam abduci meam ab officio voluntatem, licet opera non extet.  
Vale.

Bononiam.

Andreas Alciato Inreconsulto S.

Gratulatio de Cardinalatu meo tua valde  
 mihi grata & iocunda accidit. Tametsi tu in re-  
 censendis tuæ laetitiæ causis, longius proucheris;  
 quam à me agnosci possit te non decipi. Sed est  
 eiusmodi lapsus non perferendus modo; verum  
 etiam amplectendus. Amoris enim abundantia  
 prouenit: quæ quod maior est; eo minus rectè in-  
 dicat. ~~A~~ more autem nihil est homini datum

D. suauius,

Juanius, nihil fructuosius. Itaque de officio isto  
tuo elegantiissimisq; tuis atque humanissimis lit-  
teris valde me hercule te amo. Mea verò hæc,  
de qua lætaris, dignitas erit mihi etiam iocun-  
dior: si in te ornando afferre aliquid poterit;  
quo meus erga te amor cùm tibi, tum reliquis ho-  
minibus esse notior atque restatior posse. Quan-  
quam ea tua excellens præclaraque doctrina, eæ  
sunt tuæ plurimæ præstantissimæq; virtutes; ut  
alienæ opis minime omnium egeas. Vale. Deci-  
mo Kalen. Maias. M. D. XXXIX.

Laurentio Gambaræ,

Patauium.

Manu-  
tius li. 4.

Basilij Zanchij, poetæ summi, hominiisque  
non vulgariter erudit, miserabilis, & indignis-  
simus interitus hilaritatem mibi prorsus omnem  
eripuit. quem enim donare summis præmijs ob  
excellentem virtutem, decorare honoribus ob sin-  
gularem integritatem, atq; innocentiam æquum  
fuit, eum tam ignominiose vexatum, tam acer-  
be, tam crudeliter extinctum, quis non ferat ini-  
quissimè? equidem, ut audiui, etiam dolore tuo  
maximopere dolui. nam & vixisti vñà semper  
coniunctissimè, alter alteri egregie carus: & fuit  
vterq; vestrum ad poeticam facultatem natura  
propensus, ac mirè factus, ingenio vero ita pa-  
res,

res, ut cum nemo tam bonus poeta sit, quin vobis primas in componendis versibus partes tribuat. quam confessionem etiam ab inuitis exprimit poematum comparatio: uter tamen virtus praestet, non dum satis iudicare quisquam possit. Vale. Venetijs.

Leo X. Hadriano Episcopo Dertusensi,  
(In Pontif. successori.

*Quod tuis ad me perhumaniter scriptis litteris significauisti, molestissimam tibi fuisse eorum hominum audaciam, qui aperto bello in reip. loca inuadere, eaq; diripere sunt aggressi: de eo etiam legatorum meorum litteris siebam certior. Equidem valde consolor, cum te hominem & prudenter & grauem, & magna apud Carolum regem auctoritate non aequissimo animo ferre sentio hac indignitatem mederique cupere Reipub. vulneri, non illi quidem magno aut introrsum adacto, sed tamen vulneri, quod sanari sine Regis tui curaione prope non potest. Itaque cum te de tuo in Remp. optimo amantissimoque animo, quem & mihi & meis interpretibus ostendisti, vehementer laudo: tum hortor, ut quod laudabiliter cœpisti suadere Regi, ut nobis suppetias ferat, idem insistas pergasq; tandem facere, dum audacissimi hostes nostri suarum impressionum pœnas luant.*

D 2 Totam

Bernab. II.  
15. Pota

Totam igitur reipub. causam, vel ipsam potius  
remp. tibi commando maiorem in modum. Dat.  
XII. Cal. April. M. D. XVII. Anno V.  
Rome.

Dionysio Cardinali S.  
Marcelli S.

Sadole-  
tus lib. 13.

Contigit mihi in te, quod haud scio an nemini,  
vt cum te luxissimum mortuum, repente nec opinato  
nuntio tuae salutis & incolumentatis, ex summo  
dolore ad summam lætitiam traducerer. Sic enim  
fuerat ad me scriptum, te contracto in Hetruria  
morbo, in oppido Luca opinor, grauiter ægrotum,  
delatum Floreniam, post aliquantum temporis  
diem extremum tuum obijisse: quæ res animum  
meum valde perturbarat. Nam cum propter in-  
signem benevolentiam, qua te sum complexus, &  
quæ est cum amicitia nostræ, tum tuis virtutib-  
us debita: tum vero etiam, quod breui tempo-  
re post meum à vobis digressum, multis ex nostro  
ordine clarissimis viris, eisdemque mihi amicissi-  
mis, & me, & remp. fortuna spoliarat: mihi tua  
mors cumulum maximum attulisset doloris, nisi  
meliora Deus de utroque nostrum constituens,  
& tibi salutem, nobis quidem peroptatam, redi-  
didisset: & mihi molestiam ac mœrem abster-  
sis-

sisset. Cui quidem Deo omnipotenti & immortali maximas (vti debo) & meritas gratias ago. Vale.

Octauiano Ferrario,  
Mediolanum.

Kaxoḡouaxoi sumus, & cruditate laboramus: Manuti-  
us lib. 5.  
id quidem à pueritia: sed auxit vitium assi-  
duus litterarum usus: quo adempto, quæ nobis,  
qui vulgaria contemnimus, delectatio, vel potius  
quæ vita supereft? quare ignosce, si mihi non  
impero: quod ne tu quidem, opinor, facias. que-  
situm inter medicos est, ecquid adumenti aquæ  
sulphureæ potus afferre posset. varie sentienti-  
bus, recusaui, ne, quod aiunt, de sorte etiam  
in dubium venirem. de gutta capiti instillanda  
sermo fuit. ne hoc quidem placuit: ne memoriam  
periclitarer. ventum denique ad virtus ratio-  
nem, præbui me facillimum, quidquid vellent.  
in primis radicem probarunt, quæ irios voca-  
tur: quam condiri apud vos egregiè fertur: eam  
igitur, quod tuo commodo fiat, velim perquiras,  
inuentamq; & mediocri vasculo diligenter in-  
clusam, cures aliqua ratione perferendam. quid-  
quid erogaueris, bona fide, cui voles, numera-  
bitur. Vale. Patauij.

D 3      LEO

SELECT. EPIST.  
Leo. X. Carolo Hispanie  
Regi.

Bembus lib. 16. Pont. Gratissimus mihi nuntius is fuit , qui te Morinorum è littoribus in Hispaniam transmittentem idonea tempestate soluisse me certiorum fecit. Confido enim te iam traieciisse: atque in tua illa regna , quæ te diu videre concupierunt , saluum sospitemque peruenisse. Quibus à Regnis multa tibi , multa Reip. Christianæ utilia spero fore. Itaque ea de nauigatione tua , si modo recte confecta est , valde lator: quemadmodum de legatis meis cognosces: qui tibi meis verbis plurimam salutem dicent. Si tibi etiam significabunt me bellum id , quod Franciscus Maria mihi Reiquepu. intulerat , sedanisse . Quod eo libentius feci , ut sumendo in Tureas bello dare operam aliquando mihi liceat. Quam ad rem te hortor , cogitationes omnes conuertas tuas: ut communis consilio & cura agere iuuareque Remp. possimus. Non . Nouemb. Anno quinto. Roma.

Ioan. Toletano Episcopo  
Burgensi. S. R. E,  
Card. S.

Sadole-  
tus li. 5. Longum interuallum est , cum litteras ad te dedi nullas . Quod accidit , non remissio-  
ne

ne obseruantia in te meæ, nec oblinione virtutis,  
& humanitatis, & benevolentie erga me tue:  
sed quia multis & molestissimis occupationibus  
impeditus, fratris etiam mei mihi charissimi mor  
te, qua grauiter affectus sum, omnes meas curas  
ad luctum moeroremque revocante, alia quoque  
officia permulta deserere coactus sum. Nunc cum  
tempus venerit, quo tempore, si alias vñquam,  
tua mihi & benevolentia & auctoritate maxime  
sit opus: fretus tua virtute & bonitate, causam  
omnem meam tibi in primis exponendam com  
mendandamque putavi. Pontifex maximus me  
per litteras ad urbem vocat: quod ego facturus  
sim libenter, vocantique obtemperatus, si mi  
hi id per meas rei familiaris angustias, & maxi  
mas difficultates facere liceat: eaque habeam fa  
cultatum subsidia, quibus & itineris sumptum,  
& urbanas illas impensas sustinere possim. Va  
le. Carpentoracti. X III I. Calend. Februa  
rij. M. D. X L V.

## Caterinæ Landæ S.

Valde me tuæ litteræ delectarunt: eoq<sup>ue</sup> ma  
gis, quod mihi præter spem accidit abs te puella  
tantulæ etatis latino sermone & quidem probo  
& eleganti scriptas litteras accepisse. Itaque ad  
reliquas causas, quæ te mihi carissimam fa  
D 4 ciunt,

lib. 6.  
Fam.

ciunt, plurimas illas quidem atque maximas, hac etiam addita, quod te optimis artibus deditam video: nihil iam est, quod ad meum erga te amorem addi posse videatur. Quamobrem erit mihi planè gratissimum; si una cum tuis parentibus ad me verè inito veneris: ut te videre & colloqui possim: cuius rei non minimam mihi spem tuæ ipse litteræ attulerunt. Augustinum fratrem tuum quod mihi commendas; facis ex amore fraternali vestro. Sed nihil ei erat tua commendatione opus; quem ipse filij loco habeo. Patri tuo, & matri plurimam salutem dicio. Sed patri velim etiam suauium des. Quod si grauare facere; illum meo nomine rogabis, ut tibi det. Vale. Septimo Kalend. Decemb. M. D. XXVI. Patauio.

Paulo Sadoleto S.

Sadoleto. Recordor in mandatis hoc tibi à me vel prætus li. 17. cipuum fuisse datum, ut magistrum huic iuuentuti erudienda querereres. In quo te obtestor Paulæ, ut laboris & diligentiae reliquum nihil facias, quò nostri optati compotes nos efficiamur. Nihil est hac curatione neque honestius nobis, nec ciuibus nostris virtius. Quorum quidem causa cum cupiamus omnia, cur non in hoc potissimum officij honestissimo genere, omnibus neruis contentamus,

damus, ut & illis, & nobis ipsis satissiat? Antea castigare illos solebamus, quod ad suum tantum bonum minus essent attenti: nunc vicissim illi me appellant, atque urgent: neque dies fere nullus est, quin ad me accedant eorum aliqui rogatum. Quibus respondeo, tibi susceptam esse hanc prouinciam: neque te quieturum, quoad idoneum repereris: cum hac spe dimitto illos. Et si quaeris, maximo eos studio in hac re ferri video. Proinde enitere atque elabora, ut tales aliquem inuenias, qualem nos cupere nosti, hoc mihi gratius facere nil potes. Vale mi Paule. VI. Calend. Octobris. M. D. XXXV. Carpenteracti.

Patavium.

Torquato Bembo filio. S.

*Equum quem tibi pollicitus fueram me mis- Bembus  
surum, Ioanni Caroli nostri familiari ad te Pa- lib. 6, fa-  
tavium perducendum dedi. Eo te perbelle vsu- mil.  
rum puto. Dedi etiam horologium in Gallia  
transalpina confectum, & quidem eiusmodi; ut  
vel noctu, & sine luminibus, quota hora sit, pos-  
sis ab eo summi tactu digiti fieri certior. Moneo  
autem, ne eo vti incipias; nisi ab eius artis ma-  
gistris, quo id pacto recte fiat, prius edoceare. Par-  
ua enim culpa omnis illa motuum & rotarum  
temperatio perturbatur. Hocque me vnum dis-*

D 5      ces:

ces; neruus ut is; cuius vnius vi reliqua omnia conuoluuntur, suamque vicem faciunt; bis à te in die intendatur; ante prandium semel, antè quam dormitum eas iterum. Quod te hac hyeme intelligo nauasse operam bonis artibus satis diligenter; valde gaudeo: atque ut in eo constes, te hortor. Colæ, Federico, Bonfadio doctoribus tuis multam salutem. In prostemis tuis litteris dies ascripta non erat. Vale. pridie Kal. Februariæ. M. D. XLII. Roma.

Mario Corrado, Brundisium.

Manu-  
tius li. 2.

Debo tibi, mi Corrade, tot iam nominibus,  
prorsus ut iam non videam, qui soluendo esse possim. scripsisti ad me saepe: tantum ne? sunt alia: humanissime, elegantissime: laudes in me contulisti eas, quas si agnoscam, ipse me nimium videar amare. tibi tamen habeo gratias de ista tam liberali, tamque erga me prolixa voluntate, tamque, si gratus, id est, si vir bonus esse volo, ut certe volo, puto mihi esse inter summa beneficia collocandam. Itaque cum te nunquam videbam, fero tamen in oculis: & quanquam habeas, qui te talem diligent, quos necesse est esse quam plurimos: ego tamen primas in amore partes appeto, secundis non libenter acquiesco. non solea blandus

blandus esse, nec auribus dare, quod negari pos-  
sit veritati: quare velim mihi credas affirmant-  
ti, neminem me tibi Latina in oratione antepo-  
nere, conferre paucos. Hoc ego ita iudico: nec tu  
meum iudicium in dubium reuocare debes, cum  
michi iam in epistolis tuis tantum in hoc genere  
tribueris. Vale. Venetijs.

Iacobo Sadoleto S.

*¶* Accipio excusationem tuam de intermis-  
sione litterarum: non tam quidem necessariam;  
quam & prudenter, amicissimeque scriptam, &  
mihi magnopere iocundam, & gratam. Nam ne-  
que ego eram nescius, in vera, & recte ab initio  
constituta, & plurimis, maximisque officijs con-  
firmata, ac iam inuestigata benevolentia (qualem  
esse nostram fere possumus dicere) non multum  
requiri, quantum quisque calamo, & papiro vta-  
tur: neque tu is eras; à quo, creberrimae littera-  
rum missiones expectarentur: cum, quia ipse o-  
tio non abundas; quem quidem scio, omne tuum  
tempus in optimarum artium studijs insumere,  
etiam non sine incommmodo valetudinis tuae;  
tum propterea, quod ii, qui te amant, prop-  
ter morum tuorum elegantiam, praestantissimas  
que virtutes, atque doctrinam, satis vberem se  
ex te capere fructum debent existimare, abs te si  
aman-

Bembus  
lib. 3.  
Famil.

amantur; eosque tu, item grata, atque mutua  
anumi charitate prosequare. Vale. Tertio No-  
nas Maias. M.D.VI. Venetijs.

Andreas Duditio, Patauium.

Manu-  
tius li. 4.

Amo te quod verecunde petis: sed istam post-  
hac verecundiam abiice, obsecro, si quid aliquan-  
do mecum ages. nescis, apud me quo loco sis, aut  
quo ego apud te esse cupiam: quod si nescis, aut e-  
tiam si dubitas, iniuriam facis utriusque nostrum.  
Scripsi ad Sophianum libenter eisdem tua cau-  
ssa, sed inuitus ea gratia, quod laborantem, ut  
audio, graui morbo, vexari tuo studio nolle.  
Evidem discrucior, cum ita affectum audio pro-  
bum iuuenem, mihi amicissimum, græcarum literarum  
scientia sine dubio singularem. sed quia  
te fero in oculis, idque mehercule tuo merito, literas  
ad eum conscripsi, quas in hunc fasciculum  
coniecas cum legeris, si reddendas non putabis,  
conscindes. Ego nunc, si quid de me scire vis, ia-  
ceo, corpore satis afflictus ob capitis grauedinem,  
sed erectus animo propter spem, atque adeo ex-  
pectationem vitæ lætioris: ita enim didici contem-  
nere, quæ amabam antea: qua te quoque in sen-  
tentia cupio esse. Saluta meo nomine contuber-  
nales, & amicos tuos. Vale.

Erasmo Roterodamo S.

Ama-

*Amabam antea Vigilium: erat enim mihi & Bembus  
notus ipse per se, cum ad me aliquoties venis- lib. 6.  
set; eiusque mirificam indolem & sermonis sua- Famil.  
uitatem elegantiamque perspexisse; & Georgij  
Logi testimonio, qui mecum est frequens, gratus  
me hercule & probatus. Nunc vero tua commen-  
datione tuisque litteris multo mihi carior est  
factus: magnusque amoris cumulus ad pristinam  
meam in illum benevolentiam accessit. Quod eum  
scire volui: meque totum ei obtuli: ut si aliqua in  
re iuuare eum possem; suo me iure veteretur. Ti-  
bi verò etiam gratias habeo: quod quando tu me  
diligis, & ego te summopere amo; cures desque  
operam; ut communes etiam inter nos amicos ne-  
cessariosque nostros habeamus. De Rodolpho A-  
gricola quod scribis, notum illum nobis esse te ex-  
stimate: illius vero scripta maxime omnium; qui  
estate nostra viderint; mihi quidem probantur.  
Si Viglius eiusmodi erit scriptor; omne punctum  
feret. Eum ego; tametsi in cursu est; tamen ad  
summam laudem, ut ipse mones, incitare non de-  
sinam, Vale. IIII. Kalen. Septembris. M. D.  
XXXII. Patauio.*

Romulo Amaseo S.

*Non erat opus mecum tor vi excusationi- Sadole-  
bus: non enim unquam dubitavi, quin tu me di- tus li. 10.  
lige-*

ligeres. Sed tamen in te quodammodo excusando  
 cum adhibuisti non mediocrem diligentiam, simul  
 & illud, quanti tu me faceres, ostendisti. Quo ego  
 tuo vel de me iudicio, vel erga me animo mirifi-  
 ce delector. Virtutem tuam, quam amabam: &  
 excellens ingenium, quo es praeditus, totum ex-  
 pressum vidi in tuis litteris: quibus nihil elegan-  
 tius nec eruditius legi à me potuit. Omnino egre-  
 giè sustines nomen, quod adeptus es. De quo tibi  
 non minus gratulor, quam tu honori meo es gra-  
 tulatus. Cui ego honori vtinam par esse possim,  
 ut ne obruar expectatione eorum, qui magna à me  
 postulant, & maiora quidem, quam queam præ-  
 stare. Sed in hoc misericors Deus nos adiuuerit.  
 Ego te diligo Romule, & de tuis virtutibus ho-  
 nestissimè sentio: meq; vicissim cupio à te amari,  
 paratus, si quid forte vt opera mea volueris, ea  
 tibi præstare, quæ ab amicissimo homine iure ex-  
 pectanda sunt. Pompilium tuum hic saepe video,  
 eiusque probitate, & ingenio, ac in me ipsum ob-  
 servantia simmopere delector. Vale. Romæ.

Mario Nizolio,

Parmam

Te vero optime ac doctissime Mari, cuius  
 Manuti-  
 us. lib. 2. consuetudine & sermone careo multis abhinc an-  
 nis, quem mihi tamen ex animo nunquam eripuit  
 neque

neque tempus, neque longinquitas, quo studio  
complectar? quantam hauriam, cum praesens  
præsentem alloquar, voluptatem? dilexi equi-  
dem à quo primum die te cognoui, tuos mores,  
tuam naturæ comitatem, ac suavitatem: doctri-  
nam vero, ingenium, industrias suspexi semper,  
extulique laudibus ad cælum: nec iniuria. nam si,  
Romanæ linguae studium colere, & illustrare,  
laus est: quis hoc te uno aut curauit studiosius &  
tate nostra, aut cumulatius præstigit? ego ipse,  
quem tu esse aliquid vis in hac latine scribendi fa-  
cilitate, in quo vereor, ne te fallat amor: nam  
iudicium in dubium vocare non debo: sed, si quid  
sum, quadam ex parte de tuo fonte fluxi. thesau-  
ros enim Ciceronis omnes, in illo præclaro tua-  
rum obseruationum libro congregatos, reperi, & v-  
sus sum facile: quos colligere dispersos, immensi  
laboris fuisset, ac temporis. Laudas igitur bene-  
ficium tuum, cum me laudas, & quodam moda  
præmia capis meritorum tuorum. Vale. A-  
fusæ.

Leandro Allesio

Iureconf. S.

Cum tuum officium, quod in meo grauissi-  
mo casu abihuisti, consolandi mei mihi gratissi-  
mum fuit: perspexi enim ex tuis litteris, & dolo-  
ris,

Bemb.  
lib. 3. f. 6.

ris, quem ex mea ægritudine capiebas, signa illu-  
stria: & amoris erga te mei. tum ea, quæ scribis;  
quoniam ad meum vulnus sanandum inueniri  
nulla remedia possunt; ad molliendum eius vul-  
neris dolorem certe quidem plurimum valuerunt.  
Nam neque, ut ipse non angas, doleamque Ca-  
roolum fratrem meum, optimum lectissimumque  
adolescentem, & mei amantissimum; quem qui-  
dem erat æquius, ut post me introierat in vitam,  
sic post etiam exire de vita; erectum mihi esse, in  
primo iuuenturis suæ limine, nulla vñquam effi-  
ciet dies. Et tu ea collegisti, cum facta, tum di-  
cta sapientum virorum; quibus interdum cogar  
aliquantum acquiescere; aadmonearque, ut fe-  
ram moderatus solitudinem ærumnamque me-  
am. Itaque eas tibi habeo gratias; quas habere  
potest is; qui fortunæ acerbissima iniuria, mag-  
na de spe deque omni suæ vitæ dulcedine, atque  
solatio deiectus, in maximo mœrore luctuque ver-  
satur. Vale. XIII. kalen. Febr. M. D. IIII.  
Venetijs.

Hieronymo Vidæ  
Albæ Episcopo S.

Sadole -  
tus li. 10.

Gratissimæ mihi fuerunt littere tuæ: quæ  
& veteris nostræ amicitia memoriam mihi reno-  
uauerunt, & declararunt, in te non parum ad-  
huc

huic amoris erga me ipsum residere: quo mihi nihil optatius neque iucundius accidere potuit. Nam cum te semper ingenij & virtutis tuae causa plurimum dilexi: tum vero optavi viciissim diligi a te. Id recte existimans, coniunctionem tecum meam mihi magno honori semper fore; quod tuum de quoque homine iudicium in veramque partem magnam vim haberet: neque solum impraesentia honorificum existeret, sed illuceceret in omnem etiam posteritatem. Quanquam haec quae notissima sunt, noua commemoratione mea non indigent. Sed de his satis. Ego te doctissime Vida, & amavi semper, ut paulo ante dictum est, & tuo præstantissimo ingenio, eximiæque doctrinæ plurimum tribui. In qua etiam nunc & opinione eadem sum, & voluntate. Tibique hoc de me persuasum esse volo, si quem mihi aliquando locum tibi gratificandi dederis, magno me abs te affectum beneficio esse arbitraturum. Tu ut valeas, & me ut diligas, magnopere a te peto III. Idus Februarij. Roma.

Patauium

Andrea Triuisano S.

Quo minus expectabam tuas hoc tempore Bembus  
li. 6. F. 6.  
 litteras; eo mihi eæ, quas ad me Patauio dedisti,

E

plena

plenæ officijs amabilesque litteræ, & iucundiores  
& suauiores fuerunt. Valde enim cupio, & amari  
me abs te, & mei memoriam apud te vigere: quod  
quidem vtrunque procedere præclarè ostendisti.  
Itaque velim existimes nihil mihi optatius acci-  
dere potuisse tuis litteris; præsertim cum otio non  
abundes. Scio enim quantis occupationibus im-  
plicere, propter præturam viri amplissimi patris  
tui; cuius magnam partem ipse sustinet. Quod  
scribis mulieres nostras valere, aduentumque me-  
um ab ijs mirabiliter expectari; mibi est gra-  
tum. Ego vero ad vos etiam libentius redibo, se-  
datis sublatisque non solum bellis; quæ quidem  
diutius, quam oportebat, viguerunt: Sed etiā bel-  
lorum suspicionibus: quibus torquebamur, pace  
ista, de qua commemoras, confecta: fædereque  
inito multa cum auctorum sociorumque fæderis  
voluptate. Sed de his cum una erimus: quod bre-  
ui futurum puto. Reliquis de rebus scio te litte-  
ras à me non expectare. Patri tuo & matri mul-  
tam salutem; itemque Cæciliæ & Morosinæ. Va-  
le. Idibus Ianuarijs. M. D. XXX. Bononia.

Germano Brixio S.

Sadole-      *Et litteræ tuæ, id quod aliâs quoq; conque-  
tus li. 4. stus sum, tardissimè ad me perlatæ fuerunt: (da-  
ta enim prid. Idus Feb. post Nonas Aprilis de-  
niq;*

nique mihi sunt redditæ.) Et ego quò minus ad  
eas continuo responderem, valetudine fui aduersa  
impeditus. Scito enim me octauum iam mensem  
pituita vsque eo laborare, ut & odoratum peni-  
tus, & vim etiam gustandi aliqua ex parte ami-  
serim. Qui morbus hiemis tempore lentior, eoqué  
magis tolerabilis: quod humoribus pigrè & seg-  
niter se mouentibus, sensum in nobis mali obtu-  
siorem aliquantò facit. Vere nouo excitatur, &  
ad nocendum corpori acuitur. Itaque & febricula  
aliquot diebus tentatus sum, & nunc capite fre-  
quenter langueo: nō tam dolore quidem, quā gra-  
uedine quadam occupatus atque pressus. Sed mi-  
hi multis adhuc frustra remedijs adhibitis, recu-  
perandæ valetudinis spes, secundum Deum, reli-  
qua est in appropinquantis caloris aduentu. Que  
si nos fecellerit, feremus humaniter, omneq; Dei  
omnipotentis de nobis ipsis decretum in partem  
optimam accipiemus. Illud vtique præstabitur à  
nobis, ut ne qua culpa nostra morbus vim ad lœ-  
dendum, incrementumque accipiat. Habes causam  
meæ tarditatis. Vale. Carpenteracti.

Leo. X. Antonio Abbati S. Bertini

Voluptas quam ex eo, quod Pontifex Max. Bemb. II.  
declaratus sum, accepisse te mirificam atque in- 4. Pöt.  
credibilem scribis, & si ea nihil mihi noui attulit:

E 2 amoris

amoris enim erga me tui abundantiam dudum cognitam atque perspectam habeo : mihi tamen sanè gratissima iucundissimaque accidit . Visus enim mihi ipse sum, dum tuas litteras legerem, illo ipso tuo vultu , atque conspectu suauissimo & liberalissimo perfrui , quo me olim per Germaniam atque ista per loca iter facientem amantissimè suscepisti . Itaque mihi in memoriam reuocasti eos ipsos dies , quos vnà fuimus : qui quidem tamen dies nunquam ex animo meo exciderunt . Quamobrem scire te plane volo, & amari te à me vnicè , charissimumque mihi esse , ac semper fore : & si vñquam occasio dabitur videndi tui , quod sine tuo incommodo posse fieri sane peruelim , id mihi non minori voluptati fore , quam si meorum quempiam mihi sanguine cōiunctissimum vsu & consuetudine optatissimum longo non visum tempore conueniendi amplectendique potestas fieret . Quo fit , vt ijs que scribis , teneri te scilicet incredibili desiderio videndi mei , facile fidem adhibeam . Reliquum est , vt si quid erit , quod impetrare à me vel tibi cupias , vel tuis , scribas id ad nos certa cum spe , nihil te frustra petiturum . Vale . Dat . VII . Id . Sept . Anno primo . Roma .

Mariano Castell. S.

Flami-

Flaminium ex tuis litteris equidem accusare possum negligentiae, quod nihil vngquam ad te de me: sed eum nihil ominus à me commendatum velim habeas. Dignus est adolescens, quem omni tua humanitate liberalitateque complectare. V-

D. Less  
goliur.  
lib. 2.

sus es tu quidem aliquando summa in eum benignitate, sed tum cum non tam necesse esset, quam nunc est, nec ipse in tantam doctrinæ spem adhuc ingressus. Caeve enim putes quicquam ei istuc esse, aut iam multis etiam seculis fuisse, simile vel ingenio, vel industria, vel probitate, vel etiam gravitate. Evidem sic de eo pronunciare soleo, ut dicam neque natura benigniore quenquam hodie vti, neque cum fortuna duriore conflictari. Quare cum id ei cumulatissime adsit, quod nullius beneficio assequi possit, id autem omnino absit, quod tu & cumulatissime præstare potes: ne cōmissum velis mi Mariane, ut tantæ spei, tantæ virtutis adolescenti, & quod constat, propinquo tuo, tum denique defuisse videare, cum ad summam eruditionem dignitatemq; pleno gradu contèderet. Perueniet enim quò tendit, & si tu paululum modo adiunueris, maiorum nostrorum gloriæ dignum se præbebit. Hoc vt facias, vel mea, vel ipsius adolescentis, vel etiam honoris tui causa, te tamq; go, quam tibi nominis Romani dignitatem cura

E 3

&amp; esse

& esse & semper fuisse certo scio. Vale. Patauij.  
Calend. Mart.

Iacobo Sadoleto, Romam

Bembus lib. 3. fa. Ego vero perlectis litteris tuis ; quibus tu desiderium, vel potius auditatem meam legendi, iam aliquid abs te cumulate, atque amantisime lenijsti, etiam effigiem amoris erga me tui, omnibus prorsus officijs, benevolentia, humanitatis, pietatis luminibus expressam , ac perpolitam, in illis agnoscens, non sum admiratus. Nihil enim mihi magis exploratum est, quam me abs te amari, vel, antiquam illam nostram consuetudinem, ac pene conuictum, cum Ferrariae Leonicenum audiabamus, vel, postremo cum Romam venissem, recens tuum in me, atque meis ornandis studiis, diligentiamque repetenti: quod quidem ipsum sedulo facio; Itaque, si mihi vñquam eius rei occasio dabitur (quæ profecto dabitur) efficiam sanè; ut quoniam, quanti ego semper fecerim perspicacissimum illud ingenij tui acumen, ad omnes bonas artes capessendas, quibus te à puerò tradidiisti, cum per se, tum vñsu atque exercitatione incitatissimum, coniunctum cum suauissimis moribus, admirabilique lenitate vita, ipse perspicere potuisti; etiam quantū tibi debere me existimem, aliquando cognoscas; vel potius, vt omnes honii-

nes

nes virumque, & te mihi esse charissimum, propter egregias virtutes tuas, & propter ea quæ dixi, officia, me tibi esse deuinctissimum intelligent; cura ut valeas. VI. Kal. April. M. D.

III. è Strotiano.

Antonio Rolando, Patauium.

*R*dhuc languebam ex vetero morbo; & filio  
non leuiter ægrotante, erā sanè perturbatior: com  
mittere tamen nolui, vt epistole tuæ, nihil om  
nino responderem. Quod petis, vt orationem tu-  
am corrigam: Primum id quidem necesse non est:  
cum scriptor sis luculentus, iudicioque excellas:  
deinde vero tantum ab re mea mihi otij non est,  
aliena vt possim legere: aut enim non vaco:  
aut, si quid temporis conceditur, ad ea, quæ  
inchoata, rudiaque iam pridem habeo, absoluenda,  
& perpolienda totum confero; Quare à  
te peto, vt habeas rationem & valetudinis, &  
occupationis meæ. Ego postquam in patriam re-  
uerti, negotiorum magnitudine defatigatus, & tra-  
te etiam admonitus, mihi & Musis duntaxat  
viuere constitui. nullas suscipio curas, nisi  
quas rerum domesticarum necessitas imponit.  
nonas amicitias non expeto: veteribus colen-  
dis operam non do; cum uxore liberisque suau-  
issimam vitam duco. Hic enim dies, vt il-

Manu-  
tius li. x.  
ep.vlt.

E 4      le ait,

le air, alios mores, aliam vitam postulat; animalium copia, quid præter molestiam habeat, non video: si quis aliter sentit, arbitratu ipse suo viuat: ego malo mihi sapere quam alijs. Vale. Venetijs. X. Kalend. Ianuarij. M. D.  
LXX.

Herculi II. Duci  
Ferrariæ S.

Eadole-  
tus li. 10. Quoniam habeo te inter eos, quos mibi exi-  
mè semper colendos, obseruandosque proposui:  
ideo putaui mihi faciendum esse, vt ad te mea  
manu scribebam, nunciaremque id quod mihi  
contigit. Heri enim nihil cogitans, ac ne cupiens  
quidem, sed præter omnem opinionem meam  
creatus sum Cardinalis. Cuius honoris magnum  
onus & splendidum, meis tamen humeris per-  
quam graue est: non enim videtur meæ fortuna  
tenuitas id posse perferre. Sed tamen feram vt  
potero: & si copijs opibusque deficiar, in eo elabo-  
rabo, vt fide, integritate, amoreque in Remp.  
muneri meo satissimam. tibi vero præstantissime  
Dux, cuius nomini clarissimæque familia  
iampridem valde deditus sum, ita mea studia  
officiaque policeor ac deferō, vt tibi cupiam  
persuasum esse, ea tibi in primis præsto semper  
fore;

fore: neq; eorū nemini qui te amāt & colunt , quo  
rum pro amplitudine & nobilitate tua , magna  
copia est, nunquam concessurum: semperque ea li-  
bentissime facturum, quæ honori tibi & ornamen-  
to esse possunt. Sed hæc, cum v̄sus venerit, re ma-  
gis præstabo, quā verbis. Tu vt me diligas habe-  
asq; in numero tuorum, vehementer á te peto. Va-  
le. Ex Vrb. X. Kal. Ian. M.D.XXXVI.

Marcello Ceruino Cardinali. S.

Bembus lib. 6. fa- mil.

Et si pro tuis erga me pro meritis puteō te etiam sine mearum litterarum testificatione existima- turum magnam me lœtitiam de tua dignitate cepisse: Statui tamen esse mihi faciendum, vt tibi per litteras gratularer. Caeu enim putes vllum mihi diem, postea quā Romæ sum, illo die, quo te Paulus Pont. Max. Cardinalem creauit, gratio- rem aut iucundiorem illuxisse. Valde enim confi- do fore; vt singularis tua & eximia probitas in- genij præstantia, vita constantia, iudicium, pluri- mæ tuae maximaq; virtutes magnam sint au- toritatem Christianæ Reip. & huic sanctæ Sedi alla- turæ; magno illis vñi & ornamento futuræ.

Quare non tibi vni de eo tantum gratulor: sed & ijs publicis quas commemoravi rebus, & no- stro in primis ordini, quem tua præsentia honesta bis; ac ipsi mihi: qui de tua tam illustri honoris

E 5

& dig-

& dignitatis accessione triumpho & gaudeo. Reliquum est; ut me, ut soles, ames: Alexandrumq; Farnesium Cardinalem & Legatum patronum & propugnatorem meum saluere plurimum iuberas meis verbis. Curesq; ut vterque vestrum e peregrinatione ista tam longinqua bene procuratis rebus saluus sospesque ad nos atque ad urbem reuertatur. Vale. Nono Kalen. Ianuarias. M. D. XXXIX. Roma.

## LIBER SECUNDVS

Leo X. Carolo Hispaniæ  
Regi.

Bemb.  
L. 16. P. 6t



Drianum Episcopum Dertusensem in Cardinalium collegium liberenter cooptauimus, cum propter ipsius singularem sacrarum litterarum doctrinam, probatissimosq; mores & virtutum plurimarum præstantiam, tum ut tibi morem gereremus, remque omnium gratissimam faceremus, cum probum virum & doctum ac prudentem hominem, Magistrum etiam & præceptorem tuum in amplissimum huius Reip. dignitatis gradum adscisceremus. Qua quidem de re magis magisque in dies lator. Spero enim

enim fore, ut ea hominis dignitas & tibi & mihi  
& Reip. vsui & voluptati sit futura. Sed cum  
ego iam quæ meæ erant partes in ornando illo  
eas amantiissimè impleuerim: tuum erit deinceps  
dare operam, ut homo optime de te meritus, mag-  
nus nunc vir & in magistratu eminenti positus,  
fortunarum suarum tenuitati, vel potius, ut iam  
id, quod est dicatur, paupertati, quæ tot annos  
eius vita socia, nec bella nec placabilis fuit, possit  
nuntium remittere, atque aliquando tandem, pe-  
rinde ut illa dignitas postulat, quam tueri debet,  
laxè ac liberaliter viuere. Qua in re sic tibi illū  
commendo, quasi res mea, non ipsius agatur.  
Nam quas tu in eum commoditates liberalita-  
tesque conculeris, de ijs ego tibi me spondeo liben-  
tissime debiturum. Sed velim id, quemadmodum  
te quidem facere tantum Regem tamque fortu-  
natum decet, & celeriter & liberalissimè facias.  
Octauo Kalen. Febr. Anno V. Roma.

Basilio Zancho Monacho. S.

*Libri tui de Sophiae horto heroicis versibus*  
duo, quos ad me amantiissimè scriptos misisti val-  
de me delectarunt. Vniuersam enim ferè nostro-  
rum hominum theologiam breuibus sententijs  
complexi ornate grauiterq; (quod erat vnum om-  
nium difficultimum) ijs de rebus loquuntur, que  
pro-

Bembus

lib. 6.

Famil.

profectò soluta oratio posse capere ita; ut legen-  
tes delectaret, & se in dignitate tontineret; vix  
ægrē mihi quidem videbatur. Itaque tuorum  
carminum præstantiam, feci, ut debui, plurimi.  
Amoris præterea erga me tui locupletissimi te-  
stes sunt, veterisq; nostræ benevolentia: ut nihil  
mihi abs te gratius, nihil omnino iucundius po-  
tuerit proficisci. Quare non solum plurimas tibi  
de eo gratias habeo: sed etiam gratulor; quod ad  
pœticas studia, quæ quidē monachorū vitam, mul-  
tis ab hinc ingressus annis postea nunquam atti-  
gisti, atque ad musas delicatores illas tuas, tan-  
quam postliminio rediens, lato ab illis vultu su-  
ceptus fueris; nihilq; tibi, tam diu spretas se abs-  
te fuisse, succensuerint. Itaque erit humanitatis  
tuæ; si te interdum posthac ad suos, ut erant so-  
litæ, numeros inuitabunt; præsto illis esse: quando  
præsertim magno me hercule cum fœnore, tuique  
nominis gloria tuam illis operam nauare te in-  
telligis. Vale. Quarto Id. Nouembres. M. D.  
XL. de Vaticano.

Francisco Cicereio, Mediolanum.

Manu-  
tiusl. 10.

Quem vereor, optime ac doctissime Cicerei,  
quia serius epistolæ tuæ respondeo, ne quid suspi-  
cere de me durius: quod certè non debes. quo enim  
tempore mihi Romæ redditæ est. graui morbo la-  
borabam:

borabam: neque conualui, nisi multos menses,  
nec in Vrbe, sed in patriam reuersus. Nam va-  
letudini meæ cælum illud, quo vñs eram anteà  
perbenigno, aduersari & obesse ita cœperat, diu-  
tius vt ferre non possem. Itaque fuit omnino, vt  
vitæ consulerem, ab urbe discedendum, in quo  
summi Pontificis clementia & facilitatem lau-  
dabo nunquam satis: qui de languore meo cer-  
tior factus, cum adhuc muneris mei suscep<sup>t</sup>a que  
provincia menses non pauci superessent, abeundi  
tamen potestatem petenti æquissimo animo con-  
cessit. quam quidem eius benignitatent tanti æ-  
stimo, quanti suam quisque vitam & incolumi-  
tatem æstimare debet. Viviere enim diu me posse,  
aut rectè saltem & firmiter vñquam valere, si  
permanerem, vbi cœperam ægrotare, febri præ-  
fertim adhuc vrgente quotidiana, planè despera-  
bam. Hæc si tu nosti: non dubito, quin purga-  
tus tibi satis superquam sim. id enim æquitas, &  
earum artium, quas magna cum laude profite-  
ris, humanitas postulat. Vale. Ex oppido Ple-  
be Sacei. VII. Id. Nou. M. D. LXX.

Leo x. Carolo Hispaniæ Regi.

*Aquila* quatuordecim aiibus capiendis ido- Bembus  
neas, quas mihi Adulphus Vandra familiaris tuis lib. 14.  
attulit, Regium sane munus libenter, vt debui,  
Pode.  
accepi.

accepi. Et sunt enim mira pulchritudinis, & abs-  
te, quem ego mihi filij loco esse duxi: eis praे-  
terea generis, quod omnium & nobilius est & ra-  
riss: ut neque multæ vallis in locis capiantur:  
neque sœpè ad nos veniant. Tu vero uno mune-  
re tot misisti, ut existimem earum capiendarum  
artem aliquam te callere. Nisi forte ipsæ sponte  
sua omnibus è regionibus istò conuolant, ut abs-  
te capiantur, tibi q̄ seruiant. Quod si est, tu eis  
male gratus fuisti, qui ad me miseris. Sed omni-  
no extra iocum, mallem tibi eas retinuisses, quam  
mihi misisses. Quippe que tibi voluptati multo  
magis fuissent, quam mibi erunt, qui tantummo-  
do cum autumni Romanum cœlum fugio, vale-  
tudinis interdum causa venatione aucupioq; me  
oblecto, vel eos potius, qui mecum sunt: ut in-  
cundior per agros vagatio & delectabilior nos  
diutius in labore via teneat. Tu vero adolescens  
& Rex, ut multas horas omni tempore consumere  
arbitrari tuo possis, eis & sapientius usus fuisses, &  
utilius, addo etiam & decentius. Quod mihi ta-  
men munus ipsum tuum multò charius atque a-  
mabilius facit, cum eo te defraudes ipse, qui vii  
recte potes, ut mihi des, qui non possum. Et  
quoniam bellissime, ut dixi, sunt: dabo operam,  
ut aliquo te remunerer munere. Interea vale-  
bis,

bis, nosque ut facis diliges. Dat. quarto Id.  
Januarij. M. D. XVII. Anno quar-  
to. Roma.

Decio Brancaleoni, Neapolim

*Nisi tibi nota esset occupatio mea, reverer in  
primis, ne accusares officium meum, qui litteris  
tuis, amantissimè scriptis, nihil adhuc respon-  
derim. Ego, mi Deci, hoc mihi iuris assumo cum  
amicis, ut, si quid ad eos magnopere non pertinet,  
à me vero non satis commodo meo fieri potest,  
omittam interdum, aut in aliud tempus reiijcam.  
te verò cur in meis necessarijs non numerem, vel  
Cambijs mei testimonio, qui tuam in me beneuo-  
lentiam prædicare solitus est, vel affirmatione  
ruarum litterarum, ex quibus duplicem volupta-  
tem cœpi, & quod amari me abs te cognoverim,  
& quod eum te esse, quem qui non amerit, hominem  
non esse contenderim. Nec me putes blandiri  
velle, sic equidem loquor, ut sentio. Præclara  
virtutis fundamenta iecisti: signa video non  
obscura, nec dubia tum studij, tum ingenij: nec  
hortari magis, quam gratulari debo: cum tu  
qua etate multi ad inanes voluptates deflectūt,  
in ea solidam laudem queras, & propemodum  
inuenta gaudere possis. Nec dubito, quin istam  
mentem, & quidquid ex ea tibi manat gloriæ,*

Manuti-  
us, lib. 2.

vel

vel commodi, totum quantumcum<sup>b</sup> futurum est,  
acceptum Deo referre velis: quod si facis, nā iu  
mibi multò amabilior es, tibiq; ipse optimè con  
fusis, cùm falsam speciem felicitatis humanæ à  
veri boni possessione distinguis. Vale & Cam  
bium nostrum, iuuensem eximiæ humanitatis, fa  
luta meis verbis. Rōma. VII. Id. Quint.  
M. D. LXIII.

Reginaldo Polo Cardinali S.

Sadole -  
tus li. 11.

Post discessum tuum, nihil adhuc dedi ad te  
literarum, quod de publicis rebus acta omnia ad  
te mitti scribam. De tuis autem nihil mihi no  
minatim mandaras profiscens, quod me tua cau  
sa facere aut sentire oporteret. Quòd si fecisses,  
benevolentiam tibi meam & præstitissim re ipsa,  
& literis sæpè declarassē: et si ad meum tibi  
amorem restificandum, non opus puto esse lite  
ris. Hic nos in magno metu Turcarum assidu  
sumus: præsidia tamen adhuc nulla quæ quidem  
appareant, comparata habemus: nisi illud, vnum  
maximum nobis est præsidium, quod positum est  
in Principis consilio & sapientia: qui iam sapientius  
nobis confirmauit, se in communi tuenda salute,  
animo excubare. Et tamen arbitror à rerum pe  
riti dictum, nisi extremo Sextili mense liberum  
ad nos cursum classem habere hostium non posse.

Tuos

Tuos conatus non eum habuisse exitum quem cu-  
peremus, doleo equidem vehementer. Sed hoc æ-  
quiore fero animo, quod ita fore præuidercam. Tu  
modò saluum te nobis exhibeas, atque restitucas.  
occasiones aliae non deerunt, non enim eundem te-  
nere statum diu possunt, quæ tantopere sunt com-  
mota. Nos hic in fortuna tenui sustinemus tamen  
onus dignitatis, quoad possumus. rectam adhibe-  
mus voluntatem, reliqua Deo permittimus. Te  
amamus & colimus, ut debemus, amarique item  
abs te cupimus. Tu siquid forte mihi per literas  
mandaueris, efficiam, ut te non frustra id fecisse  
intelligas. Episcopum Veronensem nostrum plu-  
rimum verbis meis saluere iubeas velim. Vale,  
Romæ, IIII Nonas Iulij, M. D. XXXVII.

Gulielmo Sirletto Cardinali. Romam.

Quidquid tuli, dum in patriam reuertor, Manu-  
suaue est: tuli autem aspera, grauia, difficultia,  
faneque multa: & eo magis, quod asperitates  
omnes, ægra valetudo, & corporis imbecillitas,  
vehementer augebat. Quædum ferrem, hæc me-  
cum loquebatur animus: Sustine præteriorum me-  
moria, futurorum spe: & cogita quas turbas reli-  
queris, quibus laboribus emerseris, quā tranquil-  
litatem, quam quietem petas. In patriam tendis  
refertam bonis omnibus; ibi te complexu accipiet  
F dulcif-

dulcissima coniux, languentem fouebit, infirmum  
reficiet, afflictum subleuabit; nullum obsequij stu-  
dijque munus abesse patietur. Erit hæc dursis in  
rebus optima consolatio. Itaque latus nonnun-  
quam eram in dolore ac molestia comitum meo-  
rum. Nunc aſſecutus ea, quæ ſperauī, in vnam  
curam incumbo, vt perditam valetudinem reſti-  
tuam. Diuturnitate morbi, & inedia, corpus  
iam & vires amiferam. accessere itineris incom-  
moda, quibus ita consumptus humor omnis eſt,  
vt nimia ſiccitate vitæ periculum impendeat:  
Dici non potest quo deſiderio teneor studiorum  
noſtrorum, quaſi ceruus ad fontem, ſi per vale-  
tudinem licebit ſitibundus accurram. Cupio con-  
ſeruari veterem amorem in me tuum, meritis qui-  
dem à me nullis, perpetua tamen cultum obſer-  
uantia; quam eandem ſemper, aut etiam, ſi mo-  
do ad eam accedere quidquā potest, quod ego non  
arbitror, maiorem fore tibi conſirmo. Vale. M.  
D. LXX.

Ioan. Mattheo Giberto  
Episcopo Veronæ. S.

Sadole-  
tus li. 3. Iam diu eſt, cum ego ad te nihil literarum  
dedi, quod accidit non obliuione tui mea, neque  
pigritia, aut negligentia noſtra: ſed quod ipſe  
meis occupationibus impeditus, dubitans de tuis,  
veritus

veritus sum ne mea sedulitas forsitan tibi molesta esset, si te à grauioribus & sanctioribus curis inanum lectione literarum auocasset. Etsi inanes numquā epistola ēsse solent, quæ ut aliud nihil afferant, testes tamen sunt amoris, & conservata optima voluntatis. Verum hoc testimonium neque (ut ego arbitror) tu á me desideras, neque ego abs te requiro, satis enim nostra vetus constansque amicitia testimonij vtrique nostrum præbet, esse nos inter nos quales esse debemus. amicissimo animo videlicet, & constantissima voluntate coniunctos. Ego ijs proximus mensibus audiui, impressos esse tua impensa, & opera, optimos autores gracos: quorum in sacris literis interpretandis egregia doctrina est & autoritas, quo nuncio valde sanè latus sum, animumque tuum pristinum recognoui propensum ad bene me rendum de artibus optimis. Quarum tamen princeps ista est, quæ ad Deum, & ad veram felicitatem est directa. Hoc si ita sit, quod ego confido esse, fretus tua animi præstantia & liberalitate, peto à te, ut me certiore facias: ut, siue fit per factū negotiū, ipsis voluminibus & libris, siue in eo ut perficiatur: spe propinqui commodi oblectare me possim. Nos hic cōmentarios in Epistolā ad Romanos scribimus: opusque difficile &

F 2 arduum

arduum ita tractamus, vt in eo præcipue laboremus, quo extare possit tibi, quod iam pridem sumus polliciti. Vale, & nos dilige. Carpentoracti,  
V I. Cal. Nouemb. M. D. XXXI.

Iacobo Sadoleto. S.

Longo-  
lius li. 3. Ex literis meis quæ M Caballo ad te nuper  
didi mandatis, intellexisse te puto, & qui rerum  
nostrarum hic esset status, & quam mihi in re au-  
thoritate tua tum quidem opus. Nunc verò cum  
omnem spem, & omnia tuendi ocij nostri consilia  
nec opinata et improuisa ista Leonis Pont. Max.  
morte peruersa videoas, ineunda tibi noua aliqua  
tuendi nostri est ratio. Mihi enim deest consi-  
lium, neque hic sane spes vlla ostenditur. Petrus  
quidem Bembus, cuius potissimum opibus, si quid  
tale accidisset, me sustentatum iri arbitrabar,  
longo illo & diffcili morbo ita etiam nunc impli-  
catur, vt nec ipse mei meminisse possit, nec ego ei  
hoc tempore molestus esse velim. In te reliqua  
spes est. qui et si non satis exploratum habeo, quan-  
tum me hoc in genere iuuare possis, tamen quia  
vel rationes meas nosti, vel etiam multos istic fa-  
miliaritate & amicitia coniunctos habes, princi-  
pes viros, à quibus aliquid studijs nostris adiu-  
menti afferri posse & opis confido, peto abs te pro  
singulari tua erga me benevolentia, vt si quid ti-  
bi vene-

bi venerit in mentem, quod nobis commodo & o-  
cio nostro psui fore videbitur, eius rei cogita-  
tionem aliquam atque actionem suscipias. Age-  
rem tecum pluribus verbis, nisi cum te mea cau-  
sa velle non dubitarem, tum vero res ipsa per se  
satis loqueretur. Tantum habeo, si mihi hoc meo  
tempore abs te consultum esse intellexero, percep-  
turum te aliquando magnam ex officio tuo volup-  
tatem: neque vero eam laudum tuarum fore ul-  
timam, quod Christophorum Longol, aliorum  
ominino opera in altū delatum, sed in ipsis me-  
dijs fluctibus misere destitutum, ipse tu ex omni-  
bus unus commendationis tuae aura in portum  
perduxeris. Vale. Ex urbe Patauio. Id. De-  
cembris.

Romulo Ceruino,  
Patavium

Quod tu persēpe queri solitus es, id mihi Manuti-  
nunc accedit, ut epistolæ prorsus caream argumen- us lib. 1.  
to: sed ego tamen non committam, quod tu soles,  
ut argumenti me inopia deterreat à scribendo.  
quin vide, quam diuersaratio sit, tu, cum sen-  
tentiam non habes, valde tibi ais laboriosum ef-  
fe epistolam texere: ego nunquam facilius soleo  
scribere, quam cum nihil babeo, quod scribam.  
At inanes huiusmodi litteræ sint, necesse est.

F 3 Primum,

Primum, hoc non semper , quandoque enim acci-  
dit, vt nihil dicentes, aliquid tamen dicamus. &  
vt in fidibus est quædam manus aberratio sine ar-  
te, in qua tamen ipsa ars sit: sic in epistolis argu-  
mentum quandoque est sine argumento. itaque  
non semper inanes huiusmodi litteræ: siquidem in  
ijs solet aliquid nonnumquam existere, quod pon-  
dus habeat. sed fac inanes esse: quid refert? non  
hoc spectamus, id sequimur, vt exercitatione du-  
ce, eò perueniamus aliquando, vbi sita laus vide-  
tur eloquentia? quod si nobis tantum in hoc pro-  
ficere non licet , vt veteribus illis , quorum est  
purissima oratio, similes esse possimus : at tente-  
mus tamen, si possimus nostris, qui inquinatè, lo-  
quuntur, dissimiles esse, quod, vt opinor, & mul-  
tum & sàpe scribendo consequemur. Ac noli put-  
are, semper in eo nobis esse elaborandum, vt phi-  
losophemur in epistolis. graues sententiæ proban-  
tur, fateor: sed nunquid hoc uno latina lingua con-  
tinetur , me quidem Cicero paullò minus dele-  
ctat, de iocis cum agit, quam de turpi, & hone-  
sto cum disputat. Vale. Romæ.

Gabrieli Paleoto Bononiensi. S.

Sadole-      Quid scribis in literis tuis, te arbitrari, col-  
tus li. 16. legæ mei, vel fratris charissimi potius Petri Bem-  
bi Cardinalis , importuna morte me grauiter af-  
flictum,

sictum, & prostratum iacere: non fallit in eo te opinio tua. Nihil enim mihi potuit euenire acerbius, quam diuelli ab eo, cuius ego amicitiam fraternalque coniunctionem quatuor & quinquaginta annos inuiolatam tenueram: quem propter ipsius praestantissimas virtutes, summamque humanitatem, probitatem, suavitatem, singulari & pene inaudito amore prosequebar: quo cum eram omnibus & studiorum eorundem, & voluntatem, tam in familiaritate & consuetudine nostra, quam in ipsa Repub. vinculis & necessitudinibus astrictus: ut eo mihi nunc crepto, solus plane, & ab omnibus mihi desertus esse videar. Ex quo non possum non dolere casum meum. Nam illum quidem lugere non esset fas. Caeu enim putates quenquam rurquam villa in gente, villo tempore, vixisse tam beatè, quam Petrus Bembus est mortuus, siue Diuinæ in eum benevolentia indicia spectentur, siue humana. Quæ magna quidem mihi est consolatio: sed nequaquam adhuc merori meo par. Verum dabimus operam, quoad Deo adiutore poterimus, ut dolorem minuamus, qui est imbecillitatis: memoriam autem talis viri, id quod ad fidem amicitiae, & ad illius gratam virtutum commemorationem pertinet, assiduā retineamus. Tu mi Paleote perge ut cepisti, atque ita te con-

firma, ut ei, expectationi, quæ magna de te concitata est, speique tuorum cumulatè satisfasias. Fratribus tuis humanissimis ac suauissimis Galeatio, Camillo, et Astori plurimam à me dic salutem. Vale. Romæ, V. No. Febr. M.D.XLVII.

Petro Bembo S.

Longo-  
lius ii. 1. Si quid hic esset quod te scire oportere existi-  
marem, scriberem id ad te cùm libenter, tum  
pluribus etiam verbis diligenter. Nunc omnino  
ciusmodi res nostræ sunt, ut quid tibi litteris meis  
significem, planè non habeam. nisi illud fortasse  
scire vix, me ad hunc diem tuas ad tuos litteras  
expectasse, ut Patauium proficiscens, aliquod  
scribendi argumentum inde colligerem. Scriptu-  
rus eras tu quidem Pisauro, sed nihil adhuc il-  
linc. Suspiciabantur tui cum has exararem, te  
iam Florentiam, si quidem Pisauro eò recta pro-  
fectus essem, venisse. Ego autem has tibi Romæ  
redditum iri: ubi velim negotia nostra ita cures,  
ut & ego semper speravi, & tu te facturum mihi  
recepisti. Illud verò an epistola magnopere dig-  
num sit, haud equidem scio, non mihi tamen præ-  
tereundum existimau: ut cognoscas quo par sit  
animo, tuos absentiam tuam tulisse, cum  
vel bestias discessum tuum luxisse videamus.  
Scito Bembinum delicias tuas desiderio tui  
penè

penè extinctum esse: certe dolorem quem ex  
absentia tua contraxerat, nobis & bidui inedia,  
& perpetuo v lulatu discursuque testatus est.

\* Nunc & si ad cibū, nondum tamen ad pristi- \*Manu-  
nam illam suam alacritatem redijt: mæstus sem- tius li. 6.  
per, & ad contrecitationes blanditiasque nostras  
subringens. Tu cura vt valeas: id enim & nos  
facimus: ac simul operam dabimus, vt ne frustra  
consuetudine, conuictu, consiliis tuis v si tanquam  
videri possumus. Saluta mihi amicos communes:  
simul & illud quidnam sit fac intelligam, quod  
me nonnulli comminiscuntur de ingenij Romanorum  
interrogatum respondisse, non crepare mon-  
tes. Ego enim cum id nunquam dixi, tum vero  
cuiusmodi sit, intelligere non possum. Venetijs  
proficiens, XIII. Calend. Maij.

Decio Brancaleoni. Neapolim.

Miramur vterque, tu, quod litteris tuis Manuti-  
non responderim, ego, quod eo me nomine appell- us lib. 6.  
les, atque officium meum requiras. quid? tu so-  
lus ignoras, quibus distinar curis? quantis re-  
rum oneribus premar? quam numquam vacem?  
nec tum deserere officium soleo; numquam id mea  
vel consuetudo, vel natura pateretur. At non re-  
scripsi. Excusat me litterarum tuarum argumē-

tum: petebas a me scripta mea. quæ corrigere cum  
vellem, otium numquam nactus, comprimenda  
potius, quam emitenda, iudicauit: idque sum ar-  
bitrarius licere mihi per humanitatem tuam. Hoe  
ipsum, inquires, scripsisse vellem. Hoc ipsum te  
quoque suspicari decuit. & erat amoris, & ego,  
id te cogitare, aut ad aliam saltem caussam re-  
ferre silentium meum, libenter mihi persuasi. in  
quo si tu me putas indulgere mihi plus, quam  
oporteat; assentiar, cum ea fortasse conditione, ut  
te plus à me, quam par sit, exigere fatearis. nam  
in ijs, que tua interesse cognouero, nulla mihi  
crede, impediet occupatio, quo minus amicitie  
nostræ debitum officium præstem. inanes autem  
litteras ut mittam, vix impetrarem à me ipso,  
si otio abundarem: quid, cum egeam vel maximè?  
Evidem, in te amo, partes ut meæ desideren-  
tur, numquam committam, idemque à te pete-  
rem, nisi voluntatis in me tuæ testes epistolas tuas,  
Cambium autem nostrum, quem & quæ diligimus,  
quasi sponsorem haberem. Aduentum tuum, de  
quo spem rursus iniecisti, audiè exspecto. Vale;  
Romæ. III. Non. Febr. M. D. L X V.

Iac. & Bapt. Lomellinis  
Fratribus. S.

Ama-

*M*aham vos quidem antea multis no-  
 minibus plurimum. Nunc vero quas ad me lit-  
 teras Pataui dedistis: ea me vestri multò etiam  
 amantiorem reddiderunt. Sunt enim & plenae  
 officij, & amabiliter scriptæ, & quæ vestram  
 vos operam in optimis artibus ediscendis bene  
 posuisse adhuc quidem facile ostenderunt. Itaque  
 vestra ea de re cura & diligentia mihi magnope-  
 re probatur: Hoc torque vos; ut, quod laudabili-  
 ter incepistis, etiam ad exitum perducatis. Nihil  
 omnino vobis ipsis ad dignitatem atque ad omnes  
 vitæ vestræ rationes poterit esse aptius, opportu-  
 nius, conducibilis: nihil patri patruoque vestro;  
 qui vobis istud ocij & facultatis comparauerunt;  
 plane iocundius: Quorum alterum doctum sane  
 hominem, & summa prudentia virum plures iam  
 annos vnicce diligo: ut torque eius consuetudine &  
 benevolentia perfamiliariter: alter autem, quo-  
 niam vobis pater est, tametsi eum numquam vi-  
 di, à me tamen neutquam diligi qui potest? Me  
 quidem habebitis; cui æque chari sitis, ac estis pa-  
 truo; paullo autem minus chari, quam ipsi patri.  
 Valete. Sexto decimo Kalend. Octobris. M.D.  
**XLVI.** Roma.

Bembus  
lib. 6.  
Famil.

Petro Bembo S.

*E*t si nihil erat omnimo quod scribe-  
 rem, Longo-  
lius li. 3.

rem, non potui tamen Flaminio nostro istuc proficisci, non vel inanes ad te dare litteras potius, quam nullas. Sanè enim in rebus meis nihil est noui. Versamur adhuc in his, ad quæ tu me unus omnium semper es cohortatus, litterarum studijs. De te vero, & si minus quam cùpimus, audimus tamen quæ volumus: tam leuem iam accedere quartanam, ut utrum tentatiuncula sit ea, an febricula, vix ipse tu sentias atq; dijudices. Hoc ipsum mihi quām gratum sit, etiam tacente me facis, puto, intelligis. Equidem (quod unum absens & possum & debo) pro salute tua vota facio, & ut te planè confirmatum, hic primo quoque tempore videam, etiam atque etiam exopto. Flaminium ipsum à me hic tibi commendandum esse non arbitror. Est enim iampridē in ære tuo, ut quæ tute mihi ipse accurate commendaris: testimoniu modo mei de studio eius atque industria iudicij, ei dabitur. Scito ex omni nobilitate Romana multis iam seculis extitisse neminem, qui ad summa ingenij atq; iudicij ornamēta tantū adiūxerit diligētiæ, et in omni liberali doctrinæ studio assiduitatis. Non enim politiorem modo humanitatem & communes litteras attrigit, sed etiam se vtraque lingua in rebus dicendi differendique ratione ita exercuit, ut non

non credibile sit , neque quām longe iam proceſſerit , neque quō paucis annis tam pleno gradu peruenturus fit . Pertex et enim , ſcio , quod exorſus eſt , niſi aliqua forte temporum iniuria ab iſtituto curſu alio rapiatur . Sed de Flaminio nimis multa , præſertim ad te , qui cum de adolescentis indole ſumma ſemper ſperaſti , tum vero fortaffe libenter adhuc legere non pates . Valebis igitur , & à Polo noſtro ſaluebiſ . Vale . Ex vrbe Patauio . VI. Idus . Februar .

Nicolao Perennoto , Domino  
de Granuella , Cæſaris Con-  
ſiliario . S.

Ego & ingenium tuum eximium atque mi- Bembus  
rificum omnium maximarum rerum capax , vir- in Fa.li.  
tutesque ſummas & prætantifimmas vna cun- 3.  
gulari optimorum ſtudiorum doctrina coniunctas  
tuas iampridem ſuſcipiens , te intimis animi mei  
ſensibus cumplures annos tacitus colui : & liberos  
tuos primarios adolescentes ac ſupra ætatem mo-  
rum et litterarum elegantiæ præditos ; qui Pata-  
uij bonis artibus operam dabant ; amauit , uti de-  
bui , ſanè plurimum . Itaque cum hoc tempore pa-  
trocinij apud Carolum Imperatorem tui magnopere  
indigerem : facile in eam ſpem veni ; vt tu ,  
qua

quæ tua est humanitas, mihi illum sis tua commen-  
datione propitium atque beneficium præstaturus.  
**G**eorgius Palleanus; quem quidem vnicè iligo,  
atque ab eo diligi me sentio, causam meam remq;  
totam ad te deferet. Oro igitur, obsecroque te; vt  
tantum mihi de tua illa prona ad bene de humano  
genere merendum probitate hac in causa commo-  
des: vt meam dignitatem measqué fortunas; quæ  
quidem iniustissimæ diutissimæque iacuerunt: per  
te vnum aliquando tandem erectas mihiq; resti-  
tutas putem. Non dubito, quin plurimis magnis  
viris tuam opem implorantibus auxilio sæpe fue-  
ris; eorum causas defenderis; nomen illustraueris:  
ipos tibi omnia debentes dimiseris. Neque enim  
aliter cum de ea, quam habes, hominibus iuuani-  
dis facultate; tum de natura nobilissima mitis-  
simaque tua est existimandum. Sed si nos vnos;  
qui minus etiam quām mediocres sumus; illis om-  
nibus adiunxeris: non erimus fortasse in postremo  
eorum numero; quibus ornamento te fuisse, non  
dicam lætere, sed certe numquam pœnitentia.  
**C**arlo quidem ipsi, si à me referri gratia non pote-  
runt: ita tamen habebuntur: vt confidam, illi me  
ingratum non fuisse omnes homines existimaturos.  
**Vale. Quinto Kalend. Decembris. M. D.**  
**XXXVIII. Venetijs.**

Nic.

Nic. Archiepisc. Capuæ S. R.E.  
Card. S.

Literæ tuae perbreues, sed amoris humanitatisque plenissimæ hoc mihi etiam fuerunt iucundiores, quod manu tua scriptæ, illud ipsum testimoniū de quo scribis, nostræ perpetuæ & constantis amicitiae, grauius multo faciebant. Et si illud in eis nimis liberaliter: quod mihi ea honorum cognomina attribuis, quæ ego vrbis summatibus libenter facileq; concedo. Nam mihi sanè paruitas mea est voluptati, quæ in tranquillitate animi, otioq; literario posita latatur. Flovere autem amplis titulis & honorum ea insignia obtinere, quæ cum magnis curis & negotijs coniuncta sint, magis in te ceterisque amicis meis, quam in memetipso gratum mihi est. Vestro enim patrocinio, vestro labore & opera, nos viuimus pacatores. Quanquam nullus quidem mihi amicus est te antiquior, ac ne benevolentior quidem. Ita enim & ad me scripsit, quoad in urbe mansit Paulus: & reuersus ad nos illud idem vehementius confirmauit, nullum sibi à te studium, nullum indicium amoris, quod quidem optare potuerit aut debuerit, defuisse: cùm & in deferenda ope tua, insignem in se benevolentiam: & in communicandis maximis rebus summam fidem: &

in omni sermone vsuq; familiari, egregiam tuam  
comitatem se expertum esse, plurimumq; ad-  
amasse testificetur. Quæ mihi omnia iucunda au-  
ditu, ipsa re pergrata, non quidē præter spem, sed  
tamen supra spem mibi tributa sunt: vt tantum  
tibi pro illis gratiaæ debeam, quantum nostra a-  
miticia patitur. Ea porro vult, vt animo ma-  
gis, quam verbis gratam memoriam officiorum  
comprehendamus: quod tibi quidem à me, &  
amplitudini tuae nunquam deerit. Tu quando  
mihi omne tuum studium & autoritatem & ope-  
ram amantisimis verbis polliceris atque defers,  
summo me omnium beneficio afficies, si amorem  
istum tuum erga me conseruaueris. Vale. III.  
Idus Martij M. D. XXXVI. Carpento-  
rati.

Gregorio Cortesio  
Cardinali S.

Bmibus  
lib. 6.  
Fam.

*Heri te in nostrum cardinalium collegium à  
Paulo Tertio Pont. Max. incredibili totius or-  
dinis consensu cooptatū fuisse valde lator. Quod  
quidem tametsi serius factum est, quam oportuit,  
quamque ipse credideram futurum: nam cum  
anno superiore apud illum hac ipsa in causa plu-  
rimum de te sermonem habuisssem; sic ab eo dis-  
cessi; vt considerem cum ijs, qui paucos post dies  
eandem*

eundem honorem aſſecuti ſunt, te renunciatum  
iri: tamen cum ſit iſ vniuersi Christiani orbis con-  
cilium hyeme proxima concelebraturus: à Deo  
opt. max. te in hoc tempus reſeruatum fuſſe mi-  
hi quidem pereuadeo: ut tibi ad hoc muneris ac-  
cerſito ſtatiū quaſi campus latiſſimus pateat; in  
quo ſe virtus laudabiliter oſtendere & exercere  
poſſit tua. Quare de eo non tibi ſoli gratulor; cu-  
ius nomen doctrina tua excellens, religio, pietas,  
incōparabilis prudentia tam clarum iam apud  
omnes gentes reddiderunt; ut poſtrema hæc di-  
gnitas non tam priorem tuam dignitatē auxiſſe,  
quam ad illam accessiſſe videatur: ſed & collegio  
ipſi noſtro; quod me hercule te addito valde erit  
poſthac ornatius; & toti plane reip. quam qui-  
dem es ab ijs hominibus, qui eam hoſtiliter inua-  
dunt, tuo illo prope diuino ingenio & ſapientia, &  
reliquarum virtutum plurimarum tanquam acie  
ac robore peropportune defenſurus; eique magnæ  
tum gloriae, tum utilitati futurus. Me quidem  
habebis eundem in posterum; quem multos abhinc  
annos habuiſti; amantissimum & cupidissimum  
tui; & præterea, quoniam in eodem collegio eri-  
mus; & in consilijs capiendis, & in ſententijs di-  
cendis, & in omni vita tecum in priuis con-  
iunctissimum. Vale. Tertio Nonas Iunias.

G

M. D.

M. D. XLII. Roma.

Nicolao Peitellio S.

**P**adole-  
re, quod rogatu meo suscepisti: te & ipsi, & Car-  
tus li. 16. pentoractensibus ciuibus usque eò fatisfacere, ut  
in sacris illis concionibus, quas ad populum ha-  
bes, nec religionis studium ardenter, nec rerum  
copia uberior, nec orationis subtilitas maior desi-  
derari posse videatur. Itaque admirabilem ad te  
audiendum hominum cuiusque generis, etatis, or-  
dinis concursum fieri, ut prorsus nunquam istic  
quisquam maiorem hominum vel frequentia, vel  
admiratione, eius generis conciones habuerit:  
Quod mihi quidem, qui præstantissimum ingenium  
tuum, pari vita integritate ac pietate coniunctum,  
istic cum essem facile perspexi, minimè mirum vi-  
sum est. Non possum tamen facile verbis conse-  
qui, quam id gratum mihi & iucundum accide-  
rit. Nihil enim vehementius studio atque opto  
quam illos homines, quos fidei meæ commissos, pa-  
terno planè amore prosequar his tam turbulentis  
temporibus, quibus multi quotidie à vera reli-  
gione abducuntur, in recta erga Deum fide atque  
officio manere. Itaque cum tu ad eos continen-  
dos tam fidelem tamque egregiam operam mihi  
absenti naues, incredibili quadam voluptate affi-  
ciar

ciar necesse est. Tibi verò eo nomine tantum debere me intelligo, quantum euidem vix posse vñquam videor persoluere. Sed tamen, & is primum, qui pias hominum actiones cœlestibus premijs remuneratur Deus, cui tu imprimis deseruis, tam præclari officij tui amplissimam tibi mercedem reddet: & ipse non desistam, quin tibi pro tantois tuis in me meosq; ciues meritis, aliquā aliquando gratiam referam. Tu vt ciuitati isti pergas rectam, quemadmodum facis, salutis & immortalitatis viam ostendere: meque apud Deum precationibus tuis iuuēs, vti mihi ad ecclesiam meam regendam redire illius benignitate contingat, abs te vehementer peto Vale mi Peitelli. Romæ. M. D. XLVI.

Nicasio Casletano

*Quantum mihi voluptatis attulerant lit- Manu-  
teræ tuæ, summa tum humanitatis, tum etiam us. lib. §.  
doctrinæ notis insigne: tantum postea doloris ac  
molestiæ, erupta ob aduersam valetudinem res-  
pondendi facultate, suscepi: Non ego aut is ego  
sum, cui quidquam prius officio sit; aut eum te  
esse ex Duditij litteris congnoui, cuius amicitia  
contemnenda potius quam appetenda videatur.  
Sed omitto Duditij vel testimonium, quod apud*

G 2 me

me ponderis, sicuti debet, habet plurimum, vel voluntatem, cui libenter omnia tribuerem; Ipsa quam ad me misisti epistola, quid est quod imperare non possit? scripta primum humanissime, cum benevolentiam in me tuam signifies, meam exoptare videaris: Deinde ita eleganter, ac diserte (ne vivam, si mentior) ut ego tibi in hac Eloquentiae laude comparem sane paucissimos, anteferre debeam neminem. Quare, cum istam animi cui singularem in me amando, atque etiam laudando liberalitatem libenter amplector, tum vero me tibi parem in utroque voluntatem reddere, idque non tam officij tui magnitudine provocatum, quam iudicio facere, velim existimes. Tu videris, quid de me sentias, & quo me loco rependum statuas: non enim ita laudem aspernor, praesertim quae ab ijs, de quibus bene omnes existimant, proficiscitur, ut quam de studijs meis opinionem suscepisti, eius deponenda, aut diminuenda, tibi auctor esse unquam velim. Ego quod ad me attinet, si qua tui dabitur, facultas ornandi, plena manu tuas virtutes ad celum tollam: studio quidem & amore ne vincar: & enitar, ut soleo, diligenter, & ut spero consequar, praesentem scilicet mutui sermonis suavitatem longinquitas aufert: litteris tamen, si valebo, quod adhuc

adhuc non contigit, ne prorsus abesse videamur,  
operam dabo, Vale, & Duditio meo salutem. Ve  
netijs.

## Georgio Ducis Saxonie.

Quod non tam citò tuis litteris rescripscrim, Sadole-  
tus li. 4.  
præsertim tam accuratè, tamque prudenter scrip-  
tis, ignosce (quæso) mihi. Non mea fuit culpa,  
sed cum emergere cœpissim ex graui morbo, quo  
quatuor pene mensibus oppressus, periculum vi-  
tae non semel adij, allatæ eæ mihi sunt, meque  
summa & incredibili quadam voluptate affec-  
runt. In eis enim non solum recognoui tuam pri-  
stinam virtutem, & sapientiam, quam semper  
antea sum admiratus: sed singularem etiam, &  
nouam quandam humanitatem cognoui. Sic e-  
nim benignè atque amanter me in amicitiam tu-  
am recipis, ut mihi, qui hoc summè semper concu-  
piui, ut tibi aliquo amoris vinculo coniunctius  
essem, nihil accidere potuerit optatus. Non e-  
nim ego, Georgi præstantissime, dinitiarum aut  
pecuniae amator sum, nec honores & potentiam  
magno studio requiro: sed amo viros animo &  
virtute excellentes, inque eorum amicitia & mu-  
tua erga me benevolentia incredibiliter acquies-  
co. Itaque tua nunc erga me voluntate perspecta,  
crede mihi tanto in te studio sum accensus, ut

G 3 nemini

nemini vñquam concessurus sim, qui aut ardentius te diligit, aut maiore cultu atque honore tuas præclarissimas virtutes prosequatur. Quod si locis disiuncti, congregandi vñā, & colloqui coram inter nos non possumus, literis tamen & crebris scriptioribus idem propemodum assequemur. Sed de rebus, quæ in tua epistola graues, & magnæ, & grauiter scriptæ sunt, tunc tibi respondebo, cum summum Pontificem fuero allocutus, atque ipse quoque factus ero firmior. Nunc cum nec mente adhuc, nec corpore satis consistam, accipe (quæso) breuem hanc epistolam, testem animi & amoris erga te mei. Cum primum facultas dabitur, vberius ad te scribam: nec te patiar officium in eo meum desiderare. Tu ut valetudini operam des, nosque diligere pergas, magnopere à te peto. Vale. Romæ, IIII. Calend. Ianuarij. M.  
D. XXXVII.

Francisco Robortello, Bononiam.

Manuti-  
us lib. 5. Te quidem eximia doctrinæ opinione, quam apud omnes meritò consecutus es, humanitatis tandem velle coniungere, tum mea causa letor, qui tua consuetudine nimium diu molestissime carui, meæque in te perpetuæ voluntatis ipse mihi egregiè sum conscius, tum verò, quod inter te, & Sigonium meum, viros tales, & plane duo

duo noſtræ Italiae lumina, non optime conuenire, ferendum vix erat. Itaque, cum de noſtra auto-re Seripando reconciliata gratia ex ipſius Sigonij litteris cognouissem, feci statim, quod meæ partes erant, ut animo te complecterer, meque tibi, leuiter antea, nec ſane mediocri cum dolore immutatum, libentissimè totum reſtituerem.

A te peto, non ut me mutuo diligas, quod te iam facere, perpetuoque facturum certo ſcio, ſed ut officijs etiam ita mecum certare velis, quibus & cupidè vincam, & vincar tamen non inuitus, ut nihil omnino neque de mea in te vetere obſeruanta, neque de tua in me benevolentia detractum eſſe videatur. quanquam hoc, tua fretus bonitate, & ſapientia, cum ſperauerim antea, nunc ut planc confidam, litteræ tuae fecerunt ad hominem bene doctum, & utriusque noſtrum aman- tissimum, Raphaelē Cyllenium proximè conſcriptæ: quibus in litteris partim de me, quo ſum mirificè latatus, amantissimè loqueris, partim etiam typos græcos fraoris mei, nescio qua culpa amiflos, benignissimè mihi polliceris, ac defers. Ego, mi Robortelle, iſtam vehementer amo voluntatem, quam tibi certe emetior: liberalitate vero tua & ſi delector maximè, tamen, cur p̄tar, non eſt, cum officinam ſatis ampla & per elegan-

G 4      ti

ti huius generis copia magnis iam sumptibus instruxerim, tibi tamen, quia de commido meo tua sponte cogitaueris, quod sine summo erga me amore fieri profecto non potuit, æquè debo, ac si rem omnium maximam meo pernecessario tempore detulisses, quod si à me paria, ac multò etiam præstantiora in omnibus rebus, quas ad tuæ laudis, tuique commodi partem aliquam pertinere intelligā, studia & officia expeEtabis: nunquā te fallam. Atque huius quidem testem promissi, & quā si loco fœderis quod à me violari numquā patiar, hanc esse apud te epistolā volo. Vale. Venetijs.

Romulo Amaleo S.

Sadol: - Venienti istuc Iacobo Bordingo, qui Schœrus li. 16, lœ Carpentoractensi trienniū præfuit, optimo viro, & Græcis Latinisq; literis eruditissimo, non potui nihil ad te literarum dare: tum ut cōmendarem tibi hominem, quem mediussidius ego singulari benevolentia complector: tum etiam, tu ut agnosceres, memoriam me tui cum summa item benevolentia retinere. Is ea de causa Bononiam proficiuntur, ut quoniam dedit aliquot annos mediecinæ operam, id studij & laboris in ista urbe perficiat, doctorumque iudicio statuatur dignus, qui ipse quoque possit eam ciuibus suis artem & scientiā profiteri: quod illum magna cum ingenij

do-

& doctrinæ laude adepturum esse confido. Nunc  
& si non dubito, mi Romule, quin quem à me &  
diligi & probari intelligis, eum sis tuis studijs  
atque officijs omnibus prosecuturus: tamē sic volo  
te existimare, vix quicquam inueniri posse, in quo  
mibi tua officia accidere possint gratiiora, quam  
in Bordingo, cui omnibus de causis merito ami-  
cissimus sum. cupioque cum quam maxime & ce-  
lebrari & ornari. Quod tu præter ceteros egre-  
gie mibi præstare potes, qui præs Bononiensi iu-  
uentuti, & elegantibus ingenij dominaris, in ea  
urbre natis, è qua eruditio, & optimarum artium  
disciplina, in has transalpinas nationes dimana-  
sse creditur. Porro autem hæc sunt, quæ ego te  
posco: Primum ut diligas hominem ipse, & cha-  
rum habeas: deinde, ut eidem doctos istic viros  
concilies, reddasque eum & meo, & tuo testimo-  
nio omnibus notum. Postremò, ut cum publicè iu-  
dicio de dignitate Bordingi per doctorum colle-  
gium fieri: tu cum tuis omnibus vestro eum comi-  
tatu frequentiaque honestetis. Quanquam sum-  
ma postulatorum meorum hæc est: te uti ita geras  
aduersus Bordingum, amore, studio, diligentia:  
ut intelligat ipse, meam hanc sibi commendatio-  
nem apud te plurimum profuisse: egoque in hoc  
homine experiar, id quod tamen iam pridem scio,

G 5 m.e

me abs te non solum diligi, sed etiam vehementer  
amari. Vale mi Romule. Carpentoradi. IIII.  
Calend. Octobris. M. D. XL.

Nario Nizolio,  
Parmam

Manu-  
tiusli. 2.

Epistola tua, mi Nizoli, ut amici homi-  
nis, ac vehementer amandi, summa me volupta-  
te affecit, ac meam vehementer incendit cupiditi-  
atem Parmam adeundi: non quod vrbs, aut vr-  
bis ornamenta me moueant: (alij hoc miratur, a-  
pud me vulgaria sunt) sed aueo incredibiliter ve-  
terem meum, meum dico? immo vero litterarum  
ac studiorum omnium, ipsumque litteris excel-  
lentem, Alexandrum Farnesium Cardinalem sa-  
lutare: quem cognoui Romæ & colui puerum a-  
dolescens, eximia iam tum indole prædictum, &  
earum laudum principijs, quas deinde auctus æta-  
te simul & iudicio perfecit, magna omnium ex-  
pectatione florentem. quo quidem tempore vehe-  
menter vrbs ipsa excitauit me atque acuit in stu-  
dio liberalium disciplinarum, aspectu ipso anti-  
quitatis, & multiplice ac varia hominum erudi-  
torum scientia: sed ut ingenue vereque fatear,  
proprie me expoliuit aula Farnesij moribus, ac lit-  
teris, cum viuerem coniunctissime ac familiaris-  
simè cum duobus præstantissimis viris Marcello

Cerui-

Ceruino, & Bernardino Mafeo: quarum alterum Pontificem maximum, alterum Cardinalem, & trunque immortalitate dignissimum aduersa bonis artibus iniqua mors eripuit. Quare quod me Parmam vocas, & multis verbis inuitas amanissime, non me litterae tuæ sopitum excitarunt, sed currentem potius, ut aiunt, incitarunt. quod vitinam cum voluntate cætera congruerent: iam iamque, vobiscum essem. sed vides anni tempus: vi-des itinerum difficultatem: scis, quam imbecillo sim corpore, quam tenui, & ad incommoda, iniuriasque cœli perferendas parum apto. timeo etiâ à militibus, à quibus ocium non est: excurrere enim dicuntur, & prædas facere. non igitur venia, cum à vobis unius diei vix absim interuallo? veniam, opinor, queque aduersantur & impediunt contēnam omnia. volo omnino meis oculis, Farnesio vidēdo satisfacere: volo hanc à me ipso gratiā inire, & salutationis officio, expedito sanè, ac debito, perfungi. Vale, & Farnesio Cardinali meis verbis salutem plurimam dicio. Assulæ.

Alexandro Farnesio

S. R. E. Cardinali S.

Gratæ mihi tuae literæ tantūne? imò verò & peroptatae, & dulces: que aliquam mei memoriā residere apud te mihi indicarunt. Quod ego quanti

Bembus  
lib. 6.  
Famil.

Sadole-  
tus li. 12.

quanti faciam, non nunc scribo: aliud erit tempus ista commemorandi. Hoc dico in tuis iueundissimis literis illud tamē offensionis fuisse, quod hæ tardissimè ad me perlatæ sunt. Scriptæ enim à te VII. Idus Septembri, tertio Idus Octobris mihi sunt redditæ, sexto & trigesimo die videlicet postquam tu eas dederas. Sed quod ad rem pertinet, vtinam Farnesi amplissime vobis vocantibus, quemadmodum quidem cuperem, subito parere possem: neminem profectò promptiorē ad obtemperandum vobis inueniretis. Sed quæ me impedianc causæ quo minus statim accedam, scribo ad Pontificem Max. scriboq; non tam sapienter, quam ingenuè & liberè. Quod Pontifex ipse pro sua perpetua præstantiæ, humanitate in bonam partem accipiet. Earum ego literarum exemplum ad te misisse, nisi illas communes tecum fore existimassem: quod certè ita futurum est. In ijs ego peto atque oro, vt tempus meæ absentiæ mihi prorogetur usque ad proximum mensem Aprilem: quo tempore in Italiam reuertiri mihi in animo est. Hac in re Farnesi optime, te mihi aduocatum esse cupio, vt facilius impetrarem, quod aquissimè à me petitur. Neque tamen recuso, si vos omnino ita statueritis, quin primo quoque tempore istuc veniam. Sed cùm neq;

neque magnum fructum ex me istic percipere pos-  
fitis, quod in tot sapientissimorum patrum con-  
silijs, & prudentia parum eminere opera mea po-  
test: & ego magni mea interesse sentiam, aliquan-  
diu hic manere: erit humanitatis & liberalita-  
tis vestrae, faciles vos praebere in eo, quod vobis  
parum admodum, mihi autem plurimum profu-  
tarum sit. Sed de his reiicio me ad eas literas,  
quas Pontifici scribo, futuras (vt dixi) tibi  
etiam communes. Te quidem ipsum rogo, vt mei  
absentis famam atque fortunas in tua fide & pa-  
trocinio esse patiare: tandemque te mihi praestes,  
qualem ego animum erga te in omni tuo honore  
dignitateq; tuenda, si res ita ferret, plenum amo-  
ris & diligentiae afferrem. Vale. Idib. Octob. M.  
D. XXXVIII. Carpenteracti.

Ioanni Sambuco.

Cum me vocas ad scribendum, confirmantur Manuti-  
us lib. 5.  
consilia mea iudicio tuo. ac tu quidem in hoc of-  
ficio cohortandi facis idem, quod multi: quibus  
facile possem satisfacere, si per domestica negotia  
liceret. sed obsecro. nolite ex otio vestro meum  
spectare. vobis enim certa, & expedita sunt om-  
nia: mihi unicum est vestigal industria mea: qua  
liberos alere, tueri familiam cogor. & si negli-  
gam, deseretur humanitas: sin, vt debedo, diligen-  
ter

ter cure m<sup>i</sup> iacere studia necesse est, quæ solutum  
curis omnibus animum postulant. At inquies:  
ipsa tibi studia fructum ferent. Cane alijs canti-  
lenam istam, mores, ac tempora ignorantibus, mi-  
hi non persuadebis experto. Vetus illa Principum  
virorum benignitas exaruit. inania plerique se-  
quuntur, nihil solidum amant, nihil magnificum,  
nihil illustre. Vides alios, quasi perdendis tan-  
tum frugibus nati sint immanibus epularum sump-  
tibus opes exhaustire: alios, quasi etiam homines  
ipso, non modo fruges, perdere palchrum sit, the-  
sauros effundere, collectos acerbissime, in ea bel-  
la, quæ vastitatem agris, vrbibus incendia, hu-  
mano generi, aliena stultitia miserrimo, cladem,  
& exitum importent. Musæ interim ubique lo-  
corum algent, neglectæ ab ijs, qui souere eas ut  
maximè poterant, ita maximè debebant. Etiam  
illud indignum, quod existunt, qui specie liberali-  
tatis gloriolam aucupentur: & eam virtutem, à  
qua longissime absunt, quam oderunt cane peius,  
& angue, quasi familiarem suam sic in ore habeāt,  
ut amare videātur. exemplum recens in manibus  
est, hominis, ut a multis acepi, nobilissimi, qui mi-  
hi & ob signata charta, quid vltro promiserit, &  
postea, cultus à me diligenter omni genere officij,  
qualem exitus p̄abuerit, non ignoras. Hoc fere  
morbō

in orbo laborant multi, eoque grauius, quo minus  
eorum dignitas, & amplitudo fert. Vale. Venetijs

Isidoro Clario Abbatii S.

Commodum emerseram ex tertiana febri, Sadole-  
cum tuæ mihi allata sunt literæ, datæ XVI. Ca-  
lend. Augosti Tridenti: aliquanto etiam serius,  
quam dierum & itinerum ratio postulabat. tabel-  
lariorum negligentia nobis redditæ: quibus in lit-  
teris facile & amorem tuū erga me, & mémoriam  
veteris nostræ consuetudinis recognoui. Sed quo  
minus ad eas tum celeriter responderim, partim  
imbecillitas corporis, partim etiam publica hæc  
negotia, quæ nos hic anxious & sollicitos admodum  
habent, aliquandiu retardarunt. Video enim Isi-  
dore, id quod tu quoque in literis tuis significas,  
rem communem nostrā, hoc est, causam Christianæ  
religionis (quid enim est quod magis nostram esse  
possit?) eò deductam esse, ut grauissimorum con-  
cursum periculorum metuere debeamus: spe pre-  
sertim concordiae penitus sublata, qua antea su-  
stentabamur. Nam qui antea, cum à nobis & ab  
Ecclesia Catholica grauiter dissentiret, omnia sua  
tamen Concilio se esse permisuros pollicebantur:  
nunc posteaquam indicium conuocatumque Con-  
cilium est, cum retractent promissionem suam,  
plurimaq; dent indicia non solum non commutati  
pristini

pristini animi sui, verum etiam in prauis opinioribus vehementius pertinacis: qua spe possumus niti, ut turbæ hæ, quæ omnia diuina humana que permisicuerunt, aliquando pace consensione que tollantur? Atque utinam, quod tu videris confidere, mea opera atque industria aliquid prodesse posset Christianæ Reip. nos hoc damnum violatæ perturbatæque religionis, vel nostro ipsorum sanguine libenter redimeremus. Sed cum neque ingenio mulcum, & autoritate nihil possum: quod tantum mihi tu tribuis, id ego amori tuo erga me, non illi quo ceteris in rebus plurimum vales, iudicio esse assignandum puto. Verum quo quo se modo habeant Christianæ res, illa est spes nobis in Deum cōiscienda firmior, quod is pro sua summa perpetuaque benignitate & clementia populos suos seruabit ab interitu: neque gentem delectam ab sese nonnullorum scelere atque perfidia dari in exitium volet. Quam ego vnam consolationem, nec aliam præterea ullam, his tot malis reperio. Fac valeas, nosque mutuo diligas. Rome, Calend. Sept. M. D. XLV.

M. Hieronymo Vidae,

Albæ Episcopo S.

Benibus  
lib. 6.  
Fam.

*Q*mabilissimas tuas accepi litteras Kaa-  
len. Iulij datas: quibus mihi de mea dignitate  
gratu-

gratularis. Quas quidem litteras non libenter  
modo legi: sed etiam cupidissimè audiissimeque  
perlegi, ipso titulo pellectus: quod mihi à Vida;  
hoc est ab homine omnium nostri sæculi clarissi-  
mo mittebantur. Gaudeo recentem Pauli Pont.  
Max. cooptationem; qua me in Cardinalium col-  
legium ascivit; tibi gratam & iocundam acci-  
disse. Nihil enim malo; quam à te tuiq; simili-  
bus, si qui sunt, diligi. Sed omnino siue sunt, siue  
non sunt; à te certè omnium maxime & amari,  
& probari cupio. Quod autem eam dignitatem  
meæ vel doctrinæ, vel virtuti fuisse traditam  
existimas; easq; ornas miris laudibus: non du-  
bito; quin plus in eo duci te à benevolentia, quam  
à iudicio permiseris. Veruntamen, vt cunque se-  
res habet; debo tibi, si minus de altero; de amore  
quidem certè erga me tuo sanè plurimum. In eo  
profectò non falleris; quod me meo otio meoque  
vitæ genere contentum nihil de his bonorum splen-  
doribus putas cogitauisse, neq; eos appetiisse. Nā;  
vt verè tecum loquar; sæpius fit, vt peccasse me  
existimem; qui pristinā viuendi rationem proie-  
cerim: quam gaudeam propter ead, quod maxima  
clarissimaq; dignitate auctum me atq; honestatū  
sentiam. Quod vero me hortaris; vt à studijs no-  
stris mitioribus ad Christianam rem tractādam

H & iu-

& iuuandā me cōuertam: velim sic existimes, me  
id vnum dies noctes q̄ meditari. Quid enim aliud  
agam his insignibus & nominibus suscep̄tis? Sed  
neq; dum Romæ sum; vt poſsim boni aliquid in  
modiū afferre: & quanta nobis mala impendeant,  
vides. Ut verendum sit; ne qui reip. præſunt, fe-  
dere vniuersi tempeſtatiē tantam non poſſint: ne-  
dū mea vnius industria hoc tēpore magnopere ſit  
profutura. Sed profecto reip. fluctuāti non dcero:  
& ei operam, quam potero, nauabo. Reliquum eſt,  
vt me, vt facis, diligas. Quod si etiam litteras ad  
me, cum otiosus eris, dederis: vt quid agas; quibus  
in ſtudijs te oblectes; quid omnino ſcribas; ſcire  
poſsim: erit mihi gratum. Vale. Nonis Auguſti.  
M. D. XXXIX. Patauio.

Leo X. Ludouico Galliae Regi.

Rembus  
lib. 7.  
Pont.

De Anna Reginæ vxoris tuae morte certior  
factus magnam fanè moleſtiam cepi: cū propterea  
quod feminam egregia ſingulariꝝ virtute, et ſpe-  
ctato in Deum ac Dei Eccleſiam cultu pietateq;  
amifimus: tum quia te pro tuo in illam laudabili  
amore, illiusq; in te, maximo eſſe dolore affectum  
multorū litteris intellexi. Accedit ad hæc, quod  
me illa, quaſi patrem optatiſſimū pia amantiſſi-  
maꝝ filia, incredibili obſeruantia proſequebatur.  
Regnum etiam ipſum tuum cæteræq; gentes opis  
alienæ

alienæ indigæ, in quas illa munificentia exercebat  
suā: multū mihi amisisse in ea muliere bona spe  
atq; præsidij videbātur. Itaq; pluribus & quidē  
iustis maximisq; de causis vehemeter is me nūtius  
perturbauit. Verum cū optimā viuendi rationē  
summamq; probitatē, & eximiam mulieris tēpe-  
rantiam tam ampio in Imperio posita cæterasq;  
eius præstatiſſimas virtutes animo repeteremus,  
& simul huius vitæ miseras atque horum tem-  
porum incommoda perturbationesq; respicere-  
mus, in eam sententiam adducti sumus, vt bene  
cum ijs actum esse statueremus, qui hoc tempore  
mortem cum vita commutauissent. Deumq; Opt.  
Max. Annam Reginam ad se, tanquā de terra-  
rum æstu & fluctibus in portum, aut tanquā de  
flebili hospitio ad plenam hilaritatis paternā do-  
num cœlum ipsum beatorumq; conciliū vocauisse,  
magnopere existimaremus ubi illa bene actæ vi-  
tae præmia, & cū liberalitatis atq; beneficentiae,  
quibus duabus virtutibus supra mulierū captum  
enituit, tum verò etiā tēperantiae patientiæq; suæ  
speratos fructus lœta felicissimaque perciperet.  
Quæ omnino cogitatio mœrorē quidem meu multum leuauit. Quare te bortor, vt eadē atq; similia  
vel etiam meliora, quæ tua tibi vel prudētia, vel  
animi magnitudo facile subministrabit, ad cogita-

H 2 tiones

tiones tuas adhireas, ægritudinēq; quā te vxoris  
tuae morte contraxisse audio, leues ferasq; æquo  
animo, quæ ferenda sunt: sunt autē ea omnia, quæ  
aliter se habere non queunt. In quo & tuam ipse  
temperantia atq; prudentia maximè ostendes, &  
michi, qui te vnicè diligo, omnē mœrorē absterges,  
si te leuatum sensero. Datum, III. Cal. Febr.  
Anno primo. Roma.

Manuti-  
us lib. 5.

Paulo Sacrato, Ferrariam.

Vt lai inè ad me scriberes, homo tum domestici  
curis, tum etiam scđadis, vt audio, multorum  
controuersijs assiduè distentus, certè amor impul-  
lit, atq; humanitas: & epistola tua ita mihi orna-  
tè, ita copiose omnes non modo animi, verū etiam  
ingenij tui partes expressit, vt nihil vñquā lege-  
rim libentius. Ego tibi antea, optime Socrate, tri-  
buebam sanè multa, quæ pauci consequuntur, pru-  
dentiam, integratatem, doctrinam, maximè verò  
præstantē quandam ad excolendas officijs amici-  
tias & voluntatis, & naturæ professionem: istam  
verò orationis exornadæ facultatē, quæ cùm mul-  
ti tēporis, magnaq; videtur esse industriae, tū verò,  
vt ego sentio, atq; vñsu etiā didici, ab intimo quo-  
dam, planeq; recondito de promitut artificio, vix  
putabam tibi inter diuersa plane studia posse con-  
tingere. sed videlicet id me fefellit, quod ingenii  
tuum

tuum communibus metiebar exemplis: nec mihi  
veniebat in mentem, auunculi tui Cardinalis, Ia-  
cobi Sadoleti, præceptis, & consuetudine do-  
mestica aditum tibi ad omnem gloriam esse pate-  
factum. nam cùm ille cunctis virtutibus, quas  
laudabit posteritas omnis, assequetur fortassis  
nemo, bonorum, ac sapientium iudicio virorum  
excelluerit: hac tamen in primis latine scriben-  
di laude ita floruit, vt veteres illos propemo-  
dum æquauerit, nos quidem per eandem viam cu-  
pientes excurrere, longè reliquerit. sed, vt ex  
epistola tua coniunctione, conseruabis hoc quasi patri-  
monium, familiæ vestræ proprium, & hæc tibi  
communis hæreditas erit cum patrueli fratre  
tuo, Paulo Sadoleto, quem omnes homines ad æ-  
gregia quæque natum intelligunt. Evidem in  
hoc mihi ipse plurimum gratulor, qui tibi harum  
litterarum, quibus nescio, an quidquam non mo-  
do humanius, verum etiam ornatus esse possit,  
causam dederim. nam Iosephum Fasinardum,  
quem ob eius doctrinam, & mores egregios vehe-  
menter amo, oblitem arbitror modestiæ suæ, cùm  
de me loqueretur, & utrumque vestrum in eo  
consensisse, vt ille, te libenter audiente, pro ve-  
ris falsâ narraret, aut certè veris plurimum af-  
fingeret, tu illi, plena manu, vt sæpe prodigus

H 3 amor

amor est, ea, quæ prorsus non agnosco, in me con-  
ferenti, pro tuo in me studio libenter & facile cre-  
deres. utinā quidem, qui vobis nunc esse videor, is  
aliquando esse possum: quod quia sperare non li-  
ceret, ne cur optem quidem est, Vale, Venetijs,

## LIBER TERTIVS.

Leo X. Francisco Gallo-  
rum Regi.

Bembus  
lib.16.  
Pont.



Hristophorus Longolius homo Gal-  
lus, cum tibi notus, tum verò eti-  
am deditissimus, optimarum arti-  
um studijs, quibus à puero in Gal-  
lia incubuerat, egregie eruditus, Græcarum li-  
terarum facilius adipiscendarum causa Romam  
aliquid ante annis venit. Quibus quidem lite-  
ris mirificam operam triennium cum dedisset, sui-  
que interea ingenij & doctrinæ & planè virtutis  
nomine ac morum probitate in meam familiari-  
tatem cum venisset, nobis non solum volentibus,  
sed eius etiam studia stipe annua fountibus, Pa-  
ratiuum se contulit: ut ea quoque in vrbe celeber-  
rimoq;

rimoque doctrinarum omnium ludo sese coleret.  
Quia in vrbe ita nunc quidē proficit, omnes ut ho-  
mines, quibus est ipse notus atque cognitus, est au-  
tem prope vniuersæ iam Italiæ, magna sui spe  
expectationeq; impleuerit: cogatq; credere, si vi-  
ta ei suppetat, in maximū clarissimumq; virū ac  
nostris temporibus satis quidē eruditis longe pre-  
stantē breui illū facile euasurū, vel potius iā euas-  
isse. Quæ cū ita sint, ego autē intelligam tā do-  
cto & claro iuueni nullas opes esse, quibus se ale-  
re, suaque studia & virtutes non solum illustra-  
re, quod erat profecto æquissimū, verū ne susten-  
tare quidem ipse per se possit: si vñquam alias  
nunc quidē plane diligentissimè te hortor, velis  
pro tua liberalitate vere regia & propenso in cla-  
ros excellentesq; viros, insigniq; doctrina prædi-  
tos animo mandare atq; efficere, vt primo quo-  
que tempore aliquod eius tam singulari virtute  
dignum illi sacerdotium tribuatur: quo is munere  
tibi deuinctus confectis suis studijs, quæ iam iā-  
que, vt audio, conficiet, & ad te reuerti id, quod  
ipse in primis cupit, & tibi præclararam aliquam  
nauare operam commode & pacato animo possit.  
Quanquā ne nos quidē interea aut nullo etiā tem-  
pore eius hominis cōmoda, cum se occasio dederit,  
sumus me hercule neglecturi, neque sanè curam.

H 4

quam

quam de illo semel suscepimus abiecturi. Id si tu,  
ut confidimus, curaueris, apud ipsum præcla-  
rissime posueris. Polliceor enim tibi, ac plane  
recipio, te magnos ex tuo beneficio uberrimosque  
fructus, sempiternæ scilicet laudis atque memo-  
riæ, breui tempore percepturum. Mihi autem,  
qui excellenti doctrina viros præsertim cum pro-  
bitate coniuncta in primis colere & diligere con-  
fueui, tam gratum feceris, ut ipse abs te in eo be-  
neficium me accepisse sim existimatus. Quemad-  
modum à legatis tuis, quibus cum ea de re loqui  
tus sum, latius intelliges. Dat. VIII. Id. April.  
M. D. XXI. Anno nono. R. o.

Ant. Flaminio S.

Longo-  
lius li. 3.

Cum mihi à Stephano Saulio literæ si-  
ne tuis essent redditæ, sane commotus sum: sed  
tum me herculè multò magis conturbatus, cum in  
extremis illis, quæ tibi non scribendi causa fuisset,  
legisem. effecit tamen officium tuum, quo te  
michi per eius literas excusatum esse voluisti, ut  
dolori, quem ex ista tua valetudine traxeram,  
nonnihil voluptatis aspergeretur: præsertim cum  
nec periculum grauissimum denunciaret, & ip-  
sum anni tempus saluberrimum, spem mihi non  
mediocrem ostenderet. Itaque mihi officium tuum  
scito fuisse gratissimum: sed ita ut neque salute  
tua

rua quicquam mihi possit esse antiquius, nec modo  
literas à te iam ullas non flagitem, sed ut de isto  
tuo potius in bonas artes studio aliquid remittas,  
etiam atque etiam rogem. Noui naturæ tuæ insi-  
mitatem: noui incredibilem tuam in omni percipi-  
ienda humanitatis vi assiduitatem. Quare si  
mihi quicquam credis, homini quem tute scis  
tibi esse amicissimum, & in alienis quidem diiu-  
dicandis causis minime stultum: da aliquid corpo-  
ri, serui valetudini: satis tibi sit, earum quas  
quærimus rerum nosse fontes & capita: ratione  
earum & vias ingenio tuo autore & cogitatione  
haud ita multa, modico certe studio consequere,  
præsertim qui puer in leuioribus illis artium stu-  
dijs operam optimè posueris, & nunc in grauior-  
ibus extrema ista tua adolescentia iam tantum  
profeceris. Infinitam istam diligentiam, & im-  
mensam lectionem nobis relinque, qui quo minus  
natura atque ingenio valemus, & in rectam dis-  
ciplinae viam tardius ingressi sumus, eo cum nos  
approperare opus est, magis tum vero euigilare  
in studio diligentius, & labores omnes sufferre  
possimus facilius. Volo enim mi Flaminii charis-  
sime, ut cum homines ingenium, industriam, do-  
ctrinam tuam admirabuntur: laudent etiam pru-  
dentiam, quæte bene usum esse omnes iudicabunt,

H 5      si otio

si ocio pariter & valetudini tuæ consulueris. Nō temere hoc scribo, & ad quem scribam video. Cura igitur primum, ut valeas: Hoc enim nihil mihi facere potes gratius: deinde ut de tuo ad nos reditu aliquando cogites, & Saulium nostrum eodem voces. postremò ut D. Saulius, siquando te viset, & Hector noster, quem tibi semper aside-re non dubito, plurimam hic sibi à me salutem adscriptam esse intelligent. Sed tibi plus omnino oneris impono, quām per valetudinem tuam mihi liceat. Itaque reliqua abiice, vnius tuæ salutis rationem habe. De rerum nostrarū statu, siquid scire voles: Sauliū nostrū perconclator, ad quē vberes de eo literas misi. Etiam atq; etiam, mi Flaminī vale. Ex vrbe Patauio. X III I. Calen. Febr.

Ioan. Matthæo Giberto

Episcopo Veronæ S.

Sadole-tus li. 3. Reginaldus Polus ea virtute, nobilitate, et doctri-na vir, qua tu optime nosti, cùm reuerteretur in Italianam, prislinas (vc ego sentio) consuetudines doctorum hominum, & tuum imprimis cōspectum appetens, ad me diuertit: ostenditque mihi eas literas, quas tu ad illum sane quām amicè eleganterque scripseras. In quibus erat quoque mentio mei & honorifica, & multa. quæ cum iudicium tuum de me, tum multò magis studium beneuolen-tiamque

tiamque declararet. Ego verò, & si subito penè aduentu illius, ac festinatione discedendi occupatus, nec temporis satis ad scribendum, nec animi habere poteram: tamen putavi esse nefas, illum ad te sine meis literis literis accedere. Itaq; has continuò exaraui: non tam ut gratias tibi agearem, quòd me assidue in memoria haberet, (et si illæ quoque iure optimo tibi à me debentur) quam ut indicarem tibi, summam me ex illis ipsis literis tuis cepisse voluptatem, quod me abs te intelligam amari. Quanquam hoc quidem minime nouum mihi accedit, sed eius tum semper incunda est commemoratio. In quo te arbitror existimare, me non posteriores in te amando ferre partes. Verum harum rerum affirmatio iam toties iterata inter nos minus fortasse in hoc tempore necessaria est. Illum quod te magis auere scire puto, quibus ego nunc in studijs verser videlicet, quid mihi habeam propositum, ipse Reginaldus tibi exponere poterit, qui exiguum hoc tempus, quo mecum fuit, totum posuit in inquirendo & perconctando, qua mea studendi, aut scribendi ratio, qui animus, quod consilium esset. Cui ego plane omnium mearum actionum cogitationumque rationem reddidi Sed quod mihi in eo magna voluptati fuit, videor cognosse in illo,

cum

cum summum ingenium, & excellentem in Græcis Latinisque scientiam: tum vero summam in moribus & congressu elegantiam atque humanitatem. Quem hoc etiam nomine pluris facio, quod intellecti te ab eo incredibiliter amari: vsque eò ille de te, & de tuis rebus omnibus & amanter, & honorificè semper loquitur. Eum igitur habebis tu scilicet, nosq; in desiderio manebimus, & ipsius, & tui, & aliorum multorum: quorum familiaritas, & amicitia mihi & ornamento erat, & solatio. Sed hoc feremus, ut poterimus. Illud tibi de nobis persuasum esse volumus, ut vere apud nos perpetuò & memoriam & benevolentiam tui, deque tua mutua erga nos voluntate nobis vicissim exploratum esse. Tu ut studia ea vrgreas, que præclara & eximia maximo animo es aggressus, valetudiniq; seruias, valde te & hortor, & rogo. Nihil est quod maius, aut accommodatus ad beatam vitam facere possis. Vale. IIII. Non. Septemb. M. D. XXXII.

Petro Bembo S.

Longo-  
lius li. i. Iampridem nihil scribo, quod multò audiū  
nummorum aliquid istinc expectem, quam vos  
yllas hinc literas sed quando desiderium tui diu-  
tius ferre non possum, quod quidem mihi tum de-  
nique lenire videor, cum ad te scribo: nec tu  
quicquam

quicquam tam longo interuallo ad me, ego scilicet  
ad te aliquid mittam. Fui Venetijs dies amplius  
quindecim, quos ipsos partim cū Octaviano Gri-  
moaldo in vrbe, partim cum Andrea Nauagerio  
nostro Murani summa cum voluptate traduxi.  
Huius in suburbano, cūm hortus ipse grato no-  
bis spectaculo fuit, ita dimensus & descriptus, vt  
omnes tum pomarij, tum seminarij arborum or-  
dines in quicuncem dirigantur, & exquisitissimo  
ambulationum topiario opere latera eius decu-  
maniq; limitis cameræ conuestiantur: tum verò  
omnem expectationem meam vicerunt mali as-  
syriæ plurimæ, suis quæq; interuallis discretæ, &  
in certum quoque ordinem digestæ: quas eundem  
Nauagerium nostrum paucis ante mensibus se-  
uisse audiebam, atque incredibili quadam cele-  
ritate solertiaq; ad frugem perduxisse, fructu  
mē hercule lœtissimo, etenim cuius aspectu nihil  
sit pulchrius, odore suavius, gustatu iucundius,  
varietate autē atque magnitudine admirabilius.  
delectatur enim etiam agricolarū voluptatibus,  
sed his honestioribus: & qua diligentia artes no-  
stras colit, eadem profectō cum horto suo rationē  
habet. Sed vt ad coniunctiora nobis veniam, scito  
vt primum Patarium veni, perspexisse me, quan-  
tum vel gratia, vel auctoritate apud Marinum  
Georgium

## 110 SELECT EPIST.

Georgium valeres. Accerfuit enim ille me statim honorifcentissime, opesq; suas in tuenda vel salute vel dignitate nostra omnes mihi pollicitus est liberalissime. facturum puto, nam de te mirificè & sentit & loquitur, neque à studijs institutis nostris tam abhorret, quam vulgo hominum opinione existimatur. Amoris erga me sui argumenta non obscura cum iam dederit, tum certe ab intimis & necessarijs eius ita obseruor, ut & me amari putem, & ipsius merito hic tibi gratias omnino acturus fuerim, nisi omnem ex nostra necessitudine gratiarum actionem sublatam esse voluisse. Velim tamen illum certiorem facias, cum mihi officium suum fuisse gratissimum, tum me etiam sibi gratias apud te egisse diligentissime. Atque ne tu quicquam rerum mearum ignores, eadem hic nunc est vita occij; nostri ratio, quæ aestate proxima fuit: nisi quod aliquot noctis horas assumimus, ac per anni quidem tempus iam & liberalius exercemur, et in studia nostra acrius incumbimus. quæ quidem studia, quo etiam alacrius tueri possumus, da (quæso) operam, ut pecunia nobis curetur: aut certè ut intelligam, quare ad eam Flavius nondum peruenire potuerit. Iam quartam hanc epistolam ad te do, cum tu adhuc ne scedulam quidem. quinta si te oppresserit.

presserit, næ mihi longi temporis usuram longiore epistola dependes. Vale. Ex urbe Pata-  
uio. Calen. Decemb.

Reginaldo Polo S.

Magna me voluptate tuæ litteræ affecerunt; Bembus  
 quibus me ad benevolentiam inter nos constituen lib. 5.  
 dam humanissimè prouocas: cauſasque affers,  
 quibus adductus id facis. Nam cùm te antea di- Fam.  
 ligerem; cùm primum intellexissem te planè ado-  
 lescentem, clarissimis atque adeo regib. ortum ma-  
 ioribus, bonarum artium ardore succensum, ex  
 ultimis orbis terrarū finibus Patauium venisse:  
 vt ea in urbe doctissimorumq. hominum conuen-  
 tu, operam illis dares. tenererq. iam vehementi  
 quodam studio cognoscendi & alloquendi tui:  
 quantame nunc demum esse affectum latitia exi-  
 stimas; cùm ad id, quod sponte ipse cupiebam, in-  
 uitari me abs te per litteras videam tam officio-  
 se, tam etiam eleganter scriptas; vt ista ipsa in-  
 uitatio tua, non humanitatis modo genere, sed  
 etiam doctrina nomine eum te esse facile ostende-  
 rit: vt longè magis tua mihi quidem beneullen-  
 tia exoptanda & expetenda, quam adhuc ipse sta-  
 tuerim, planè fuisse videatur? Quod cùm ita sit,  
 accesserit autem ad id nunc etiam Longolij no-  
 stri,

stri, qui mihi tuas litteras reddidit, honorificen-  
tissimis de te, tuisq; virtutibus longus quidem,  
sæpeq; repetitus huius bidui sermo: quem ego vi-  
rum propter eius excellēs ingenium, singularemq;  
doctrinam facio plurimi; propter mores vitaq; e  
probitatem fraternè amo. Complector te quidem  
Pole, atque excipio, vt amanter meam benevo-  
lentiam expertem, certè amātissime; vt etiam  
humaniter me ad id prouocantem. hic verò iam  
non habeo, in quo tibi æque mibi ipse videar re-  
sponsurus. Nam vt parem me tibi omni reliqua  
ex parte eius virtutis, que humanitas dicitur, re-  
ferendis officijs præbeam: certè prior iam ad te  
appellandum, cùm id ipse tua diligentia præri-  
pueris, esse nullo pacto possum. Quod quidem non  
humanitatis modo indicium magnæ cuiusdam, ac  
eximiae, sed humanitas mihi esse ipsa omnis, suo  
cum robore atque radicibus videtur. Itaque cùm  
in eo tibi concedam necesse sit; præsertim cùm  
ipse ijs opibus, ijs propinquis, ea denique sis for-  
tuna; vt etiam si te ipse prior appellasse; quia  
tamen nihil afferre potuisssem eiusmodi, multo sa-  
nè minus in mea humanitatis facto, lumen eluce-  
ret, quam eluceat in tua: efficiam profectò, vt in  
reliquis præstandis amicitiae muneribus atque  
partibus, id, in quo à fortuna vincor tua, recti ac  
propensi

propensi erga te animi mei studijs, officijs, diligētia planē sarciam. Scriberem plura responderemq;  
ad reliquas epistolæ tuæ partes: nisi festinaret  
Longolius, equumq; posceret, utpote iā sine meis  
ad te litteris reuerſurus. Quamobrem in aliam  
epistolā reliqua. Num hoc sic habeto; nihil mihi  
hoc in genere omni, præclara egregiaque ista ani-  
mi tui erga mē declaratione, aut accidisse, aut ac-  
cidere potuisse iocundius. Ex villa Nouiana.  
Quinto Idus Iul. M.D. XXI.

Paulo Iouio Episcopo  
Nuceriae S.

Etsim mihi dubium numquam fuit, quin abs te summopere diligerer: tamen & literæ tuæ plenis-  
simæ amoris atque officij, & ea qua tuis verbis  
Polus ad me detulit, quæq; ipse præterea comme-  
morauit de te, planius mihi ostenderunt, tibi esse  
cordi & quietem & dignitatem meam: atque ea  
que quotidianis ex lucubrationibus à me profici-  
cantur, pluris à te aestimari propter amore, quā  
fortasse digna sint. Quam ego tuam erga me vo-  
luntatem, ne viuam mi Paule, nisi omnium rerum  
habeo charissimā. Nam cum tu singulari doctri-  
na, virtute, eloquentia præditus, is vir sis, ut tuū  
de quoque iudicij maximi fieri debeat: tum vero

I incre-

incredibilis illa comitas, & quædam rara iucunditas, quæ tibi à natura data atq[ue] insita est, facit ut nihil te fieri possit amabilius. Ex quo facile potest existimari, quantum ego mihi ornamentum in tua amicitia esse constituan: cùm & propter ingenij & doctrinae præstantiam, me ornare, & propter humanitatem suavitatemque naturæ delectare etiam possis: non nolis autem utrunque cuius quidem animi tui erga me plura habeo indicia ac testimonia. Sed accidit præteritis temporibus, ut cum et tu meam consuetudinem appeteres, & ego tuæ essem sicutientissimus, potentioribus tamen concedere fuerit necesse, qui te totum sibi arripuerunt: cum tamen inter nos salua semper manserit amicitiae coniunctio. Non enim ego vñquam permisi, neque permisurus sum, ut tu in amore me vincas. Multa me adducunt, ut neminem te pluris faciam, paucos pari atque te benevolentia prosequar. Sed eo nihil est ad meum vinciendum animum arctius, quod me à te amari intelligo. Eius rei duo signa habeo certissima: vnum, quod locorum disiunctio non imminuit benevolentiam: alterum, quod me tuis quotidie scriptis condecoras. Quæ si hoc solum afferrent, ut testificantur te de me sapissime cogitare, ferreus nimirum essem, nisi te amarem efflictim, ferremque affidue

in

in oculis. Cum vero scripta tua eiusmodi sint, ut  
immortalitatem mihī polliceantur: quid aut tua  
in me officio maius, aut mea in te benevolentia de-  
bet esse flagrantius? quam ostendam equidem ri-  
bi aliqua in re, mīhi, crede: & si defuerint cætera,  
eodem te genere remunerabor: euentu fortasse im-  
pari, pari certe studio ac voluntate. Itaque &  
alia tantisper studia intermittam, sicuti tu mīhi  
suades, & ad philosophiam me referam, quemad-  
modum idem tu mīhi es autor: omnibusque in re-  
bus tuo iudicio atque consilio utar libenter.  
Vtinam liceret nobis esse vna. Sed quando diuer-  
sis non solum locis, sed etiam opinionibus remoti  
absumus, quod ego in portu libenter maneo, tu il-  
lis adhuc vndis & fluctibus delectaris: epistolis  
missitandis inter nos assequamur, ut nunquam  
non vna esse videamur. Quod te oro mi Paule  
suauissime, ut in eo me non deseras. Nihil mīhi  
potest esse dulcius, quam aut loqui tecum, quod  
iam erceptum est: aut tuas legere literas, in quo  
mīhi morem gerere tuae est potestatis. Quapro-  
pter tu qui omnes venustatis atque humanitatis  
articulos tenes, noli pati (obsecro) me hac tanta  
& tam exoptata voluptate tuarum literarum  
carere. Vale. & nos dilige, tibiique persuade te à  
me mirabiliter amari. Carpentorati.

12

Guliel-

Gulielmo Budæo S.

Bembus

lib. 5.

Quod me de Longolij patrocinio Rome suscepto tantopere laudas, equidem iuuenem incensum bonarum artium studijs, eaq; causa domo tam longinqua profectum, ac nil aliud dies ac noctes, non modo agentem, sed ne cogitante quidem: optimis præterea moribus, excellenti doctrina, summo ingenio, incredibili studio præditum, ab inuidis neque infimis hominibus nefariè circumuentum, vna cum viro grauiſſimo omnibusq; virtutibus, omni disciplinarum genere, omni cultu literarum noſtra etate longe præstanti Iacobo Sadoleto collega meo, eodemq; mihi vetere benevolentia, conſuetudine, studijs, ſententijs, voluntate, tota denique vita conſociatissimo, alijsq; permultis libentissime, atque etiam multò verius cupidissime defendi. Tamet si eo tempore aduersa valetudine implicitus voluntatem in eo defendendo ardoremq; animi, quantum par erat, adhibere fortasse potui diligenti am, industriam, laboremq; non potui. Sed res ipſa & cauſa eiusmodi fuit, vt non sim tam laudādus, quod Longolio affuerim, quam eſsem improbandus, ſi defuifsem. Valde tamen gaudeo meum in eo ſtudium atque officium tibi magno & præclaro viro gratum optatumq; accidiffe. Quod verò etiam propterea tuam ſim bene-

neuo-

neuolentiam consecutus, video mæ me nō multæ  
opera maximum uberrimumq; fructum percepis-  
se. Reliqua puto te cognouisse ab ipso Longolio,  
cuins aduentus eo nobis gratior fuit, quod nihil  
de illo ad nos aliquot iam menses afferabatur.  
Eius ego consuetudine & conuictu, tum doctri-  
na et studijs mirabiliter delector. Quid dixi ego?  
est iam in oculis nostrorum ciuium non modo pri-  
uatorum, sed plane etiam Senatus principumque  
ciuitatis. Itaq; habet quosdam præstantis ingenij  
literisq; interioribus eruditos viros, quibus cum  
est ferè quotidie, rititurq; ijs valde familiariter:  
inuisitur à multis, amatur ab omnibus. Huius  
autem quod reliquum est, hyemis nobiscum, ut  
arbitror, conficiet rogatu meo, & simul quod ei  
potestas facta est à bibliotheca, quam publicè ma-  
gis illam quidem instructam atq; uberem, quam  
propositam & explicatam habemus, quos volet  
libros promendi. Nam cùm sit in eo, ut de Cato-  
ne scribit Cicero, inexhausta audiitas legēdi, sitq;  
is quasi librorum helluo, libri ipsi præclarí atque  
multi, breui exaturaturum se esse illum in legendo  
non puto. Quanquam de his, deq; tota ratione stu-  
diorum suorum non dubito, quin te ipse diligēter  
reddat suis literis certiorem. Qui & si omnibus  
in sermonibus, collocationibus nostris me miri-

ficè semper delectat, suauissimeque detinet, nul-  
lis tamen de rebus illius sermo tam mihi est iu-  
cundus, quam de te, quod quidem sit planè sæ-  
piissimè, sed hæc malo te ab illo. Tu si me tibi esse  
amicissimum existimabis, quæque à coniunctis-  
simis expectantur proficiisci que solent, ea tibi de-  
me pollicere, non fallam opinionem tuam. Ete-  
niam ut tibi non assentior, ut existimem fieri non  
posse tu mihi indigenti cuiuspiam rei copiam fa-  
cere possis, in quo tamen verborum tuorum mo-  
destia sum delectatus, sic arbitror posse accidere,  
ut mea benevolentia meaque opera tibi quoque  
vñsi sit futura. Quod si accidet, me in ære tuo  
esse, ut existimes, te etiam atque etiam rogo. Va-  
le. Venetijs. I. Non. Ianu.

Simoni Villanouano S.

Pergratæ mihi fuissent tuæ literæ, si quam  
nobis luculentè ingenij tui elegantiam expresse-  
Longo-  
tias li. 2.  
runt, tam iucundū de vitæ tuæ rationibus nun-  
ciuum attulissent. Sed id & antiquum est, & haud  
scio an etiam fato literarum quodam compar-  
atum, ut quo quis ingenuas artes complectatur stu-  
diosius, hoc fortunæ fluctibus iactetur acerbius.  
Hæc enim, ne forte nescias, mihi tecum est com-  
munis querela. nam et si ipse nulla insigni, ut  
tunc quidem est, rei familiaris inopia premor,  
illud

illud tamen eiusdem fortunæ iniuria commissum  
esse video, ut ea sit rerum mearum tenuitas at-  
que angustia, ut tibi ista spe, ista probitate ado-  
lescenti, auxilium meum imploranti, non dico  
non opitulari, quod ipsum per se miserum est,  
sed vix benignè quicquam polliceri possum. Ego  
enim, quod te satis intelligere existimo, pari lite-  
rarum studio incensus & afflictus procul à pa-  
tria vitam ago, non meis iam, aut quod par erat,  
meorum, sed planè alienis opibus casus meos su-  
stentans. Verum quando nemini vni omnia Deus  
concessit, nec ego quicquam ocio nostro esse du-  
cam vel iucundius, vel honestius, facile patior  
apud ceteros plus opum residere. mihi certe nun-  
quām in mentem venit istorum, cuiquam inui-  
dere, quorum abs te insolentiam & iactatio-  
nem ferri posse negas. Idem ipse de te cen-  
se statuas, nec te inanibus istis curis conficias.  
paruo tibi ad tuenda studia tua sumptu opus  
est, is autem nusquam homini studio & frugi  
deesse potest. Sed ad epistolam tuam: in qua quod  
te mihi de literarum tuarum silencio tam multis  
verbis purgares, nihil sane necesse fuit. Quam  
enim ipse mihi in eo scribendi genere legem dixi,  
hanc ceteris quoque omnibus dictam velim: ut  
rum denique literis, cum id vel nostra, vel amico-

I 4 rum

rum interfit, ut amur. Reliqua epistoliarum genera, et si me non parum delectant, praesertim quas homo neque stultus neque insans conscripscerit, ea tamen ab amicis non magnopere exquirro, quorum officium ad mutuanam animorum voluntatem, non ad inania haec studia, semper referendum esse iudicavi. Sic igitur facies, & per me quidem tacabis cum voles, & quandiu voles: ita tamen, ut mihi literarum tuarum sermo cessatione gratior sit futurus: sed ea, ut dixi, conditione, ne tu in eo parrem a me vel gratiam expectes, vel diligentiam. Vix enim credas, quam mihi in tanto ocio scribundis literis parum vacet. Quod porro te nobiscum viuere velle ostendis, est id mihi quidem gratissimum: sed quia te ea in re iuuare possum hoc tempore, non plane video. Persequar tamen vias omneis, ut mihi consuetudinem tuam in operatis maxime fuisse aliquando intelligas quanquam id te iam intellexisse literæ tuæ significabant, & certe ita est. Amavi te quo primum die cognoui, spectauique ex eo tempore semper, quemadmodum nobis de studiorum nostrorum rationibus inter nos commentari saepius liceret: verum nescius quid tu ea in re animi haberes, curauit id scilicet ad huc latus, quam animorum nostrorum coniunctio postulare videatur. Nunc et si mihi consiliariorum tuo-

rum

rum rationes significasti magis, quam explicuisti,  
tamen videbimus diligenter aliquid, in quo sit tū  
certa tuendi ocij tui fides (hoc enim tecum agere  
videris) tum eius quam mihi tecum intercedere  
velim consuetudinis explorata facultas. Tu fac  
interim animo sis magno, nec quicquā esse putas  
tanti, quod studiorum tuorum iter interrumpat.  
Quae nunc iacet afflcta, emerget, mihi crede, ali-  
quando virtus. Vale. Ex vrbe Patavio, Nono  
Calend. Iun.

Octauiano Ferrario, Mediolanum.

Mi Ferrari, si me tantum amas, quātum pro- Manu-  
fctō amas; gratulari te mihi æquum est, quod us li. 10.  
exoptatæ diu patriæ compos denique factus post  
annos decem, tenui fortuna contentus ita viuo,  
vt Regum opes honoresque contemnam; care-  
bam otio, studijs, rebus multis ad meam naturam  
aptis: quæ mihi nunc omnia Dei benignitas re-  
stituit: ijsq; fruor eo suauius, quo fit v̄sus deside-  
rij diuturnitate iucundior. Si quid præterea non  
tam de meo, quām de meorum statu scire vis, ve-  
ferè, qui amant, curiosi sunt omnes, hæc accipe:  
Vxor & filius in vrbe, commoda vterque vale-  
tudine, illa rem domesticam, hic officinam, emen-  
dandorumq; librorum curam administrat egregie.  
Mihi tædio diutinae commorationis urbanae, ru-

I 5           sticari

sticari vehementer placet; quo primum afflictæ  
 diuturno morbo valetudini consulimus: & im-  
 becillo corpori vires addimus; deinde quasi qui-  
 busdam exsolutus vinculis, liberè vagatur, &  
 voluptate pascitur animus honestissima: nullis  
 hic angimur curis, nullis implicamur negotijs: li-  
 cet id quod anteà nunquam licuit, prorsus nihil  
 agere, si volumus: & quod licet, sàpè volumus,  
 nam vehi curru, oppida inuisere propinqua, ami-  
 corum villulas obire, coniuari etiam interdum,  
 suauissimisque epulas condire sermonibus, hoc  
 ipsum voco nihil agere. quamquam qui valetu-  
 dine parum firma, operam dat, ut suauiter, iu-  
 cundè, & honestè simul vivat, is profectò nihil  
 agere mihi non videtur. Sed in hoc tamen vita  
 genere libros, communes delicias nostras, abiecisse  
 me penitus, nolim existimes, nobiscum ubiq, sunt,  
 comites numquam molesti, loquètes, silentes, cum  
 volumus, quoad volumus: & quamquam veter-  
 is morbi reliquiæ quedam supersunt, & vires  
 adhuc languent; quiddam tamen aggredi sum  
 ausus: quod si, ut spero, absoluam: & si ut prin-  
 cipia se dare videntur, ita procedat industria,  
 vel à te probabitur: (à te cum dico, qui subtili-  
 ter & sincerè iudicant, simul omnes intelligo, tu  
 enim is es, quem nec opinio fallat, nec voluntas  
     & veri

à veritate detorqueat) vel quin me putas omnis expertem ingenij, nec de mea, nec de cuiusquam omnino facultate statuere, & existimare quidquam posse, non recuso. Locus ipse me vacuis interpellatoribus, & hac viuendi arbitratu meo, rerum omnium dulcissima, optata anteā potius, quam sperata libertas inuitauit, ut ordiner id, quod, nisi sedem hic statuo, aut certè nisi in hoc secessu, & in hac pene solitudine (nam si cum urbe conferatur, quamquam celebre satis oppidum, solitudo tamen quedam videri poscit) maiorem anni partem consumpsero, vereor ne serò admodum, fortasse etiam pertexere numquām liceat. opus est, nec temporis nec laboris exigui; Tempus hīc, ut video, deesse non potest: laborem communis utilitatis gratia, numquām adducar, ut fugiam: interim tamen, superiore periculo admonitus, operæ curæq; plus in valetudinem, quām in studia conferam. Vale. Ex opido Plebe Sacci, VI. Id. Nou. M. D. LXX.

Gregorio Cortesio S.

Quod posteaquam in Italiam redij, nihil ad Longo:  
tē literarum dedi, id profectō neque obliuione tui factum est, qui etiam si velim, tui tamen obliuisci non possum, ita frequens & iucundus nobis hic est de te quotidie sermo: neque sanè quin esset,  
quod

quod per literas tecum agere vellem, sed quòd ea erant in manibus, que nec literis, nec cuiuis recte committi possent. Rem tenes, genus tabellarium nosti. Nunc autem cum rationem ad te tu zo scribendi inierim, scito mihi magis magisque quotidie de rationibus tuis cogitanti, non iam placere ad rem, ea quam tibi istuc ostenderam via aggredi, ne si quid offendatur, iniquorum sermonibus detur locus, quos vel minima re ad deridendum contentos fore video: sin ut volo & opto cadat, ne rem malii exempli instituisse, nec tam doctrinæ studio, quam religionis odio eò configuisse existimemur. Quineriam non possint multorum sustineri causæ, si tibi quod postulas à Pont. Max. vni concedatur: nec tu non temerè de iudicio principum tuorum aut iudicasse aut desperasse, qui rem tam honestam ab eis non petendam esse duxisset. Huc accedit grauis illa inter vos, & Pont. Maximum controuersia, ut ne si exploratum quidem sit illius nos compotes fieri posse, tamen velim hoc tempore, ne ordinem deseruisse, vel etiam data occasione turpiter trans fugisse potius, quam studijs nostris præsidium quæsiuisse ullum, videamus. Evidem cum nostra plurimum interesse arbitror, grauitatem ut tecumur, neque tam docti quā boni veri hominum opinio-

opinione habeamur: tum vero te non omni solum  
cupiditate, sed omni etiam cupiditatis suspicione  
carere velim. Nec enim nescis, tametsi voluntate  
ea in re tuam, quasi ambitiosam & inanem  
bonus nemo reprehendere possit, quam tamen dif-  
ficile sit, his praesertim moribus, consiliorum no-  
strorum rationes vulgo probare. Atque si Romæ  
nunc essem, ipse tibi negotium nullo maiore nego-  
tio per me conficerem, operam quidem profecto,  
studium, consilium, fidem, rem denique meam in  
eo tibi diligenter nauarem. Absens rem tantam  
per interpres moliri sine periculo qui possum?  
Itaque ne per Sadoletum quidem nostrum quic-  
quam mihi conandum arbitror, praesertim cum  
crebris amicorum & ipsius maxime Sadoleti lite-  
ris Romam vocer, quo si me aliquando contule-  
ro, omnes vias persequar, quibus ad id quod cu-  
pis peruenire posse putem. Sed audi casum plane  
diuinum: scribente me hæc ipsa anxie, repente  
nuncius, rem in conuentu vestro ex sententia no-  
stra confectam esse: habere iam te omnium mune-  
rum vacationem: tantum sodalitatis tuæ studio-  
sis omnibus ocij publico patrum decreto imperti-  
tum, quantum tu vix vel per nos, vel à Pont.  
Maximo consequi potuisses. Quid queris? Su-  
stuli manus, meque à consilio & deliberatione

ad gra-

ad gratulationem totum conuerti: præsertim  
qui eam rem non modo facultatem apud tuos ha-  
buisse, quod vel ipsum plane desperabam, sed  
summo etiam totius conuentus assensu comproba-  
tam fuisse perspicarem. Quapropter fruere isto mi-  
Cortesi ocio: quo nihil neque tibi accommodatius,  
neque sodalitati tua ornatus, neque nobis ami-  
cis tuis iucundius contingere potuisse iudico. Vale  
ex urbe Patavio. IIII. Calend. Jun.

Camillo Paleotto Bononiam

Manuti-  
us li. 10.

Putasti ne vñquam fore, vt ego me Roma-  
norum occupationum è vinculis eximerem? certè  
factum vides. nec mihi venit in mentem eius con-  
silijs pœnitere: quin quotidie magis gratulor, quod  
illa reliquerim, hæc sim adeptus: quod ab omni  
cura liber otio fruar honestissimo: quod ea nunc  
denique studia recolere mihi liceat, à quibus dis-  
iunctus tot annos vixi, vel potius planè non  
vixi; quæ enim potest esse vita sine litteris? va-  
leat ambitio, & fucatus opum splendor, nihil est  
quod sum suauissima librorum consuetudine con-  
ferri iure poscit, qua mente cum essem, commisi ta-  
men, vt aliter sensisse videar, cùm sententiam  
numquam mutauerim. nam ad urbem Romanam  
eo quidem consilio sum profectas, domesticis vt  
ratio-

rationibus consularem, simul tamen id spectans,  
ne delicias meas optimarum studia doctrinarum  
prorsus desererem. aliter accidit. quis me accu-  
set inconstitiae? vicit meam voluntatem po-  
testas eorum, quibus, ut æquum est, non minus li-  
benter, quam necessario, parui. sed mitto præteri-  
ta, quasi enim, ea dum attingo, vulneris obdu-  
ctam cicatricem renouo. Hic me propinqui, fa-  
miliares, noti pariter atque ignoti, redeuntem ex-  
cepere voluptate summa. Urbem priuatis adi-  
ficijs elegantiores, & publicis operibus magnifi-  
centiores, quam reliqueram, inueni præterea,  
quamquam ardente bello, florentem ut in summa  
pace rebus omnibus, quæ vel ad usum corporis,  
vel ad animi delectationem pertinent: quo dolore  
interdum, ac pene mihi succensere cogor, qui tot  
bonis, tanta tranquillitate, tanto etiam nobilium  
virorum erga me amore tam diu me carere sum  
passus. luci tamen id factum est, quod, nisi hinc  
discessissem, diuque abfuissem, hæc ipsa profecto,  
quibus nunc ex interuallo recuperatis iucundissi-  
mè fuor, numquam omnino, quanti essent, intel-  
ligere potuissem. Itaque est, cur immortali Deo  
gratias agam, habeamque maximas, quod mihi  
occasione grauissimi morbi, missionis à Pontifice  
petendæ, ipsique Pontifici concedendæ mentem  
attule-

attulerit. alioqui nec satis decorum putasse, nec vñquam omnino commissum, vt ante p-  
etam diem negotium publicum vrbemque relin-  
querem. In discessu commoda quædam speraban-  
tur: nec defuit intercedentium dignitas, auctorita-  
tas, gratia; ratio temporum est aduersata, Pon-  
tifice natura liberalissimo, Turcicum bellum, &  
præsentis futurique sumptus necessitatem excu-  
fante, mirum id videri nonnullis, ego, qui prope-  
modum id, quod accidit, opinione iam præcepera,  
non sum commotus, ipsoque missionis imperatæ  
misere contentus, cetera non dixerim equidem  
contemnens, sed certè non maximi pendens, otij cu-  
pidus, nihil laetior discessi. Nunc habeo cum va-  
letudine negotium, eius enim morbi, quo me scis,  
Roma dum essem, nec parum diu, nec leuiter la-  
borasse, molestæ admodum reliquæ sunt. sed,  
vt spero sublatis iam causis, quæ morbum & pe-  
pererant, & alebant, sedulitate, ac fidei meorum  
cura, adiuuante etiam huius cœli, quod in lucem  
editus primum hausi, benignitate, breui, omnino  
conualescam. Tu interea fac ne officium deside-  
rem litterarum tuarum. Vale. Venetijs.

Bapt. Egnatio S.

Longo-  
lius li:4. Misit ad me literas tuas hodie Romulus  
Amœsus, iucundas illas quidem mihi & ex-  
pectatas,

pectatas, sed eo sane tempore à te scriptas, cum  
hic de Villanouano iam confecisset. Collocatus  
est enim à nobis apud adolescentem quendam cum  
honesto in primis loco natum, & optimis deditum  
studijs, tum eo etiam fortuna splendore ornatum,  
& sic erga Villanouanum animatum, ut verique  
optime consultum arbitremur. Quamobrem cum  
iam nihil est quod eius causa labores, tum vero  
tibi & meo & ipsius Villanouani nomine gratias  
ego, quam possum maximas: non de eo solum,  
quod mea causa in eum contulisti & studijs, &  
officij, sed de tua quoque ad eum suscipiendum, si  
res coegisset, voluntate, quam mihi per literas tu-  
as humanissime atque liberalissime detulisti. E qui  
dem, et si domo tua non est vñus, tamen quia eam  
illi patere voluisti, perinde me tibi astrictum iu-  
dico, ac si apud te vixisset. Quod autem tua inte-  
riore epistola grauiorem te mihi aduersarium con-  
stituis, quam iij fuerint ipsi, qui me Romæ indig-  
nissime diuexarunt: iocaris tu quidem in eo acutè,  
nec amicè minus, quā oportune, qui nunc denique  
lite secundum me à Senatu, P. Q. R. honori-  
ficienissime data, in capitib[us] iudicium me tam longo  
interuallo retrahas, & vnis ex omnibus iugulum  
hostiliter petas meum. Sed nihil agis. Veritas  
multorum gladijs peti potest, singulari non potest.

K.

Nec

Nec enim quod tibi quasi telum acerrimum su-  
mis, ingratus in patriam videri possum, qui me  
Macliniensem semper & ubique sum professus, ea  
que de Macliniæ ornamentis & tum praedicau,  
& postea scripsi, quæ perpetuo meæ in patriam  
charitatis testimonio fore non despero. At Gal-  
lus videri manis quam Germanus. Ne istius qui-  
dem unde coniecturam ducas, video. tu quidem  
cerco nihil affers, cur ita tibi videri debeam. Sed  
nec ea sane res ad Macliniæ quicquam pertinet,  
quæ siue Gallia attribuatur, siue Germania, niki-  
lo inde obscurior sit, aut illustrior. Non enim ul-  
to nationis & circumfusarum gentium nomine  
clara est: sed tum ciuium suorum virtute atque  
gloria, tum ipsius urbis elegantia & amoenitate  
celebris hominum memorie atque benevolentia  
commendata est. Carolus quidem Caesar inter tot  
regnorū nomina, inter tot imperij titulos, Macli-  
niensem principem sese inscribit, idque more maio-  
rum, qui eam quasi nullius prouinciae regionibus  
circumscripatam, numero semper exemerunt,  
& unde finitimè gentes omnes ius peterent,  
esse voluerunt. Ac profecto sic se res habet, quem-  
admodum in altera defensionum mearum orati-  
one disputavi. Dijudicari vix potest, Germania  
Maclinia sit, an Gallia. Facit lingua, imperium,  
vulgi

vulgi opinio, ut Germaniae adscribenda videatur: rursus hominum ingenia, mores, vicius, vestitus, ac ille gentium omnium celebratus monumentis Galliae ac Germaniae limes Rhenus, eam Galliae adiudicat. Quæ quidem mihi causa est, ut utriusque honestissime cupiam, & hos bellorum motus inter eos componi exoptem potius, quam alteros cum aperta Reip. Christianæ perniciose vincere aut vinci. Sed ad id redeo, quod ait cætos fuisse aduersarios meos, qui illud de duabus sellis viderint. Viderunt Egnati, & in altereatione etiam mihi obiecerunt: sed contrà atque tuam cum à me quererent cuiatis essem, qui nec Gallus nec Germanus essem: ita occurri, ut me & Gallum esse & Germanum dicerem. hic de duabus sellis cum nescio quid illi cauillarentur, etiam tribus me sedere dixi, qui præterea Romanus iam essem. hoc illis non ferentibus, & os hominis clamantibus: respondi, quod negare non poterant, Mundanum esse me, & patriam à me eam duci meam, ubique & mihi & virtuti locus esset. Atque ita sans est: ciues meos eos numero omnes, quicumque nec à pietate Christiana, nec à literis nostris abhorreant: nec tum Romæ tam de adipiscenda ciuitate contendи, quæ nec opinanti & absenti delata esset, quam ne improborum quo-

rundam hominum conſpiratione ex ea turpiter  
eijcerer. Hæc ad te ſcripsi paulò verbosius for-  
taſſe, quam tu velles: ſed in eo te offendit, quod  
longiori illi tuae diſputationi plenius rēpōderim,  
tu me voluminibus poſthac obruas tuis licet.  
Vale, & me, quod facis, ama. Patauij. Tertio  
Non. Mart.

Franciſco Richardoto Epifcopo  
Atrebatensi.

Manuti-  
ua li. 6. Cum anteā tibi, ex hominis mihi amicissimi,  
tuiq; ſtudioſiſimi, ſingularis viri, Octauij Pata-  
gathi ſermone tribuebam plurimum, ac te non-  
dum mihi de facie notum, colere tamen & dili-  
gere non vulgariter cœperam: cum vero, ut legi  
orationem tuam, nuper habitam in Synodo Ca-  
meracensi, qua nescio an quidquam adhuc vide-  
rim preſtantius, dici vix potest, ad meum de te  
iudicium, quantum etiam ad amorem acceſſerit.  
Vidi enim, ut in tabella pictam, atque expreſſam,  
ingenij, doctrinaque tuae imaginem excellentem:  
quam intuens, amore tui ſum incenſus incredibi-  
li, ſic, ut ardentius eſſe nihil poſſit. &, quam-  
quam aſſiduis diſtinguabar curis, ſeci tamen, ſtudio  
ſcilicet impulſus, ut bis tibi litteris aliquam vo-  
luntatis in te meæ ſignificationem darem. nam,  
& ſi tu is es, cuius virtutes, quaſi pleno theatro  
ſpecta-

spectatæ, iam ita notæ sint, ut nec augeri cuiusquam præconio, nec minui vituperatione possint: me tamen ita animatum esse velim existimes, ut, cum multi certatim te ornent laudibus, ego tamen in eo vel principatum appetam, vel superiorem certè feram neminem. Nam quod te de studijs meis non pessimè sentire, & Ioannes Richardotus, præclara indole iuuenis, natus ad omnem laudem, planeque te auunculo dignus, affirmat, & litteræ tuæ, ad illum scriptæ, significant: Valde triumpho, atque istam opinionem, mihi crede, beatorum hominum copijs, atque opinionibus non comparo solum, verum etiam antepono, quid enim optabilius, quam ijs placere, quorum virtus, & vita, tum principibus viris, tum etiam populo placet vniuerso? quid autem accidere cuiquam possit illustrius, quam a te laudari, qui ita viris, ut nihil agas, nihil expertendum putes, nisi cum eximia laude coniunctum? notum enim genus est institutorum tuorum, nota industria, notæ curæ pro salute animarum vel tuenda, vel recuperanda. Scimus quos ex ingenio tuo fructus Atrebates tui partim iam colligant, partim etiam expectent: dicerem, nobis inuidentibus, si aut in Christianum inuidia caderet, aut ex eo genere virtus esset, quæ non longè distribui, non communicari passim fa-

K 3      cile

etile posset. quod cum ita sit, non committam tam  
men, ut te horter, ut ad nos quoque tua scripta  
peruenire velis. quod enim publicè profuturum  
videtur, in eo neque cuiusquam hortationi boni-  
tas tua, neque consilio prudentia locum relinquit.  
Latabor potius, quod ea sis & voluntate & vir-  
tute præditus, ut optimè de Christiana Rep. me-  
reri, eamque miseric temporibus labefactaram  
confirmare maximè possis; quo facto inibis maxi-  
mam gratiam ab omnibus bonis, tibiique perennem  
gloriam, & ea quæ summis meritis proposita  
sunt, præmia cōsequeris. A me velim, si quid tua,  
tuorumq; causa p̄f̄stare possim, quamquam  
quam tu firmus ab omni re sis, & quam ego im-  
becillus, intelligo: veruntamen, si acciderit, ut  
vel amplitudini, gloriaq; tue, vel eorum, qui ti-  
bi chari sunt, commodis seruire possim, expecta-  
bis eadem a me, quæ soles ab ijs, quorum valde  
cognitam habes fidem, benevolentiam, obseruan-  
tiā. dabo operam & assequar, ut spero ut opi-  
nioni tuae officia mea respondeant. studium qui-  
dem, si res p̄f̄scet, exstabat eiusmodi, ut nec ob-  
scurum esse nec mediocre videri possit. Vale. Ro-  
ma. Prid. Id. Septemb. M. D. L X V.

Nicolao Draconi. S.

Longo-  
lius li. 4.

Iam literas tuas desiderare incipiebam, cūm  
mihi

mihi oportune ad IX Cal. Sextil. epistola est à te reddita, in qua illud mihi sane iucundum fuit, atque haud scio an etiam iucundissimum, quod te M. Tullij Ciceronis studiorem iam factum esse cognoui. Certe enim non modo quædam asper-  
fisti, quæ mihi eiusce rei significationem darent minimè obscuram, sed etiam genere toto Ciceronianum quiddam mihi visa est redolere. Laudo consilium, ac simul te pro mutuo inter nos amore ad eius scriptoris lectionem etiam atque etiam ve-  
hementer cohortor, vel currentem potius incito.  
Etenim si latina lingua non iam domestico, aut forensi solo usu, sed tacita quadam mutorum doc-  
torum confuetudine percipienda est: cui nos tan-  
dem potius ad discendum demus, quam illi qui om-  
nium aetatum iudicio habitus sit omnium erudi-  
torum eloquentissimus, eloquentium eruditissi-  
mus? Evidem sic ipse statuo, primum fieri non posse, ut quis cogitata sua praeclarè satis & orna-  
te latinis verbis complectatur, qui non Ciceronis  
scripta diligenter & attente perlegerit. Deinde eum qui illius libros multum & studiose volue-  
rit, si quidem mediocri aliqua sit prudentia pre-  
ditus, ea ipsa multis aliquando fore admirabilem-  
sin modica vel etiam exigua rictus, sic tamen inuenta sua literis mandaturum, ut in his nihil

neque putidum, neque ineptum à quoquam deprehendatur. Nec enim ego Ciceronem ex ea solum parte solitus sum mirari, quod accurata quadam orationis vertate & copia omnis, qui vñquam vsquam floruerunt oratores facile superarit: sed quod ea sit, tum in excogitando ingenij subtilitate, ut nemo acutior, tum in collocandis & distribuendis rebus prudentia atque iudicio, ut nihil ne fingi quidem possit cautius atque omnino aptius. Huc accedit non iam humana illa sed plane diuina quedam orationis forma, qua cum elegantia & dignitate sit præstantissima, tum vero ea est facilitate atque venustate condita, ut quæ grauissima sunt & ornatisima, & certis numeris studiosius astricta, illaborata tamē & simplicia & soluta liberius fluere videantur. Hunc tu igitur, quod facis, & admirare in primis, & quoad eius fieri poterit, etiam imitabere. Ut enim nulla eius laudem consequare industria, magnum tamen id erit & egregium, quod assequere, si optimo, quamvis magno intervallo, fueris proximus, aut etiam in tertiijs, atque ad eo in quartis constiteris. Sed alio delapsus sum, qui ad literas modo tuas rescribere in animo habeam. Non potui scilicet facere, quin tibi paulo verius explicarem, quam mihi in Cicerone perse-  
quendo

quendo consilium probaretur tuum. Ergo ad literas tuas: in quibus quod ait Fulvio nihil auctoritate tua fuisse opus, idem ille mihi quoque scripsit. qua ex re duplarem cepi voluptatem, & quod tu ea molestia caruisses, (molestum enim tibi scio futurum fuisse, tum in urbem venire hoc tempore, tum vero magis ab institutis studijs tuis abduci) & quod affines illi tui, sese fratri suo aequos & faciles praestitissent. Veruntamen est quod tibi gratias nihilominus agam, qui te mea causa omnia fuisse facturum, & adhuc esse, si res coget, ostendas. Fulvium ipsum velim in hac studiose vite voluntate oratione tua confirmes, confirmatum & via-  
tio instructum ad nos primo quoque tempore remittas. Nam tu quidem, si sapis, ex istis locis mibrabis numquam, qui eam istic degas vitam, praequa meum mihi iam ingratum sit oculum: de quo tamen vix credas, quam ipse me beatum aliquando existimarim. Autem concentu è lectulo ad literas mane excitari: à libris circum florida praeta, circum amoenissimos colles oberrare: ab ambulatione, conuiuiis istiusmodi & sermonibus perfrui, dum calor se frangat, aut in opaca suauiter ymbra meridiari, aut altiore in loco, leuioribus balistis & scorpionibus certioris dexteræ & obtutus periculum facere. Inde admissis equis ad venandum

K 5

exire:

exire: postea se in bibliothecam abdere, ubi lectio-  
ni modum non satietas, sed ratio ipsa statuat.  
Adiçis ad hæc lautas & magnificas nescio quas  
cañas, ab ijs vero ipsis molliores quasdam ambu-  
latiunculas & literatas collocutiones: postremo  
suaves & delicatos illos somnos. Ne riuum, nisi  
ista eiusmodi sunt, ut ad ea vel spectanda mare  
transiturus fuerim, si quid r̄spicam tale existere  
suspiciatus essem. Quid nunc censes cum me isto,  
ad tantæ coeundam felicitatis societatem tam li-  
beraliter invitatum vocetis? Noctes, mihi cre-  
des, ac dies istuc cogito, vel potius euolare cupio.  
Quare fac me circiter Idus Septembriæ expectes.  
Adero enim ad eam diem, Deo iuuante, nec ante  
ad reliquum peregrinationis obeundum progre-  
diar, quam omnem vitæ studiorumque rationem  
penitus perspexero, id est, ipse me vobiscum ali-  
quot dies in ista agrorum amœnitate oblectaro.  
Vals. Patauij.

Nicasio Casletano, Patauium.

Manue-  
us li. 6. Patauium te venisse, quæ semper vrbis of-  
ficina quædam est habita doctrinæ: lator equidem  
communium studiorum causa plurimum, cerno  
enim iam animo, ubi tu philosophiam cum elo-  
quentia coniunxeris, quantum ornamenti litteris  
nostris.

nostris, quantum splendoris accedet: sed mecum actum est incommodius, qui, quo tempore nobis, unius die tantum interullo disiunctis, praesentes amicitiae nostrae fructus nullo negocio capere licuisset, quo mihi optatus aut iucundius esse nihil poterit, tunc abesse a te cogar, & omnem suavitatis, delectationisque nostrae spem in mutuo litterarum officio reponere. crede mihi, hac ego cura vehementer angor: quippe, cuius imaginem humanitatis, ingenij, eloquentiae, iam pridem vidi in epistolis tuis, ac saepe sum animo contemplatus, ea si proprius adspicerem, qua latitia, qua voluptate persunderer: valeant, si qui aut opes, aut honorum insignia, vel illustrium virorum ambitiones salutationes tanti aestimant, ut hæc bonis, iucundis, sapientibus, id est, cui quam simillimis amicis anteponant. Accedit ex occupationibus molestia, quibus impediatur, quo minus tecum per litteras quam sapissime colloquar. quod ob eam quoque causam ad te scribo, ne mihi virtus certas, neve oblitione mea potius, quam negotiorum multitudine, factum suspicaris, quod paulo serius fortasse, quam expectabas, epistola tuæ responderim, nulla enim remagis, quam deserti officij memoria, crucior. nec tamen ab amicis plus, quam commodum eorum, aut etiam voluntas

luntas ferat, vñquam postulo. Itaque amicum nostrum cur excusares de infrequentia litterarum, caussæ nihil sunt. quiduis enim mihi potius persuaderi patiar, quam ei me absenti effluxisse ex animo, quem ego præsentem, quibus coluerim officijs, quæque ad eius laudem studia contulerim, optimus ipse testis est. At scribit perquam raro. fortasse aulicae vita consuetudo ita fert, fortasse etiam cum velit, per negotia nō licet aut si licet nostram amicitiam, quæ satis per se firma est, non modo litteris, sed nec vlo prorsus officio putat esse fulciendam, qua ego quoque in sententia sum. & tamen ita me comparaui iam pridem, si quid ab amicis præter meam expectationem omittitur, id ne accipiam durius, & malim omnia mitiore in partem interpretari, quam committere, ut sanctissima necessitudinum iura suspicio, plerunque falsa violare possit, Atque hæc ipsa, nisi graue est, ad eum perscribas velim: & hoc addas, me, cum primum Roman veni, de meo statu litteras ad eum dedisse: quas à communibus amicis, fideli & certo tabellario commissas, periisse non arbitror; ab eo tempore noui nihil in meis rebus contigisse, nisi hoc nouum videtur, mihi cum hoc cælo, cuius multi grauitatem non fent, adhuc quidem optimè conuenire, quod ei fore

incun-

iucundissimum certò scio. Tibi ad Carolum Sigo-  
num, & Michaelem Sophianum, præstantes vi-  
ros, mibiique & studijs, & amore coniunctissi-  
mos, cur litteris opus esse commendaticijs existi-  
mem? quasi non eorum vterque, vt doctrina, sic  
etiam humanitate excellat. Et profecto iam tibi  
ad eorum amicitiam, qua vir bonus & studiosus  
nemo excluditur, aditum aperuit, nullo interces-  
sore virtus tua, illique te cognitum diligunt, tua-  
que in primis consuetudine delectantur. qua ego  
interdum cogitatione ita fruor, vt hac etiam spe-  
cie falli me non sinam, quasi ipse vestris deambu-  
lationibus, & sermonibus interfici. Ego hic, nisi  
me noctes aliquantum adiuuissent, caruissem  
prorsus litterulis nostris, quarum suavitate pa-  
scor. nunc, & quato noctibus dierum spatio,  
vereor, ne non otij quantum vellem relinquatur.  
Tu quam libenter Patauij sis, quamque dia te  
futurum putes, quo vtaris in philosophia doctore  
(nam Genuam, omnium facile principem, rario-  
re iam dentium ordine minus explanatè loqui aie-  
bant) hæc si ad me scriperis, & simul de singu-  
lis publicè interpretantibus quid sentias, dupli-  
cem fructum capiam, & quod ea, que scire aueo,  
cognoscam, & quod ex litteris tuis, in quibus ver-  
naculum illum Romani sermonis leporem, & pla-  
nè Cice-

nè Ciceronianam elegantiam mihi videor agnoscere. Vale, Romæ. IIII. Id. Mart. M. D. L X I I .

Jacobo Lucae Decano Au-  
reliensi. S.

Longo-  
lius li. 4.

Nunquam nobis sane non deerit scribendi argumentum, nisi (ut te olim monui) mutatis id interrogationibus excitemus: quò nomine scripsi ad te haud ita pridem, mihi adeo gratum fore, si plenius ex te intelligerem, cur princeps vester Erasmus Budæo prætulerit, Germanum Gallo, exterum ciui, ignorantum familiari. Nam quod ad eruditionem pertinet, non video qua in re Budæus Erasmo cedat: siue humaniores, siue Christiano dignas homine literas aestimare libeat. Quod vero ad dicendi facultatem pertinet, parem, mea sententia in tam diuerso dicendi genere laudem merentur. Beatisima in ambobus & rerum & verborum copia: sed ita ut alter latius expatietur, alter angustiore quidem alueo, verum altiore ingentem aquarum vim trahat: fluit ille plenior, hic fertur rapidior. In Budæo videor mihi agnoscere plus nervorum, sanguinis, spiritus: in Erasmo plus carnis, cutis, coloris. in illo plus diligentiae: in hoc plus facilitatis. creber ille sententijs, hic facet ijs ille

ille omnia utilicari, hic plurimum delectationi  
tribuit. Pugnat Budæus cura, ingenio, granita-  
te, dignitate: Erasmus arte, subtilitate, leuita-  
te, iucunditate ad victoriam contendit. Huc ama-  
re possis, illum admirari: huic fauere, parere illi.  
Profecto ille me vehementer cogit, hic suauiter al-  
licit. Dicit alter blanditijs, alter viribus trahit,  
verborum delectu religiosus, proprietate perspicu-  
us, si res tralationem expostulat, in metaphoris fæ-  
lix, sententijs grauis, figuris variis, summa orati-  
onis specie honestus, sublimis, seuerus, grandilo-  
quus. Contra Erasmus venustus, modestus, po-  
pularis, floridus, verborum suppellectile diues,  
compositione simul expeditus, simul nitidus, fre-  
quens exemplis, densus argumentis, gratus sali-  
bus. Ille in oratione sua totus quidem semper est,  
sed tum potissimum tonat, tum fulminat, cum  
materia temporum nostrorum obiurgationem ad-  
mittit: Hic etiam quum morib. conuictum facit,  
magis instituto suo seruire atque dolere videtur,  
malagmatis, collyrijs, cerotis, & ceteris id ge-  
nus lenivrum medicamentorum remedijs sanitati  
consulens: ut ille amarulentis quidem illis, sed  
hac tempestate necessarijs potionibus, sectionibus,  
cauterijs alte grassantem vim morbi insectatur.  
Breuiter, si historiam scripturi sint, Budæus  
Thucy-

Thucydidem, magis quam Sallustium: Erasmus  
Liuium, quam Herodotum retulerit: Si poema  
pangendum, hic tragicum & heroicum quiddam  
verborum sententiarumque pondere altius into-  
nabit: ille Comœdiām urbanius, Lyricos suauius,  
elegiam mollius inspirabit. Assurgit tamen &  
hic quoque alieno ingenio, suo vero tam difficul-  
ter, quam ille nunquam, etiamsi velit, sese demit  
tere queat: alioqui superiores illæ virtutes ut  
neutri desint, sic in altero magis patent, in altero  
magis latent: effectu pares, habitu dissimiles, ut  
hanc prorsus aberret quisquis hunc concioni, il-  
lum iudicijs natum dixerit: alterum Palladis  
numine afflatum, alterum Gratiarum choro  
stipatum. Ceterum ut intelligas nihil esse,  
quod sit ab omni, ut ille ait, parte beatum  
aut certe quod omnium stomacho fatis posse face-  
re: audi quid in eis desiderant, qui se aliquod o-  
peræ premium in re literaria fecisse arbitrantur,  
Budæus hoc illis peccare videtur, quod nihil pec-  
cet: Erasmus quod vitijs suis faneat. illum enim  
dum scrupulosius omnia ad veterum normam exi-  
git, sape oblitum eorum, quibus scribit, sibi tan-  
tum & Musis canere: hunc dum ingenio suo ni-  
mis indulget, nihilque putat esse tam vulgare,  
quod non aliquando in oratione suum sibi locum  
honestè

honeste vindicet, turbidum interim fluere. illum  
potius nobis significare quid velit, quam dicere:  
huc immodica sermonis vertate, veluti latogra  
mine sato strangulare. illum oratione nunc obli  
qua verticosum, nunc figurata elatum sepe intu  
mescere, hunc recto nudoque ductu humiliorem,  
plerunque humi serpere: hunc lasciuia molliorem,  
illum austerritate duriorem. Denique alterum  
doctis mirum in modum posse placere: alterum e  
tiam imperitis, si in tam secunda (ut illorum ver  
bis utar) facundia modum tenerent, & suo semper  
freti ingenio, alieno nonnunquam essent diserti,  
vel iudicio, vel consilio. Nam cum prestare pos  
sint quicquid volunt: Par est, inquit, ut opiri  
ma queque velint, nec se esse ambitiosius nobis  
venditent. eo res nostras recidisse, ut mature po  
tius innandi, quam intempestive delectandi simus:  
pro suscepso operis instituto fideliter docendi, non  
crebris licentiosissimisque excursionibus ambagio  
se suspendendi: digredi quidem Senecam & Plu  
num, sed alterum parcere, alterum raro, nec sic quo  
que quæsto, nec nisi oblato argumento. Haec Cri  
tici, quorum sententiae quo minus statim subscri  
bam, faciunt cum alia multa, tum quod non defue  
re clari oratores, qui non grammaticos, sed popu  
lum eloquentie indicem statuerint. Esto sit porri  
L gendus

gendus doctis modo calculus, sint soli literarum principes de re in consilium mittendi, quisnam amabo haec aetate dignus, cui tam superba censura iure credatur? Tueruntur se uterque haud magnis solum exemplis, sed etiam validissimis argumentis. Dicent se non perperam scribere, sed illos corrupte iudicare: in orationibus suis non nasci, sed ab imperitis spinas afferri: Erasmus se omnium rationem habuisse, Budaeus paucorum theatro contentum esse. Itaque ipse nihil decerno, vel, ne futor (ut aiunt) supra crepidam: vel quod apud me paria faciant, hoc est, virtutibus, si qua sunt virtus, pensent, atque adeo superent. Habent enim plus quod laude, quam quod ignoscantur. Illud tantum miror, quod ab initio dicebam: Cur princeps vester in tanta Budaei probitate, doctrina, eloquentia, Germanum Gallo, exterum ciui, ignotum familiari praetulerit. Nec hoc dico, quod Erasmi fortuna inuidem. Studeo namque homini, si quis mortalium alius, tametsi de facie nunquam mihi viso, idque ob communem patriam (sumus enim eiusdem, ut nosti, & lingua & ditionis) colo autem ob eximias illas animi dores, quas in eo ita suspicio, ut votorum meorum summa sit, hinc ad annum etiam alterum supra vicesimum, quo me aetate superat, si non illum, quem nunc tenet, saltem proximum

proximum eloquentiae gradum attingere. Improbum inquis, votum: improbum sanc, sed quod nec ipse plane improbet. Ego nec existimationi, nec commodis tanti viri inuideo, cuius eloquentia apud me pluris est, quam totius Gallie opes. Sed in hoc ista scribo, vt si quid habes, actutum me certiorum facias, cur semper neglectis Gallorum, nunc primum fastiditis Italorum ingenij, Germanicæ tam ambiciose affectemini. Vale, ex urbe Roma

III Cal. Febr.

Hoc selectiorum epistolarum opusculum, ad puerorum institutionem valde idoneum & accommodum est: & ut imprimitur utilissimum.

Henricus Zibertus à Dunghen Can. Antuver. S.T.D.

L 2

BREVISSIMA  
AD EPISTOLAS  
LATINAE CONSCRI-  
BENDAS ISAGOGE.

PER  
Simonem Verrepaeum.



SIMON VERREPAEV S MAGNAE  
spei puero IOANNI Loēuio  
Buscoducensi, S. D.



IDEO quid agas, Loēui suanis-  
fime, Trochum libenter agitas, lu-  
sitas nucibus, equitas in arundine  
longa: & totus adhuc addictus es  
crepundijs tuis & oblectamentis puerilibus: Et  
tamen in hac etate adhuc tenella, de felici studio  
rum tuorum successu magnum quiddam iam nunc  
incipio augurari. HABES in parentibus tuis præ-  
clarum & illustre quod imiteris, propositum  
exemplar: Pater enim & auus paternus ambo  
eruditione non vulgari præstantes viri, ambo  
præclara

præclaræ Senatorij ordinis. Silueducensis orna-  
menta, quique ad hæc studia tua recte excolenda,  
nullis omnino parcunt sumptibus: In te vero eam  
perspicio naturæ indolem, eum ingenij vigorem,  
atque in perdiscendis Romanae lingue rudimentis  
animi alacritatem, ut hanc capere de studijs tuis  
coniecturam nihil omnino dubitem. Quamobrem  
ut quo cœpisti, alacrius pergas, ac celerius faci-  
liusque peruenias, mitto tibi minusculum pue-  
rile, quo velut lacteo cibo cum nucibus tuis lice-  
bit uti, donec non nihil adolesceris, & ad  
solidiorem cibum paulo magis te vocem  
emiri confirmaris. Vale, mi dulcissima & am-  
pla L O E V I, diu ac ferebundus sup-  
licissimè. Antwerpia,

anno salutis Chri-  
stianæ. M. D.

LXXIII.

17. Kalend.

Aprilis.

Naleffij L 3 BRE-

mionij p. 3. ann. V. ariq. 1. ariq. 1.  
silio se dñm. in aliis p. c. illoq. 1.  
nomeribn. p. 1. d. con-

tinu.

BREVIS ET APERTA AD  
EPISTOLAS LATINE CON-  
SCRIBENDAS Isagoge, sive  
Introductio.

QVID EST EPISTOLA?

**E**PISTOLA est absentis cum absente  
colloquium, vel, mutui sermonis nostri  
velut quidam internuncius.

Quales igitur esse debent Epistolæ?

Tales omnino, quales sunt mutuae  
amicorum inter se confabulationes, simpli-  
ces & familiares, festiuæ, dilucidæ, minime-  
que fucatæ, quæ suum tamen ornatum non  
penitus negligant.

In quibus Epistolarum ornatus  
potissimum spectatur?

Partim is in singulis spectatur verbis,  
partim in coniunctis, sive sententiis.

Cuiusmodi igitur verbis utendum in  
Epistolis?

Latinis, Propriis, Vtatis, & quorum  
compositio æquabilis sit gratiola ac facilis,  
nec ab usu loquendi remota.

Fugien-

Fugienda vero sunt verba dura, ambigua,  
obscura, obsoleta, nimium affectata.

*Quales esse debent sententiae?*

Elegantes, apertæ, faciles, quæque ser-  
mone constent quotidiano, ut sensus ad ma-  
num parati sint: Ad hæc non omnino tri-  
uiales: sed vel propriæ, vel eleganti Tropo  
aut Schemate variatæ.

*Quæ sunt Epistolarum partes?*

Epistolarum partes generales sunt, ut vobis hic utrū vulgo tritis, Salutatio, Vale  
dictio, & Superscriptio: quæ omnibus ex  
æquo epistolis adhibentur.

Aliæ vero sunt partes speciales, Exor-  
dium, Narratio, Petitio, & Conclusio, quæ,  
quod non omnibus Epistolis sunt necessariae,  
discantur postea ex Præceptionibus  
Rheticorum.

### DE SALVATIONE.

*Quid est Salutatio?*

L 4

SALV-

SALVAT I O, est qua initio Epistolæ  
absenti salutem nūtiamus. Id quod variis  
consuetum iam est fieri modis.

*Quæ sunt aptissimæ igitur salutandi  
forma?*

*Quæ ad veterum salutandi consuetu-  
dinē quā proximē accomodantur: Sic enim  
fere salutat Cicero: Cicero Pisoni S.  
Cicero Dolabellæ. S. D.*

*Et adiuncto Prænomine.*

Cicero Gn. Pompeio S. D. P.

M. T. Cicero T. Pomponio Attico S. P. D.

Apponitur interdum pronomen, *Suus*.

Cicero Tironi suo S.

Cicero Terentia suæ: Tullia suæ, S.

Aliquando Adiectivum,

Cicero Tironi suo dulciss. S.

Cicero Tironi suo humaniss. & optimo, S.

Vel Dignitatis titulus.

Cicero C. Cæsari IMP. S. D.

Cicero procos. M. Marcello Cos S. D.

Sic ad Veterum consuetudinem

nostras licebit accommodare.

Viues Linacro. S.

VIAZ

Viues

Viues Guil. Budæo, S. D.

Viues Craneueldio suo, S. D. P.

Bembus Sadoletu amico non vulgari S. D.

Manutius Paulo Iouio amico integerri-  
mo, S. D.

Ioach. Perionius Carolo Lotharingo Car-  
dinali, S. D.

Ant. Houæus Abbas, Viglio Zuichemo  
auratae militiae Cancellario, S. D. P.

*Quæ sunt nouæ salutandi rationes?*

Noui sunt illi salutandi modi, quibus Re-  
centiores plerique nunc oblectantur.

Salue mi N.

Salue multum.

Salue plurimum.

Salue ter quaterque.

Salue etiam atque etiam.

Salue pater obseruande.

Salue amice integerrime.

Salue congerro lepidissime.

Salue plurimum in Christo Iesu.

Salue plurimum colende D. Patruel.

S. P. amicorum optime & integerrime.

Salue unicum meum in Christo deus &

L 5 præsi-

præsidium.

Veterum tamen simplicitas nostra  
hac nouitate nequaquam potest corrigi.  
Sed de Salutatione nunc satis. Prosequa-  
mur reliqua.

*Nunc age, ostende, quibus verbis recte  
exordiemur Epistolam?*

Veterum plerique sic olim Epistolam exor-  
diebantur.

Si vales; valeo.

Si vales, bene est; valeo.

Si vales, bene est; ego quidem valeo.

Si vales, bene est; ego valeo, & quidem  
bellissime.

Si vales, gaudeo : equidem valeo, Et Gice-  
ro ac Tulliola bellissime valent.

*Has veterum formas Christiani interdum  
non ineptè sunt imitati.*

Si vales, bene est; Ego per belle valeo, & in-  
dies bellius.

Si vales, bene est; Ego quidem valeo, sicut  
soleo, paulò etiam deterius.

Si vales, bene est; Ego per Dei gratiam sic  
valeo ac viuo, ut nunquam in vita fnavius.

*Sire etc*

Si recte vales, cariss. Pater, vnà cum sua-  
uissima matre, bene est, Nos h̄c, Dei  
gratia, perbellè valemus.

Si recte vales, vnicè mihi dilecte, pariter ac  
obseruande auincule, est quod plurimū  
gaudeam, equidē h̄c, Dei beneficio, va-  
leo rectissimè.

Si tu, tuaque coniunx, socer humanissi-  
mus, reliquaq; familia valetis, est cur maxi-  
mopere gaudeamus: Nos h̄c Dei munere  
valemus ex sententia.

O B S E R V A N D A est h̄c varietas, Dei  
gratia, Dei dono, Dei munere, Dei bēne-  
ficio, Dei benignitate, &c, quæ Dei benig-  
nitas est.

Sed de Exordijs h̄c, ut opinor, suf-  
ficerint: Nam qui cuiusuis ferè generis Epi-  
stolarum apta & accommoda requirit exor-  
dia, is operis nostri maioris de Cōscriben-  
dis Epistolis librum tertium perlegat.

Tu nunc perquiere, quæ sunt reliqua.

Nunc igitur ostendas rogo, dum ad multa  
alicui respondemus, qui fiat aptè ex  
uno argumento in aliud

Vni epistolæ tuæ respondi; venio ad alterā.

Hactenus

Hactenus ad litteras tuas superiores: nunc  
ad posteriores accipe.

Longiori tuæ epistolæ respondi. Venio nunc  
ad breuiorem.

Hactenus ad tuas litteras: Nunc de me pau-  
cis accipe.

Rescripsi feré ad omnia: Nunc nostra vi-  
cissim accipe.

Habes fere de rebus omnibus: Extremum  
est illud, vt te rogem, &c.

Sed hæc hactenus: Addam etiam illud, &c.

Sed tristia mittamus, redeamus illuc vnde  
diuertimus.

Sed plura de his quām statueram: Nunc ad  
propositum reuertamur.

Qui excusabimus litterarū nostrarū breuitatem?

Plura otiosus, hæc inter medios scholæ stre-  
pitus exaratii.

Scribam ad te pluribus alias, cùm plus otij  
nactus ero.

Cùm plus otij nactus ero, vberiores à me  
litteras exspectato.

Hæc scripsi festinans, properante ad vos ta-  
bellario.

Habes epistolam plenam festinationis &  
impuleris.

Breui-

nunc  
nūc  
pau-  
avi-  
num  
&c.  
vnde  
nc ad  
atem?  
x stre  
s otij  
am  
os ta-  
is &  
reui-

Breuitas tuarum litterarum, me quoque  
breuiorem in scribendo facit.

Scribentem me hæc, nunc cœna, nunc alia  
multa interpellant.

Quā nūc contra purgabimus carum prolixitatem?  
Sed iam ultra metas epistolā porrigo, dum  
tui amore, mei oblitus longius rapior:  
Vale igitur.

Sed prouehor longius quām volebam, &  
charta me deserit, ut vides, tecū suauissi-  
me colloquentem. Fac igitur ut valeas.  
Sed iam modum epistolæ diu multumque  
excessi, benevolētia magis adductus, quā  
quod res ipsa postularet. Veli mihi igno-  
cas, quod tanta harū prolixitate te pene  
obtundā, otiabar iam enim & tuas vole-  
bam elicere.

Hæc amore magis impulsus scribenda ad te  
putauī, quā quōd arbitrarer te monitis &  
præceptis meis egerē.

Quo pacto epistolam longiorem recte abrūpemus?  
Sed iam plura quām constitueram. Valebis  
igitur.

Sed hac super re nimis multa, præsertim ad te.  
Sed hæc pluribus fortasse verbis, quām sit  
necessē.

in A.

Sed

Sed quid ago? longius progredior, quam  
volebam.

Sed de his satis, metuoq; ne tu nimiū putes.  
Sed hæc satis multa, vel plura potius quam  
necessæ fuit.

Sed ne longior, vale, ô & præsidium, &  
dulce decus meum.

Sed quid ago? epistolam institueram scribre:  
re: ea autem crescit in volumen.

*Qui tandem Epistolam concludemus?*  
Habes quæ scire cupiebas. Vale.  
Habes fere de rebus omnibus. Vale.  
Habes ut breuissimè potui totum familiae  
nostræ statum.

Hæc habebā quæ his de rebus ad te scriberē.  
Hæc fere ad eas litteras, quas accepi abs te  
proximè.

Finem scribendi faciam, si te primum mo-  
nuero, ut &c.

Reliquum est, ut à te petam mi Ghili, ut  
me de rebus Germaniae quam sepissime  
facias certiorem.

*Ostende quibus formulis amicos in fine  
Epistolæ rectè salutemus.*

552

Ami-

Amicos omnes ex me saluta.

Salutabis parentes meo nomine.

Patrem tuum salutes velim officiosè.

Cariss. matré tñia salutabis à me diligéter.

Sodalitaté totá saluta meis verbis accuratè.

Saluta omnes qui de me istic percūctabuntur

Fratribus tuis ex me multā salutem dicio.

Saluebit à me noster Lepidus officiosè & accurate.

Mihi apud amicos omnes vicarius esto salvator.

Amicum nostrum D. Petrum à Valle iube à me saluere plurimum.

D. Henrico Verrepox precaberis à me lata omnia & felicia.

Salutem à me fratri tuo, & si quem alium fortasse nostri amantem videris.

Eximum virum M. I o. Hubertinum ex me etiam atque etiam saluere iube.

Ad M. Theodoricum , si quid dederis litterarum, illi ex me salutē adscribes plurimā.

Campagnum nostrum eximias spe summae virtutis adolescentē salutato meis verbis diligentissime.

Saluebit à me Loenius noster diligenter,

Itē Ghilius, Ottonius, ac reliqui, quos istic

istic me nosse putas.  
Apud amicos omnes, tu fac nomenclato-  
rem agas, ac singulis nominatim multā ex  
me salutem dicio.

Onerabo te non magna sarcina, ut Hylu-  
renbecam proficiscens salutē meo nomi-  
ne perferas ad amicum nostrū M. IAC.  
Schilderum.

*Iam nomine alterius quī salutem  
adscribemus?*

- |       |  |
|-------|--|
| N. N. | Officiosè te iubet salutari.<br>Iubet te saluere plurimū.<br>Iussit me tibi salutem scribere.<br>Plurimam tibi impertit salutem.<br>Impertiri te iussit plurima salute.<br>Nihil nō optat tibi faustū ac lātū.<br>Præcatur tibi oīa quæ fibimetipſi. |
|-------|--|

N. N. *Præcatur tibi ac tuis omnia feli-  
cissima.*

N. N. *Precatur tibi omnia euenire pro-  
sperrimē.*

*Annūtiat tibi salutē verā ac solidā.*  
**SALVEBIS** à Typotio nostro, adolescen-  
te mihi summè dilecto & tui prorsus ob-  
seruantissimo.

*Iam*

Iam epistolam complicaueram, cùm adiret  
me tuus van der Noot, qui te plurimum  
iussit saluere suis verbis.

Cùm has ad te litteras exararem, aderant  
forte mihi PHILIPPVS de BIE & IO.  
Loeuius, rogabantq; vt suo nomine fa-  
ludem tibi ac familiæ tuae impertirem.

Nunc velim edoceas quā excusabitur Epistola  
subito & neglectius conscripta.

Plura otiosus, hęc subito & varie distractus.

Character epistolæ neglectior testis est  
summa nostræ festinationis.

Hęc exaraui multis distractus negotiis,  
animoque curis valde impedito.

Hęc occupatissimus ad te scripsi, & r̄is  
iam iam profecturus ac viam iniens.

Hęc scripsi ex tempore plus quam oc-  
cupatissimus, scripturus alias accuratius.

Ex tempore scripsi hęc & incogitantius,  
alioqui nec meditatus satis probatus  
scribendi artifex.

Hęc scripsi raptim & plus quam ex tempo-  
re, forte oblato tabellione, scribam alias  
accuratius.

Hęc scripsi præpropere & perturbate,  
quod ex litteris ipsis & sensis facile con-

M iicies;

conuicies. quæso festinationi meæ, & breui-  
tati litterarum, des veniam. Vale.

## DE VALEDICTIONE.

*Quid est Valedictio?*

VALEDICTIO est epistolæ terminus:

Quemadmodum enim à Salutatione  
Epistolam exordimur, ita hoc verbo,  
*Vale*, claudimus.

Profer nunc aptas aliquot Valedictionum for-  
mas, ut prius Salutationum ostendisti.

**Vale.**

**Valebis.**

**Bene vale.**

**Vale & salue.**

**Vale feliciter.**

**Vale rectissime.**

**Fac ut valeas.**

**Cura ut valeas.**

**Da operam ut valeas.**

**Vale mi N. & salue.**

**Vale vir integerrime.**

**Vale etiam atque etiam.**

**Vale iterum atque iterum.**

**Vale cum tuis omnibus.**

**Opto te diu bene valere.**

**Da operam ut bene valeas.**

**Cura,**

Cura, si me diligis, vt valeas.

Cura, vt quam rectissimè valeas.

Cura te etiam atque etiam, & vale.

Cura vt valeas, & me, vt amas, ama.

Vale feliciter mi N. in Christo I E S V.

Vale pancratice, aut si mauis athletice.

Vale mi carissime & suauissime Ghilsi.

Nelongior sim vale, & nos, vt facis, ama.

Bene valere te cum omnibus tuis precor.

Vale felix ac faustus vir oīm humanissime.

Vale etiā atque etiā & salue plurimū mi N.

Incolumē te nobis diu seruet De° Opt. Max.

Bene vale mi Flaminii amice plus q̄ Pyladee.

Bene vale, Nos vt quimus, aiunt, quando, vt  
volumus, non licet.

Bene vale D. Loeui, nostri memor, præser-  
tim in precibus tuis.

Te cum vniuerso Collegio tuo quam re-  
ctissimè valere cupio.

Bene valeat R. T. C. cui me modis omni-  
bus, & ex animo commendo.

Vale vir optime & integerrime, cui me to-  
tum, vt debeo, ita dedo, dicoque.

Vale mi dulcissime & desideratissime Cá-  
pagri, iterumque & s̄pius vale atque sal-  
ue. Ex Hiluarico torrente patria tua.

M 2

Licet

*Licet ne verbo vale, adiucere quippiam?*

Planè licet, præsertim si quid occurferit,  
quod eius, ad quem scribimus, animo,  
velintus fixius inhærere.

Vale & stude.

Vale & rescribe.

Vale & Deum time.

Vale & me, ut soles, aīma.

Vale & me tui amantem redama.

Vale & me, quod facis, amare perge.

Vale & nos, quod mutuum facies, dilige.

Vale & me solito tuo amore fac psequare.

Vale & si me amas, labores aīma & studia.

Vale & hoc ad nos quam primūm aduola.

Vale & litterarū studiis incumbe diligēter.

Vale & quā voles oīa tibi de me pollicere.

vale & nos sēpe tuis litteris, si est otīū, salutā

Vale & boni consule has litteras plusquam  
extemporarias.

Vale & tumultuarium hanc nostram re-  
spondentem fac boni consulas.

Vale & inconcinnam hanc rapsodiā no-  
stram æqui boni velim consulas.

Vale & ora Deum ut incolmis intra pau-  
cos menses vobis semel restituar.

Vale & commendā me precibus Domino,  
mutuum

mutuū orationis beneficiū impensurus.  
*Quid? licebitne post Vale adiucere, si quid prius  
 forsan per obliuionem nobis exciderit?*

**S**i post V A L E neglectū aliquid succurre-  
 rit: aut si quid sit, quod animo eius, ad  
 quē scribimus, velimus tenacius inhære-  
 re, honestē illud hoc modo addi poterit.  
**V**ale, Sed prius quam obsignem epistolam,  
 hoc addam.

**V**ale, Sed percommode hoc nunc in men-  
 tem mihi venit.

**V**ale, Sed mane paulisper, Nam est aliud  
 quod adiiciam.

**V**ale, Sed quam pāne me fugerat, quod te  
 maximē omnium scire volebam.

**V**ale, Sed heus tu, propemodum præterie-  
 ram, quod in primis dictum oportuit.

**V**ale, Sed ô me obliuiosum, pāne excide-  
 rat, quod non oportuit prætermissum.

**V**ale, Sed heus tu, omiseram vnum, quod tu  
 non minus libenter leges quam cetera.

**V**ale, Sed obsignaturo epistolā illud percō-  
 modē venit in mentē, & omissum dolerē.

**V**ale, Iam parabā obsignare litteras, cūm al-  
 teras tuas ad me reddit veredarius, eadē  
 igitur nunc opera, binis tuis respondeo.

M 3 Quid

*Quid post VAL E reliquum?*

Locus & tempus adscribentur.

Locus quidē, si sit propriū oppidi nomen,  
hoc modo: Lutetiæ, Louanij, Neapoli,  
Et interdum per Ablatiuum. (Athenis.

Roma, Patauio, Neapoli, Tybure.

Sic Cicero. Brundusio, Alizia, Leucade.

Si verò propriū loci nomē sit vel aclitō,  
vel Appellatiū, præponetur ei præpositio.  
Aclitō, vt Ex Dommelē, Ex Hiluarēbeck.  
Appell. vt ex ædib° D. Deca. E nostromuseo  
**T E M P V S** verò siue annus hoc modo ad-  
scribi poterit.

Domini Millesimo Quingentesimo,  
Septuagesimo primo.

A Christo nato

A Christi natali

A Christi nativit.

} M.D.LXXIII.

**ANNO**

Salutis humanæ

Partæ salutis

Assertæ salutis.

} M.CCCCC.

} LXXIII.

A partu virginis

Salutiferi partus

} M.D.LXXIII.

Ab orbe redempto

Redemptionis

humanæ.

} 1571.

**Dies**

*Dies verò mensis quì adscribitur?*  
 Kalédis, Nonis, Idib<sup>o</sup> Ianuariis vel Iáuarij.  
 Tertio Kalédas, Nonas, Id<sup>o</sup>, Ianuarias vel rij  
 Ad tertiu Kalédas Nonas Id<sup>o</sup> Ianuarias vel rij  
 Vel more recentiorum.

Primo die mensis Ianuarij.

Decimo die Maij.

Vltimo Decembri.

*Licetne Christianorum feriis indicare diem?*

Licet, hoc modo.

Natali Christi Seruatoris.

Die festo Paschæ, vel Pentecostes.

Feriis assumptæ B. Virginis matri.

Pridie Omnium Sanctorum.

Postridie Conuerzionis B. Pauli.

Dedicationis templi feriis.

Hylaribus nostris. Ipsis Regalibus,

Licet & horam interdum adscribere.

Prima luce, Summo mane, Diluculò.

Crepusculo matutino vel vespertino.

Sub cænam, Inter cænam, Mox à cæna.

Alta vel multa nocte, Ad multam noctem.

Nocte intempesta.

*& diuicieturne in fine scriptoris nomen?*  
 Sic sanè, si initio epist. nō expresseris. alias  
 Paulus Manutius. (minime.)

M 4

Tuus

Tuus ex animo Manutius.

Tuus toto animo Manutius.

Petrus Bembus ex animo tuus.

Tuus totus Iacobus Sadoletus.

Tuus tuo merito totus Christ. Longolius.

Tui, vt scis, amantissimus Ant. Flaminius.

Tui obseruantissimus Ioach. Perionius.

Tui ex animo studiosus Carolus Sigonius.

Tibi addictiss. vel deditiss. Pet. Victorius.

Tuus, si cuiusquam mortalium, Franciscus

Robortellus.

*Ad Nobiles vero vel dignitate illustres, hoc modo plerique nunc scribunt.*

Tuæ Celsitudini } Deditiss. addictiss.

Tuæ Amplitudini } Cliens, clientulus.

Tuæ Clementiæ }

Item sic: Reverentiæ tuæ. Præstantiæ tuæ.

Dignitati tuæ, &c.

Interdum hæc scribunt singulis litteris.

R. T. } Reverentiæ tuæ.

C. T. } hoc est, Celsitudini tuæ.

D. T. } Dignitati tuæ.

Vel ternis litteris.

R. T. C. } Celsitudini.

R. T. A. } id est, Reuerendæ Amplitudini

R. T. D. } tuæ Dignitati.

DE

## DE SUPERSCRIPTIONE.

*Quid est Superscriptio?*

Superscriptio est quæ in summo Epistola-  
iam obsignatæ poniuntur, constatq; nomi-  
ne & cognomine eius cui scribitur. Ad  
hæc congruenti eius epitheto, non otio-  
so, non absurdo vel mendaci, quodque  
oneret personā, non honoret. Tum etiam  
constat loco, in quo agit is, cui inscri-  
bitur.

*Profer, si placet, Inscriptiones aliquot, ad quas  
rectè nostras licebit accommodare.*

Ad Patrem, Patruum, Auunculum, vel  
Præceptorem.

Optimo & integerrimo ciui Antuerpiē-  
si N.N. parenti suo pientiss. & plurimum  
obseruando. ad signum Aquilæ.

Antuerpiæ.

Circumspecto prudentiæ viro N. N.  
patruo, vel auunculo suo singulariter ob-  
seruando. Amsterodami.

Eruditione, virtute & moribus excellen-  
ti viro M.N.N.moderatori scholæ in VVe-  
sterlo, Præceptoris suo carissimo & vnicè co-  
lendo.

In VVesterlo.

M 5 Ad

*Ad fratrem Cognatum vel Sodalem.*

Ingenuo & probo adolescenti N.N. fratri suo longè carissimo, bonarum litterarum studiolo. Louanij.

Liberali indole & eximia spe adolescenti N.N. cognato suo liberalium artium cum primis studioso. Siluæducis.

Præcellentis ingenij & optimæ spei puer N.N. ingenuarum artium studiosissimo.

Hiluarenbecæ.

Præclaræ indolis & magna spei adolescenti N.N. sodali suo iucundissimo & vni cæ caro.

H. B.

Generoso summaq[ue] eruditione & probitate adolescenti N.N. amico suo vere Pyladeo.

H. B.

*Ad Ciuem, Mercatorem vel Opificem.*

Spectato & industrio viro N.N. amico suo integerrimo ad signum Struthionis Bibliopolæ.

ANTVERPIAE.

Eximio & circumspecto viro N.N. cognato suo & amico percaro, Apud Antuerpienses oenopolæ.

Antuerpiæ.

Egregio & spectato viro, N.N. ad signū inaurati gladij cultrario.

Busciducis.

*Ad*

*Ad Secretarium, Aduocatum vel Consulem.*

Præstanti, ornatoque viro M. N. N. ciuitati Bredanæ à Secretis, amico suo haud vulgari. Bredæ.

Eruditione, prudētia, & integritate præstanti viro N. N. in curia Brabantiae aduocato, amico suo præcipue obseruando.

Bruxellæ.

Clariss. & integerrimo viro D. N. N. equiti inaugurate & ciuitatis Louaniensis Cōfili meritis. patrono suo ac Domino plurimū venerando.

Louanij.

*Ad virum Consularem, summae auctoritatis,  
vel dignitatis.*

Virtute & singulari vitæ integritate præstantiss. viro N. N. amico suo maiorem in modum obseruando.

Mechliniæ.

Prudentia & multo rerum usu excellentiss. viro N. N. urbis Gandavensis cui celeberrimo, mecenati suo vnicè colendo & obseruando.

Gandavi.

Clariss. ornatissimoq; viro ac Domino, D. N. N. arcani cōfili Regis Hispaniarum digniss.

digniss. Præsidi, amico & Domino suo singulariter ac perpetuo obseruando.

Bruxellæ.

*Ad Monachum, Priorem vel Abbatem.*

Moribus ac vita probitate venerando Domino, F. N. N. Franciscini ordinis apud Louanienses Monacho: sibi summè dilecto.

Louanij.

Probitate vita ac rara eruditione excellenti viro ac Domino, D. N. N. Dominiciæ professionis apud Colonenses vigilans. Priori.

COLONIAE.

Reuerendo in Christo Patri ac Domino, D. N. N. celeberrimi Monasterij, S. Gertrudis apud Louanienses Antistiti dignissimo, patruo suo ac Domino plurimum cōlendo.

Louanij.

*Ad Sacerdotem, Canonicum, vel Decanum.*

Optimo viro, ac Christi venerando Sacerdoti, D. N. N. Sacratarum virginum Vallis S. Agnetis apud Dommelaños dignissimo Præfecto, amico suo integerrimo.

In Dommelen.

Vita morumq; integritate præstati viro. D. N. N. Cathedralis Ecclesiæ Busciducensis Canonico, amico suo ac Domino in primis

primis obseruando. Busciducis.

Præstanti & eruditione & vitæ integritate viro, M.N.N. Metropolitanæ Ecclesiæ Mechliniensis Decano amico suo & Domino summe cclando & obseruando.

Mechliniæ.

*Ad Pastorem, S. Theol. Doctorem, vel  
Episcopum.*

Eruditione, prudētia, et rerū vsu ornatis. viro S. Theolog. Licētiato, M.N.N. Hyluarenbecensis Ecclesiæ primario Pastori, Domino suo vnicè venerādo. Hyluarenbecæ.

Insigni doctrina, pietate, & integritate clariss. vire M.N.N.S. Litterarum professori regio, Domino suo, ac Præceptorī summe colendo. Louanij.

Reuerendissimo in Christo Patri ac Domino, D.N.N. primo ac dignissimo Antuerpiensis Ecclesiæ Episcopo, Domino suo plurimum colendo & obseruando.

Antuerpiæ.

*Ad viros Nobiles.*

Illustri & generoso viro D.NN. Domino in Hyluarenbeeck, in Orschot, &c. Patrono suo ac Domino in primis obseruando.

In Orschot.

Ornato

Ornato & splendido viro, &c.

Claris orto natalibus viro ac Domino, &c.

Ampliss. grauiſſimoque viro ac Domino,  
&c.

Nobilitate & virtute præstanti viro, &c.

Clariss. pariter ac humanissimo viro, &c.

Auctoritate clariss. & spectatissimo viro,  
&c.

Prisciæ ac veræ nobilitatis, in signisque eru-  
ditionis viro, &c.

Clariss. viro, & omni virtute, doctrina, e-  
loquentiaque ornatis. D.N.N.

S E D tui amore longius iam rapior, quām  
institueram: vereorque ne Isagogen pollicitus,  
eam ipsam in librum producam: Quamobrem  
que reliqua sunt, petantur ex libris illis quatuor  
de Conſcribendis Epistolis, qui, si per valetu-  
dinem licebit, & doctorum iudicis probari in-  
tellexero, propediem fortassis in lucem emit-  
tentur. Interim his reſte, ut utaris precor, ad  
Dei omnipotentis honorem & gloriā in  
petuam animę tuę ſalutem. Nunc igitur VALE,  
& nobis pro labore noſtro bene ſubinde pre-  
ceris oro. 1574. mense April.

Regi ſeculorum immortali & inuifi-  
li, ſoli D E O honor & gloria in  
ſecula ſeculorum, A M E N.

F I N I S.

Hæ Ioannis Lodouici Viuis Epistolæ  
doctæ sunt & vtile, & meo iudicio dignæ  
vt imprimantur.

Attestor D. H E N R I C V S Dun-  
ghen, S.T.D. & Cathed. Eccles.  
Antuer. C A N O N I C V S,  
Pœnitentiarius.

A N T V E R P I A E.

Typis Gerardi Smits Anno 1574.

Mr. Iosephus Iohannes Viretus Epiphonis  
Iobij. Iouani. Antiquar. & Medico Inscriptio  
Academica. Henrici G. A. D. u.  
Episc. S. T. D. & C. Schrey. Ecclesie  
Academi. GANOVICAS  
Praeceptoriensis.

A N T A E R S I V E  
Abies Gerlachiensis Thunbergi





ALVENSLEBEN

Bc

408







SELECTIORES  
EPISTOLAE

*Clarorum virorum,*  
In usum Scholarum in tres Libros  
digestæ;

